

ლიტერატურული გაზეთი

დიმიტრი ნიკლაური

მხანებელი

1

დიდბინიან დიდმს იმიტომ ეძახდნენ, ფართო, შუშაბანდებიან შენობაში ოთხი მომცრო, ნათელი ოთახი რომ ჰქონდა. თუმცა ოთხივეში მდგმური ეყენა და განმარტობასა და სიმყუდროვეს ამოდ ეძებდა. სახლი ვაგზალთან იმდენად ახლო მდებარეობდა, მატარებლის ჩავლისას კედლები ჭრიალებდნენ, მინებს კი ზრიალი გაჰქონდათ. ამ ხმაურს პატარაობიდან იყო შეჩვეული და სიჩუმედ აღიქვამდა. თუმცა საკმარისი იყო, თუნდაც სრულიად უმნიშვნელო, მაგრამ უცხო ბერას გაეფლერა, მაშინვე მწყობრიდან გამოსულიყო. ფანჯრები სამშენებლო ბაზრობას გადაჰყურებდა. მტკრიან დახლებთან მოყვანე ბრბოს საუბარი ყალბი ზანზალაკების უღარუნივით ჩაესმოდა. გეგონება, რაც ერთისთვის უნდა ეთქვათ, მეორეს ეუბნებოდნენ და გაორება ცეცხლივით ტანჯავდათ, რომლის ძალუმი ციმციმი არასოდეს იქნებოდა ყოვლის მომცველი ნათება, როგორც ჩაქრობის პირას მისულ ალს აფერმკრთალებს უკიდურეს ნაპრალებში შელწევს.

დიდბინიან დიდმს მოსაწყენი ცხოვრება ჰქონდა, გორაკებიან შემადლებას რომ ნააგავდა და არც ერთი ბორცვის მოსწორება არ შეეძლო. არც მხილების მოყვარულებს სწყალობდა და ვერც მჩაგვრელებს ეუბნებოდა. ასე ამბობდა, სიმართლე ნაკუნებად ქცეული ქალაქი ხომ არ არის, აბეზარს სახეში შეაყარო, ძვირფასი ზარდახშაა, რჩეულს მუხლმოდრეკით რომ უნდა მიართვა. საზოგადოება პიროვნებასთან მიმართებაში ყოველთვის მკაცრი შემფასებელი იქნებოდა. მაგალითად, ტვირთს დანიშნულების ადგილამდე თუ ვერ მიიტანდა, აბუჩად აიგდებდნენ, თავის თავზე ზედმეტი აიღო და ეს იმიტომ დაემართაო. ხოლო თუკი მიიტანდა, იტყოდნენ, მეტიც შეეძლო, თავი რომ არ დაეზოგაო. ასე ერთ წრეზე ატრიალებდნენ, როგორც მორევში. თუმცა სადაც ტალღებია, გარიყვაც იქ ხდება.

დიდბინიანი დიდმი — ამ ორ სიტყვას ისე წარმოთქვამდნენ, თითქოს სახელი და გვარი ყოფილიყო. ჩვენ კი რახან ცოტა უკვე გავუშინაურდით, მხოლოდ სახელით მოვიხსენოთ. ერთ დილას დიდმის ერთ-ერთმა მდგმურმა ოთახი ხმაურით დაცამისა. ჰაერი არ მყოფნისო, მოიმიზეზა, გეგონება, უფსკრულის ბინადრობას აიძულებდნენ. დიდმს იმის ნაცვლად, რომ განეცადა, შვება დაეუფლა, ჩემთვის ხომ არ დამეტოვებინაო. იგი ტახტზე წამოწვა და ანჯამების ჭრიალს მიუგდო ყური, როგორც უღრილა გიტარის სევიდან აკორდებს. გატრუნული იწვა და თვალები დაეხუჭა, სიმშვიდე უკეთ რომ შეეგრძნო. თითქოს მის გარდა კიდევ ვიღაც ყოფილიყო ოთახში, უხეში და ტლანქი სხეულით ყველაფერს რომ ედებოდა. ლამის შეეძახა, ვინ ხარო. ხმამალალ ლაპარაკს ისედაც შეჩვეული იყო, გამომლაპარაკებელი რომ ჰყოლოდა. ეგონა, არავინ მისმენსო, თუმცა მისი ამბავი უკვე ყველამ იცოდა. უყვარს სულელთან ლაპარაკი, დასცინოდნენ მეზობლები.

II-V



ქეთევან ნათელაძე

მშვიდობით იყავ

ქვიშის საათი ჩამომთავრდა — სიზმარი დილის, ვარსკვლავთმრიცხველო, ფანჯრებიდან რა მოჩანს შენთან, თუთიყუშებით სავსე ეზო, შუადღის ჩრდილი, მწვანე სოიას ფოთლებისგან დანწული სევდა.

რას ვგავდით ნეტავ, გაელვებას ფურცელზე რითმის, აღმართი მორჩა, დაღმართისთვის მცირე დროც გვყოფნის, და სიყვარული, სიყვარულზე ბევრი არც ითქმის — მთების გადაღმა გაჩენილი ხანძარი სოფლის...

ვარსკვლავთმრიცხველო ოცნებების, ლამეებს ათევ, ზღვა ცოცხალია, მაგრამ ზოგჯერ მკვდარ თევზებს რიყავს, ზარებს ტაძარშიც გამუდმებით არ რეკავს მნათე, არ დაელოდო აღარაფერს, მშვიდობით იყავ.

ძველი ვენდეტა გაიხსენე, დამწვარი გემი, დამწვარი პორტი, ერთი, მაგრამ უიღბლო ომი, მზის ცხელ ჩანჩქერში მონავარდე ცხენების რემა, და საყვარელი ქალის ჩრდილი სხვის გვერდით მდგომი.

ისევ შეგაკროთ? გაფიქრებამ ნაცნობი სახის, თითქოს ლოცვისას მახვილივით დაეშვა სხივი, ჩამოატარებს ეს საღამოც დასიცხულ ნახირს, ჩამოატარებს ყოფნის ტკივილს, არყოფნის ტკივილს.

ბევრჯერ ნაცადი მდუმარების გვირგვინი ადგას ამ მოთმინებას და თან

ქვეყნად არაფრის მსგავსი, მშვიდობით იყავ, ყველა ქარი ჩამდგარა რადგან, აღარაფერი არ გექნება მშვიდობის ფასი.

VI



ზურაბ ლავრელაშვილი

სვლიკი გაზონზე

ფაკირმა მკლავზე დახვეული ქერელის თოკი დინჯად გაშალა და ერთი აქნევით მალლა შეისროლა. თოკის წვერი ისარივით ავარდა და გაშეშდა. სანახაობის მაცქერალ ტურისტებს ოხვრა დასცდათ. ბევრი მობილური ტელეფონით იღებდა ამ საოცრებას. ფაკირმა თოკს ხელი უშვა და მკლავები წინ ხარიხასავით გადააჯვარედინა. შეგირდმა ტერფი ფაკირის მკლავებს დააყრდნო, ტანი მსუბუქად აზიდა და ფაკირს მხრებზე შეადგა. მერე ორივე ხელით ღერძივით გაშეშებულ თოკს მოეჭიდა და მაიმუნური სიმარჯვით აცოცდა მალლა.

ბრბო სულგანაბული უცქერდა, როგორ მიინევედა ბიჭი მალლა და მალლა, სანამ თოკის წვერს ზემოდან არ მოექცა. ფაკირმა ხელი გაიქნია და თოკიც მყის მოიმჩვარა, ჩამოიკეცა და ზედ შემომჯდარი ბიჭიც დაბლა დაექანა. ბრბო შეძრწუნდა. ვილაცამ იკვილა, ვილაცას გული წაუვიდა. ათობით ფოტობიექტივი ახლა ასფალტზე გართხმული და გასისხლიანებული ბიჭუნასაკენ იყო დაღირებული. იქვე კი მშვიდად იდგა ფაკირი და ასევე მშვიდად იღიმოდა, თითქოს ფერნამკრთალად.

— პოლიცია! — ერთდროულად იყვირა რამდენიმე კაცმა.

ფაკირმა ხელი ასწია და თითი ტურზე მიიღო. მერე მაყურებლები იმ ხისკენ მიახედა, რომლის გვერდითაც უვნებლად ჩაცუცქულიყო ბიჭი და გაზონზე განოლილ სვლიკს მისჩერებოდა. სვლიკი ნეზვირად იწვა ბალახში. აკვის მაგვარი ქუთუთო ხან ეხუჭებოდა და ხან ეხილებოდა და ბიჭს ზარმაცად შეაჩერებოდა ხოლმე. ქვეწარმავლის ბლანტი გუგა ნელა ბრუნავდა აქეთ-იქით.


აკლოდისმენტებმა იგრილა და ფაკირიც თავის დახრით უხდიდა მადლობას ტურისტებს. მაყურებლები ახლალა ჩასწვდნენ ოინის სიმაცდურეს: ყველაფერი ოდენ მოჩვენება იყო, ილუზია... არავინ აცოცებულა თოკზე და არავინ ჩამოვარდნილა, ფოკუსის განმავლობაში ბიჭი ხის უკან იმალებოდა.

— ბრავო! — ყვიროდა ბრბო და ტაშს უკრავდა. ნელში მოხრილი ფაკირი მედიდურად იღებდა მოლოცვას, მერე ბიჭი იხმო თითის მოხრით.

ხმაურზე სვლიკი დაფრთხა და ბალახებში მიიმალა.

„მარტო ეს მხედავდა“, — გაიფიქრა ბიჭმა და ნელა წამოდგა, რათა მაყურებელს უკეთ დანახებოდა.

VIII-X



დასაწყისი პირველ გვერდზე

უცებ მართლაც გაისმა კარზე კაკუნის, რომელზეც დიდიმ ერთხანს არ რეაგირებდა. ნეტარი წუთების დათმობა ეხანებოდა, მაგრამ ბოლოს მაინც წამოვდგა ზღაპრით. ფულის შოვნა უზენაეს მოვალეობად მიაჩნდა. ზღურბლზე ოთახის სანახავად მოსული უცნობი იდგა მოვიდა სეტყვა, დახვდა ქვა მხერით, კაცობრიობის აღმოჩენილ კანონებს რომ არ ცნობდა, ყველაფერში ჩემით უნდა გავერკვეო. კაკუნზეც ეტყობოდა, ჯიუტი და შეუპოვარი ხასიათი რომ ექნებოდა. თუმცა ჯერჯერობით არ ავლენდა და ოთახს ინტერესით ათვალერებდა. ეტყობა, კმაყოფილი დარჩა, რახან ალტაცებით აღნიშნა, სწორედ ასეთი ნარმომედგინაო. ფასზე მოილაპარაკეს და სიმშვიდის წუთები დაეინყებას მიეცა. ახალი მდგომარეობა უკვე ნასვლას აპირებდა, დიდიმმა ცნობისმოყვარედ რომ შეაჩერა, ბინის შესახებ ასე უცებ როგორ შეიტყვეო.

— ნადირის ალლო მაქვს. ჩემოდნით მიმავალი კაცი რომ შევნიშნე, მაშინვე მივხვდი, საქმე რაშიც იქნებოდა!

— ფულიანი ჩანსარო! — ლამის ენაზე იკბინა დიდიმმა, ვაითუ ეწყინოსო.

— ჰო. მშენებელი ვარ! — უდარდელად დაეთანხმა ახალი მდგომარეობა, — მამაჩემმა სიგიზმუნდი დამარქვა. ახირება სჩვეოდა. რასაც ნიგნებში ამოიკითხავდა, პრაქტიკაში იყენებდა.

— რა დამიხსოვრებს ამხელა სახელს! — გახუმრება სცადა დიდიმმა.

— შენც მშენებელი დამიძახე!

დიდიმს აღარ უთქვამს, მშენებლებს რომ ვერ იტანდა. პრივილეგიებულ ფენად მიიჩნეოდა და გულზე არ ეხატებოდა. სოციალური თანასწორობის მომხრე იყო და უბრალო ხალხი ერჩივნა. ასე ამბობდა, თუკი მდიდრებს სიმდიდრის გამო გავაიგივებთო სიმართლესთან, გამოვა, რომ ღარიბებიც სამართლიანად ისჯებიანო თავიანთი სიღატაკით.

2

დიდიმის ფხუკიანი მეზობელი, მეტსახელად გარეშა, სულ რაღაცას ფაფხურობდა. ყოველი კაპიკისთვის უნევდა გარჯა და დიდიმის უზრუნველი შემოსავლის გამო შური აღძროდა. თანაც რაღაც მზაკვერული დაავადება სჭირდა, მემკვიდრეობით რომ გადმოსცემოდა. ეს ავადმყოფური იერზეც აჩნდა. ქვრივი იყო და დიდიმივით მარტო ცხოვრობდა. ვიღაც ნათესავები კი ჰყავდა, პერიოდულად ტელეფონზე რომ ურეკავდნენ იმის გასარკვევად, ცოცხალი თუ არისო, რადგან ხშირად ყურმილს ალუბისთანავე უთიშავდნენ. დიდიმს არასოდეს უნახავს, მასთან ვინმე მისულებოდა. ასეთები, როგორც წესი, მერე გამოჩნდებიან ხოლმე, ბინის დაპატრონების ჯერი რომ მოაწევს.

ერთხელაც გარეშა კარის ანჯამებს აღულაბებდა, დიდიმმა სწრაფად რომ ჩაუარა. მზერა ამარიდაო, დასწამა მეზობელთან, ოლია რომ ერქვა და ისიც მათსავით მარტო ცხოვრობდა. უკანასკნელი თაობის წარმომადგენლებივით იყვნენ, რომელთა მერე სიცარიელე დაივანებდა. მოგეჩვენებოდაო, დაამშვიდა მან. დიდიმი ასე იმიტომ მოიქცა, დამწვარმა რკინამ ყნოსვა გაუღიზიანა, დამაბრმავებელი ნაპერწკლები კი თვალებსა სტყენდა.

— რაა?! — შეიცხადა მან, როცა ფხუკიანი მეზობლის საყვედურმა მის ყურამდეც მიაღწია. თუმცა ამის იქით არ წასულა. გარეშას ზოგადად მეტყველების აპარატი არ უვარგოდა და ამგვარ აღშფოთებაზე ერთადერთი სიტყვით პასუხობდა — ზახრუმა!

ამის გაგონებაზე კი ისედაც გაფითრებულ დიდიმს გააფთრება იპყრობდა. ნათელი იყო, ერთიანობა უბრად იქნებოდნენ, სანამ როგორღაც ისევ არ შეირგდებოდნენ. გარეშას გული მაშინ მოუბრუნდა, როცა დიდიმმა თავი გარე განათების ზოძს შეადარა, შინაურს ვერაფერში ვადგები და ნეტა რას დავყილობო. ამგვარი გამოცხადება ფხუკიან მეზობელს დიდად ესიამოვნა, რაც ფხუკუნით გამოხატა კიდევ. ზოგადად სიცოცხლის მაგივრად ასე ჩვეოდა. მორიგი გადაყრისას, როცა დიდიმი შპალერის ამძვრელ კიდეებს სინჯავდა, კეთილი განწყობის ნიშნად საქმიანად ურჩია, ბოთლის წებო სცადეო.

— გიჟების წებოს ეძახიან! — განუმარტა დაბეჯითებით, — ამიტომაც ყიდულობს ყველა!

ზოგადად გარეშას რჩევა-დარიგების მიცემა დარწმუნებით სჩვეოდა, როგორც ექიმს რეცეპტის გამოწერა.

— ფიქრობ, ივარგებს? — დაეჭვებული პაციენტის მსგავსად შეჭოჭმანდა დიდიმი, მან კი ნიშნისმოგებით უპასუხა, სწორედ რომ სამენოაო და კვლავ აფხუკუნდა. ასე თუ ისე, ერთობა გაგრძელდა, მაგრამ მეორე დილას სხვა სადარდებელი გაუჩნდა, ახალი მდგომარეობა რომ შეუჩნდა, აივნის კედლებს ნესტი აქვს გამჯდარიო და თუ არ შეკეთდა, ჩამოიშლებაო.

— გაფხეკას საჭიროებს ხელახლა შესაღებად!



— ამისთვის ვერ მოვიცილი. იქნებ შენ მიგეხედა, განუთხარჯს კი ქირაში გამოგიკვითავდი! — მუდარით აღმოხდა დიდიმს.

მდგომარეობით დათანხმდა. ეტყობა, აქედანაც ელოდა გამორჩენას. როცა საქმე გაასრულა, ნახელავი ერთად დაათვალიერეს. მერე კი საქმიანად ურჩია, დერეფანს თუ გადატვირთავ, კიდევ ერთ ოთახს გააქირავებდით.

— შენი ოთახების მომიჯნავედ მდებარეობს და ვინ შეგედავება?

— ეგ ფართი ხომ ძალიან მცირე იქნება ოთახისთვის? — შეიცხადა დიდიმმა.

— რას დაეძებ? განა ზედმეტი ფული განყენს? საუკეთესო სანატორიუმში დაისვენებს სადმე ზღვის ნაპირას. ძალებს აღიდგენ. შენ სახლს იმდენად პრაქტიკულად მდებარეობა აქვს, ვალის აღება რომც დამჭირვებოდა, ამ ოთახს სიამოვნებით შევიძენდი. ეგ არის, საპირფარეოში არ აქვს და საერთოთი უნდა ისარგებლო!

— სამაგიეროდ მერიდიან ნებართვა მაქვს. საბაზანოს გვერდით მდებარე საკუჭნაო შემიძლია სველ ნერტილად გადავაკეთო. თუმცა გაყიდვას მაინც არ ვაპირებ! ახალმა მდგომარეობა, რომლის მგზნებარე სიტყვებში ძალაუფლების მოჭარბება იგრძნობოდა, მტკიცედ განაგრძო:

— იქ ერთი ტური აქვთ, ღია ზღვაში ხომალდით გასეირნება ქალ-მეზღვაურთა გარემოცვაში. ამორძალელებივით მომაჯადოებლად მღერიან. თავს რჩეულად წარმოიდგენ, მაგრამ ეს ტური ძალიან ძვირია! თურმე ხალხი როგორ ცხოვრობს, გაიფიქრა დიდიმმა. მე კი ოლიაც მიბღვერს, იმ ქალ-მეზღვაურთა შესახებ გაგონილი რომც არ ექნება. იქნებ დერეფნის ის მონაკვეთი მართლაც მიმეყიდა.

იმ დღიდან მოსვენება დაკარგა და დასასვენებლად წასასვლელი ფულის შეგროვებას შეუდგა. მშენებელმა, როცა ისევ გადაეჩეხა დერეფანში, განუცხადა, სხვა ოთახებშიც შევიხედე და შენი მდგომარეობა გაცივანო. მთავარი სათქმელი კი ასე ჩამოუყალიბა:

— იქაც იგივე მდგომარეობაა. ხელის შევლება არ აწყენდა. ბევრი ნაკლოვანება აღმოსაფხვრელი. თუ გსურს, მიგიხედავ, ოღონდ ნოტარიუსში დამონებულ მინდობილობა დამჭირდება!

— ბინაში ჩანერას გულისხმობ? — დაეჭვდა დიდიმი.

— მხოლოდ მინდობილობას, სამშენებლო სამუშაოები ჩემს ნებაზე რომ წარგმართო. გზადაგზა ათასი წვრილმანი იჩენს თავს. მასალის მოტანა, სპეციფიკური ნაგვის გაზიდვა და ვინ იცის კიდევ. სადავო არავისთან უნდა მქონდეს. დამბლა კი არ მჭირს, შრომისმოყვარე რომ არ ვიყო. თაკარა და მცხუნვარე მზე, თუ მძიმე და განმსვლავალი ნესტი, ძვალ-რბილი რომ ატანს, ჩემზე არ მოქმედებს. გონებაც სხარტად მაქვს და ხელებიც მარჯვედ მემსახურება. რომც დამინყლულდეს, არაფრად მივიჩნევ. ზოგადად ნგრევას ვერიდები. ძალაყინს ნაკლებად ვიყენებ, რადგან დღეს



სხვა ტექნოლოგიები. ნებისმიერ მასალას ხარისხის სტრუქტურა მოჰყვება. მოკლედ მუშაობა არ მეზარება, სანამ ყველაფერს ნესტივით არ მოვიყვან!

დიდიმს ისეთი შთაბეჭდილება შეექმნა, თითქოს ეს სიტყვა წინასწარ მოემზადებინა. მერე იმდენ ხანს ეჩინა, დიდიმი მართლაც დაჰყავებდა და ნოტარიუსთან მინდობილობის გასაფორმებლად წაჰყვავა. ახალი მდგომარეობა საქმეს შეუდგა და როცა ყოველივეს მორჩა, ფანჯრები ფართოდ გამოაღო გასანიაველად. ოთახში მტკვრის ისეთი ბული დამდგარიყო, გვეგონება, ღრუბელი შემოცურდაო.

— დიდად გარჯობა! — ძალისხმევა შეუქო დიდიმმა. თან უნდოდა, ისევე ოთახის თაობაზე ჩამოეგდო სიტყვა. ერთიანი ფულის მოპოვების საცდური მოსვენებას არ აძლევდა. თუმცა ეჭვიც ღრღნიდა, ისე ვინმე ჩანს, აყოლა ხეირს არ დამაყრისო. იმ საღამოს ფხუკიან მეზობელს მოუთხრო საუბრის შესახებ. ოლიას ტელევიზორთან ისხდნენ და ცხელ ყავას ხვრებდნენ. გადაცემების ყურება იქ სჩვეოდათ. ეგ არის, ეკრანს მაგიდაზე დადგმული ქოთანი ეფარებოდა. ბარაქის ყვავილიაო, თავმომწონედ აღნიშნავდა ოლია. მისი შიშით არასოდეს უცდიათ ქოთნის გადაწევა, წყევლა-კრულვას მოვიწვევო. ყვავილს ხელი არ ახლოთ, ისტერიულად იკივლებდა, ერთი გოჯითაც რომ ყოფილიყო გადაადგილებული. ამიტომაც იძულებულნი ხდებოდნენ, ისე ეთვალთვალათ ეკრანისთვის, თითქოს გვიმრებში იმალეობანო. თუმცა იმ დღეს საყურებლად მაინც არ ეცალათ.

— რას შეგიჩნდა? განა მაგას თქმა უნდა, ფართი რომ არ უნდა მიჰყიდო! — კოპები შეიკრა გარეშამ. არ მოსწონდა საიდანდაც გამომტყვრალი მდგომარეობის სითავხედ.

— არც ვაპირებ, მაგრამ საქმე საქმეზე რომ მიდგეს, რაში მჭირდება?

— ცოლს მოიყვან! — შესძახა გარეშამ, აქამდე როგორ ვერ მოვიფიქრეთო.

— ცოლის მოყვანას თავისი სირთულეები ახლავს! — თავი შორს დაიჭირა დიდიმმა.

— მოგცლია ერთი, რა სირთულეებს გულისხმობ? ეგენი მე მკითხე, მაგ საქმეში ფრიად განაფულ კაცს. ქვრივი ყოველ წვრილმანში ერკვევა. კარგი დიასახლისი, შინ მშეირი რომ მიხვალ, არაფერიც რომ არ ჰქონდეს, რაღაცას მოახერხებს. ზოგი

იმდენად მომხიბვლელია, მორყეულ სანოლსაც დედოფლის სარეცლად გიქცევს. ზოგის ხელში კი სიცოცხლე მოგებურდება. უბრალო განყრომაზეც შიშით მოგჩერება, გვეგონება, როზგების მეტი არაფერი უნახავსო. ოდესღაც რომ ისხურო, ეჭვიანობის საბაბად გაიხდის. ახალდაქორწინებულები მომავალს შესცინიან, ქვრივები კი წარსულს იგონებენ და ამაო ოხვრა ზეცასთან აახლოებთ. მიზეზი ბევრნაირია, მაგრამ მაინც უნდა დაქორწინდე! — ვრცელი სიტყვა ვერდიქტით გაასრულა გარეშამ.

— არავინ მომყვება! — თავი იმართლა დიდიმმა აბეზარი მეზობლის გადასარწმუნებლად.

— ბინა ანახე? — გაიკვირვა გარეშამ.

— არ მინახებია!

— გამარჯობა შენი!

დიდიმი ამ მისალმებამ ისე დააბნია, გაგიმარჯოსო, გულწრფელად უპასუხა თვითონაც, ფხუკიანმა მეზობელმა კი შეგონება განაგრძო:

— ფულს იმისთვის შოულობენ, გზა რომ გაეხსნათ. შენ კი სტაბილური შემოსავლით ხარ განებივრებული. სიცოცხლე წრფეზე სიარულს ჰგავს, რომელსაც მიუყვები და ასფალტი რომც ჩათავადეს, სავალი მაინც გაგრძელდება ოღრო-ჩოღროებით. კაცს ელმავლის ფუნქცია აქვს მინიჭებული. ვაგონი თუ არ შეაბეს, დაძვრის ნებას არ დართვენ, დეპოში დგომითაც რომ გაზზრდეს. მესმის, შუახნისა ხარ და დაოჯახების ამბავი ჰქვიანურად უნდა გადაწყვიტო, ვაითუ ქალი ათასი სახედრის სიჯიუტისა აღმოგაჩნდეს, მაგრამ რჩეული თუ შეგხვდა, ფაქიზად მოეყარი, როგორც ფაიფურის ჭურჭელს. ცოლი სანამ მყავდა, მის კამკამა თვალეში საყვედურს რომ შევამჩნევდი, შიში მიპყრობდა, თითქოს ნეიტრალურ წყლებში სამხედრო გემები გამოჩენილიყო და ცის ლაყვარებში რეაქტიული თვითმფრინავები. ზოგადად ცოლქმარს ერთმანეთთან რაც აკავშირებს, ის აშორებთ. წვრილმან საიდუმლოებებს ვეულისხმობ. ამას მერე მიმიხვდები!

— რას შემინდი! — ამას მერე მიმიხვდა დიდიმი, — არაფრის შეცვლას ვაპირებ ჩემს ცხოვრებაში!

— ჰოდა, ეგვე ეგრე, როგორც აქამდე იყავი! — მიახალა გარეშამ და ეს უწყინარი ბაასიც კამათით დასრულდა.

მეორე დღეს დერეფანი ოლიას გადაეყარა, დიდიმი საყვედურებით რომ აიკლო, რა ვერ გაიყავითო. თქვენ ამ შენობის მკვიდრი მოსახლენი ხართ, მაგრამ რახან ერთმანეთში სულ კინკლაობთ, ყველაფერს დაკარგავთო. გამოჩნდებიან სხვები და როგორც კი ფხვს ოდნავ მოიკიდებენ, ყოველ გოჯს დაეპატრონებიანო. დიდიმს ამ სიტყვებისთვის ყურადღება არ მიუქცევია, ისე მიაკითხა ახალ მდგომარეობას.

— მთელი ღამე პანსიონატის ტური მესიზმრებოდა, კამკამა წყალი და ქალი-ზღვაოსნები. ისევ იმ საკითხის თაობაზე მწოდდი. იქნებ ფასზე შევთანხმდებო და ჯანდაბას, გადატვირთე დერეფნის ის მონაკვეთი, თუკი ისევ თანახმა ხარ!

— მაგის საჭიროება აღარ არის! — ცივად აუწყა მშენებელმა, — სხვა რამე მოვიფიქრე, უფრო სარგისი და მასშტაბური! განბილებული დიდიმი ვერაფერს მიხვდა, პირში კი ჩაღის უამრავ გემოს გრძნობდა.

3

მოულოდნელად ფხუკიანი მეზობელი გარდაიცვალა და დიდიმი დიდიმ მწუხარებაში შეიპყრო. სინდისის ქენჯნა მოსვენებას არ აძლევდა. ვერაფრით გაიხსენა, ბოლოს როგორ დაშორდნენ ერთმანეთს, ნაჩხურები იყვნენ თუ შერიგება მოასწრეს. ალბათ ჩემი ჯერი დადგა, დაასკვნა შემფოთებით და თავის გასამხნეველად მსჯელობას მოჰყვავა, სიკვდილში სამიში არაფერია, ის ხომ მრავალთაგან გაკვალული გზა არისო. მერე ხელსაბანს მიაშურა, მოჩუქურთმებულ სარკეში ფერმკრთალი ნაკვთები ყურადღებით რომ დაეთვალიერებინა. ნეტავ კიდევ რამდენ ხანს ვიცოცხლებო, ერთ წელს? ორს? გულს სიღრმეში იმედოვნებდა, რომ ცდებოდა.

— ვერასდროს ვიცლიდი დასვენებისთვის, თითქოს ეს სიკვდილის შემდგომი მდგომარეობა ყოფილიყო. აგარაკზე მხოლოდ ერთხელ ვარ ნამყოფი, ისიც ბავშვობაში. მართალი მირჩია ახალმა მდგომარეობაში. ნელს საუკეთესო სანატორიუმს ვენე-

ვი, თუნდაც დანაზოგი არ მეყოს და ვალის აღება დამჭირდეს! — დაიქანდა მან და გადანწყვეტილების სისწორეში განმტკიცებულმა, სამძიმარზე გარეშას ოთახში მხნედ და შემართებით შეაბიჯა. სანამ მიცვალებულს სახეზე დახედავდა, კედელზე ტარაკანი შენიშნა, კედლის საათთან ცნობისმოყვარედ რომ დაცოცავდა, გეგონება, დროის მექანიზმით დაინტერესებული ცხოვრების საიდუმლოებაში ცდილობსო გარკვევას. მერე გარეშასთან გამართული იმდროინდელი საუბარი გაახსენდა:

- კედელზე რატომ არ მიასრეს?
- შპალერი გამოსაცვლელი რომ არ გამიხდეს. დაშვებას რომ დააპირებს, ფლოსტით ჩამოვაგდებ იატაკზე და იქ გავუსწორებ!
- რომ გაგეცქვს?
- ნუთუ ამ დონის მოუხელთებელ ბორტმოქმედთა რიცხვს განეკუთვნება? — ჩაეცინა გარეშას.
- შენს ადგილას ზედ მივაკლავდი!
- იმიტომაც გაქვს კედლები მოსვრილი!

შანდალზე სანთელი ენთო, რომლის გამოისობითაც ფუჟიანი მეზობლის ნეშტი ნაგრძელზე უღრმად ირეკლებოდა შებათქაშებულ კედელზე. გრძელი ცხვირი ისე გაეზიკა, გეგონება, სხვის საქმეში ჩაყოფამ დამართაო. სასახლის ირგვლივ სკამები შემოეწყით, მაგრამ არავინ ჩანდა ოლიას გარდა, თავალი რომ შემოეკრა და ფსალმუნებს კითხულობდა გაფაციცებით, ყოველი ნარმოთქმული სიტყვა ნაადგებო მიცვალებულს. უცხო მომსვლელი თითო-ოროლა თუ იყო.

მერე უცნობი ნათესავები გამოჩნდნენ. აქოშინებულები მოცივიდნენ დიდის ამბით და მწუხარებით შეძრეს ქვეყანა. ისინი გულამოსკვნიტ მოთქვამდნენ და გული რომ არ ნასვლოდათ, ცდილობდნენ, საქმე მალე მოეგვარებინათ. მზეც თითქოს მათ ნებას ასრულებსო, დაკრძალვის დღეს კაბადონზე ისე სწრაფად ამოცურდა, გეგონება, მთვარის ჩასვლას არც დალოდებიაო. სადარბაზოდან პროცესია ზანტად დაიძრა სასაფლაოსკენ. ზოზონით ადევნებულ აბეზარ მეზობლებს დიდი ზანტად ჩამორჩა. გაყოლას არც აპირებდა. სასაფლაოს ატმოსფერო მასზე მძიმედ მოქმედებდა, ეს განწყობა კი მთელ თვეს გასტანდა. თანაც სუფრაზე დარჩენის შემთხვევაში ფულის დადებაც მოუწევდა, რომელსაც სანატორიუმისთვის აგროვებდა. გასვენებაში თუ დადებდა, დასვენებისთვის აღარ ეყოფოდა.

— გარეშა მაინც ვეღარაფერს გაიგებს! — აღნიშნა მან, თუმცა სინდისმა შეანუხა და გულში შეუთქვა, პანსიონატიდან დაბრუნებისთანავე მის სახელზე დიდ კლავტარს დავანთებო საკათედრო ტაძარში. ზოგადად მომჭირნობა სისხლში გასჯდომოდა. დილით ფარდას იმ მიზნით გადასწევდა, დღის შუქი რომ შემოსულიყო და ელექტროენერგია დაეზოგა. წინაპრების ნათქვამიც გაახსენდა, უქმად ნარეცხ წყალსაც არ გადავღვრიო, შორიხლო რუც რომ მოჩქეფდესო. მწვანის მაინც მოვრწყავთო, იტყოდნენ. ეს თვისება არც მას ეთმობოდა, მაგრამ მიმდინარე სეზონზე ხარჯს არ მოერიდებოდა. მტკიცედ ჰქონდა გადაწყვეტილი, მეფური არდადეგები მოენყო.

იმ უცნობ ნათესავებს თამადად ცნობილი ნოტარიუსი დაენიშნათ, სუფრაზევე რომ აღუთქვა ბინის გადაფორმებაში დახმარება. ცოლები წამდაუნუნ ურეკავდნენ და ისინიც ამყად პასუხობდნენ, გვაცავა, საყვარელო, მიცვალებულის გარდა აქ ყველაფერი ჩვენ ვართო. თან ნოტარიუსს შესცინოდნენ, ხომ გესმით, მაინც ცოლები არიანო, აბეზარნი და სიცოცხლით აღსავსენი. ფართის დამტკიცებისთანავე გაყიდვის სამზადისს შესვლიდან, ფული შუაზე რომ გაეყო. დიდი ხანი არც დასჭირვებიათ. გარეშას ბინა ახალ მდგმურს შეუძენია. ყიდვის სურვილი რომ გამოუთქვამს, რაღა შორს ვეძებოთო, გახარებით. ალბათ ოთახს დამიცვლის, გაიფიქრა დიდიმმა, მაგრამ მშენებელი არსად ნასულა, ნაყიდი ბინა კი ცვლის უფროსს მიაქირავა. დიდიმმა მხრები აიჩეჩა. ამგვარ გარიგებებში ნაკლებად ერკვეოდა.

4

იმ ზაფხულს ოცნება აისრულა. საჭირო ნივთები დაჩვრტილ ჩემოდანში ჩაალაგა და ავტოვაგზლისკენ გაემართა. ასფალტზე ისე მიაბიჯებდა, გეგონება, მივა თუ

არა, ფეხს მოირთხამსო. სანამ საგარძელს მთარმევდნენ, სკამსაც იკმარებდა. სკამი ხომ იმისთვისაა, რომ ჩამოჯდე, საგარძელი კი იმისთვის, რომ მოკალათდე. საღარო მერე სართულზე აღმოჩნდა და დაბრეცილი კიბე დარბაისლური ტორტმანით აიარა, ნონასნობის შენარჩუნებას უფრო რომ ჰგავდა, ვიდრე მოძრაობას. მზე აცხუნებდა და კედელზე არეკილ ჩრდილსაც ეტყობოდა დიდიმის ღორმუცელობა. ურეჟიმოდ იკვებებოდა, რის შედეგადაც მის მუცელს მზის შუქი როგორი კუთხითაც არ უნდა დასცემოდა, მაინც ტომარასავით ექ-



ნებოდა გამოზნექილი. ცხვირი მაინც არა მაქვს გრძელი, გაიფიქრა დიდიმმა და გარეშას ნეშტი გაახსენდა. გასასვლელში მათხოვარი ავტორილა მოშვლებილი ქუდით, პურის ფული მომეცო. ფეშენ-სასტუმროში მიმავალს ხურდა როგორ დაენანებოდა. იმ ქუდში იმდენი ჩაუყარა, ჩხრიალი გაისმისო. ისეთი მომჭირნეც არ იყო, მონყალბაში გაღებული ფული ფინანსურ დანაკარგად მიეჩნია.

მერე ავტობუსი ჯაყვავით დაიძრა და დიდიმს ძილი მოერია. კარგა ხნის შემდეგ გზამ ხეობაში გადაინაცვლა, სადაც მათა ვანლაგება ისე მოჩანდა, დიდტანიანი ნიგნები რომ აწყვია ბიბლიოთეკის თაროზე. მდინარე მოუსვენარი ექსკურსიამძღოლივით ირჯებოდა, გეგონება, დაზუთხულ ტექსტს აცნობსო ტურისტებს. ერთგან ჩანჩქერი გადმოჩქეფდა. ვერცხლისფერი ჩქერები ზათქით ეშვებოდა ტაფობიდან, გეგონება, ზორბა მეომარს ჩაჩქანი მოესროლოს, ჭახუნით რომ ეცემოდა სხვა ჩაჩქანებს. წყლის ვარდნილი ისე ჟღრიალებდა, სპილენძის ჩამქებისა და თუნგების შეხლა-შემოხლა გაისმისო გარნიზონის სამრეცხაოდან. ხმელეთის ფრინველთა ნათლია-თოლიებს ყაყყათით მიჰქმნდათ თევზები ძღვნად დიდი ხნის უნახავი ნათლულებისთვის. მათი გამოჩენა ზღვის სიახლოვეს ადასტურებდა. რიყეზე მრგვალი ქვები ეყარა, მდინარის დახრილ თვალებს რომ ჰგავდა. თითქოს მთვარის შუქზე გამოცხადებულმა ხილვამ თვალის ჩინი დაუკარგა. მერე ზღვაც გამოჩნდა. მთელ გაყოლებაზე ნახშირის მოტორტმანე ბორცვებთან ქიმიურ რეაქციაში შესული შხეფები მშუშხავ ქაფს წარმოქმნიდნენ.

ახლო რომ დაიგულეს, მგზავრები პანსიონატის ღირსებებზე ალაპარაკდნენ, ისედაც შორს რომ გაგარდნოდა სახელი, როგორც კეთილმონყოილსავანეს. აქ ყველაფერი აქეთო — აუზი, შვედური სასადილო და თვით გოლფის მოედანიც კი, რომელიც დიდიმს არასდროს უთამაშია. თუმცა ენაწყლიან მოსაუბრეებს ტურზე არაფერი უთქვამთ. ამის შესახებ არ გვსმენიაო, მხრები აიჩეჩეს. კიდევ კარგი, რომ ახალ მდგმურს ფართი არ მიეყიდე, გაიფიქრა დიდიმმა. ტერიტორიამ დანახვისთანავე მართლაც იმხელა შთაბეჭდილება მოახდინა, რასაც დიდიმს მდგმურებისგან მთელი წლის განმავლობაში იღებდა, ერთ კვირამ დაამაღრებდა. თუმცა ნვიმები დაემთხვა

და მიდამოს მთქნარებით ადევნები მზეურას. ვის შეეძლო, წინ აღსდგომოდა ბუნების წესრიგსა თუ უწესრიგობას. კუნაპეტში მზის საძებნად ნასვლა განა გონივრული იქნებოდა?! დიდიმის ნომერი მესამე სართულზე აღმოჩნდა. აივნიდან რომ გადმოიხედა, თავბრუ დაეხვა. ჩემოდანი კარადაში შეჩურთა და დირექციას ჩაკითხა ჩივილით, იქნებ სართული შემიცვალათო.

- შეგვიძლია უფრო მაღლა გადავიყვანოთ?! — შესთავაზეს მას.
- რას ამბობთ, მე დაბალი სართული მჭირდება!

დაბლა მხოლოდ აპარტამენტები გეაქვს, თანაც ძვირად ფასობს. მნიშვნელოვანი სტუმრებისთვისაა განკუთვნილი! — გაისტუმრეს უარით. დიდიმს ისევ თავის აივანს მიუბრუნდა. დამსვენებლები მომიჯნავე აივანზეც იდგნენ და უხერხულად ილიმებოდნენ. ვერ მოეფიქრებინათ, ერთმანეთს უნდა მისალმებოდნენ, თუ ხმა არ უნდა გაეღოთ. — მშვენიერი ბაღია, განწყობას უამინდობა რომ არ აფუჭებდეს! — მათ გასაგონად თქვა დიდიმმა, იქნებ ავიყოლიოთ. თუმცა ყურადღება არავის მიუქცევია. ეტყობა, პირადი პართობით იყვნენ დაკავებულნი და მხარის ასაბმელად არ ეცალათ. შეზინდებისას გარე ნათურები აანთეს, შორეული ვარსკვლავებით უღიმღამოდ რომ აციმციმდნენ. ხასხასა გაზონებამაც ციცი-ნათლებივით იწყეს ბჟუტვა. აქ-იქ ადამიანის სილუეტები გამოჩნდა, ქოლგის ქვეშ შეუყუარდნენ ლოკოკინებივით მძიმედ რომ გადაადგილდებოდნენ. ცდილობდნენ, გარეთ ევლოთ და ზღვის ჰაერი ხარბად ესუნთქათ. ტალღებს ხომ იოდი მოჰქონდა, რაც მათ ჯანმრთელობას დიდად წაადგებოდა. ისე ღრმად ქოშინებდნენ, თითქოს აღმართებზე რბენით იყვნენ დალოდნი. ბგერები ისე მიმწყდარიყო, კოცონი რომ მიინავლებდა. მოქუფრული ცა ჭილყვავებს ეკუთვნოდა, სველი მინა კი ჭიყვავებს.

იმ ღამეს დიდიმს გარეშა ესიზმრა, თითქოს გალუმბულები მდგარიყვნენ ღია ცის ქვეშ და თავზე ანივმიდათ. სახლთან ახლო იყვნენ, მაგრამ ვერაფრით აგნებდნენ. როცა გამოეღვიძა, მესხიერებაში მშფოთვარე ფრაგმენტებს მოუყარა თავი. ახსნას შეეცადა, მაგრამ ვერ გაერკვა. ალბათ იმიტომ მესიზმრა, ჩემს აქ ყოფნას ნვიმები რომ დაემთხვაო, დაასკვნა ბოლოს და ნისლით შეთეთრებულ შორეულ კლდეს გახედა, კირით შებათქაშებულს რომ ჰგავდა, თავზე კი თოლიები პეპლებივით დაჰფარფატებდნენ. მერე ფლოსტების ტყაპატყუპით გაეშურა აუზისკენ, რომლის შესასვლელი აკვარიუმის ქვეშ გადიოდა და შესაძლებლობა ეძლეოდა, უცხო სამყაროს ხილვით დამტკბარიყო. მარგალიტებიანი ზარდახმასავით პირლია ნიჟარები ისეთ შეგრძნებას აღუძრავდა, თითქოს ფსკერიდან აჰყურებდა თევზებს, ზოგიერთი მათგანი ფრინველს რომ წააგავდა, გეგონება, ფარფლები ფრთების მაგივრობას უწევსო. საყოველთაო ხანძარში მოყოლილები დამ-

ბუგველ სიმბურვალეს იმით გადარჩენოდნენ, ფერფლისფერმა ზღვამ რომ შეიფარა, სადაც ადაპტაცია განიცადეს და ფრენა განაგრძეს. ამგვარი უზადრუკი დასკვნების გამოისობით დიდიმს დიდ მეცნიერად დიდად ვერ ივარგებდა. სამაგიეროდ წყლის ვეება სივრცეს, ყოველი მხრიდან რომ მოჩანდა, პოეტური აღფრთოვანებით გაჰყურებდა. რამხელა საცავი ცდებოდა უქმად, სიმლაშის გამო კაცს რომ ვერ დაარწყულებდა.

აუზთან ბევრი ხალხი ირეოდა და ბანაობა გადაიფიქრა. არც გარეთ გასვლა ღირდა. მოლრულულ განთიადს დიდიმანვე შეეკრა კოპები. წვიმიან დღეებს ისეთი პირი უჩანდა, ფუჭი ამინდები ერთობ გაინელებოდა და დიდიმს უხალისოდ სცემდა ბოლთას. აკვარიუმის თევზების მსგავსად დრო მონყენილობაში გაჰყავდა. დღეები რუხი თოჯინებივით ჩამწკრივებულიყო, ნაქსოვი კაბები ულაზათოდ ადგათ ტანზე და უნიათო ფერები თალხით შემოსილ მგლოვიარეებს ამსგავსებდათ. ასე ჩაიარა მთელმა კვირამ. ცოტაოდენი ცვლილება წამოსვლის დღეს დაეტყო. ავდარი ჰორიზონტზე დარის ნიშნებმა ჩაანაცვლა. ფთილებად ქცეული ნისლი სივრცეს ანდერძის ასლივით დაეფლათ, თითქოს რამდენჯერმე გადაკითხვით დარწმუნებულიყო, რომ არაფერი შეახვედრეს და ცხოვრების გასაგრძელებლად მხოლოდ საკუთარ თავს უნდა დაჰყრდნობოდა.

სჯობდა, ახლა ჩამოვსულიყავი, უკვე ნასვლა რომ მიწევს, გაიფიქრა დიდიმმა და გადანწყვიტა, დარჩენილი დრო სიამოვნებისთვის მიეძღვნა. იგი ხეებზე გაბმულ ჰამაკში ჩაეშვა, ჯერაც სისველით რომ იყო გაჟღენთილი და მათრახებით დაწნულს ჰგავდა. ვისაც ეკუთვნოდა, რეველოციადმდე წლებში ალბათ ჰალატუხებს ჰყიდა, რეველოციის შემდგომ კი სახრჩობლებს. მაგრამ ამგვარი მოსაზრება ცუდი ამინდებით გამოწვეულ დალილობას მიაწერა და ამგვარი ფიქრები თავიდან მოიშორა. შარავაზე ახალგაზრდა წყვილს ძალი ადრიანად გამოეყვანათ სასიეროდ, მოუსვენრად რომ ყეფდა. გრძელი, ვარდისფერი ენა გამოეყო და პატრონებსაც ენის გადმოგდებადმდე არბენინებდა. დიდიმს წამოდგა, სანატორიუმის ტერიტორიაზე მდებარე მალაზიაში ფლოსტების ტყაპუნით შეჩლახუნდა და იმის მიუხედავად, რომ იქ ყველაფერს გაცილებით ძვირად ჰყიდდნენ, ხელგაშლილობა გამოიჩინა. თუმცა გარეგნული დღესასწაული რახან შინაგანს არ ეყრდნობოდა, უქმაყოფილებამ მოიცვა.

სასტუმროში მობრუნებულმა ჩოქოლი გაიგონა. ვესტებიულში უცნაური რეპროდუქციები გამოეფინათ, დამსვენებლებში დიდი მონონებით რომ სარგებლობდა. გაუგებარ ხალხად რომ არ მიჩნეულიყვნენ, დაკემსილი ტომრები ახალი ხედვის ტილოებად აღექვათ, შედეგების გალერეას იმსახურებოდა, ხელოვნების მუზეუმსა და სასულიერო ქვეყნების საელჩოებსო. სასტუმროს მეპატრონე გამოეფინა გახსნას თავად ესწრებოდა წამყვანი ტელევიზიის რეპორტიორისა და გადამღები ჯგუფის თანხლებით, გატაცებით რომ უამბობდა უზარმაზარი ქონების დაგროვების ამბავს. ყურნალისტი არ აწყვეტინებდა, ეგებ რაიმე ახალი წამოსცდებოდა, ცხელ-ცხელ მასალად რომ ივარგებდა. მოთმინებით უცინოდა, მთავარი შეკითხვა კი ბოლოს დაუსვა, მილიონი ხომ კოლოსალური თანხაა და მისი გამომუშავება როგორ შეეძლებოდა. ისიც ხალხისთ მოჰყვა ტრამპსს, მოწყენილობამ შემიპყრო და სხვა რა დამრჩენოდაო.

— ნუთუ მოწყენილობამ განაპირობა თქვენი უსაზღვრო გამდიდრება? მამ, ბრავო და ბრავო მოწყენილობას! — აღტაცებით დასჭექდა რეპორტიორი, გული რომ უგრძნობდა, ძვირფასი საჩუქარი გარანტირებულს მქონდა. არც გნისას შეწყვეტდა, საყოველთაო ჟრიამულში მეტი მსმენელი რომ ჩაერთო.

— მე ზღვის ნაპირას დავიბადე, რაც უსაზღვრობის განცდას მიჩნდა. მნიშვნელოვანი ხომ ისაა, რაც ნარჩუნდება და არა ის, რასაც ვკარგავთ! — სევდიანად აღნიშნა მილიონერმა.

— ალბათ ამ წლებში ოქროს თევზს გადაწყვიტე, სამ სურვილს რომ ასრულებს მეყსეულად! — ენთუზიაზმით ნააქებარე-პორტიორმა, თხრობა რომ განეგრძო.



დასასრული

— თვეში არაფერ შუაშია. ეგ არის, დროს უქმად არ ვკარგავდი. ერთი ხანობა უდაბნოს შევრჩი, სადაც ძნელი ცხოვრება მქონდა. თუმცა გვარიანი თანხაც გამოვიმუშავე. კარიერად ქცეული კარიერი, ხანგრძლივად რომ ვთხრიდი, სამარხის გასწვრივ მდებარეობდა. საძვალე იმდენად ძველი იყო, ისტორიული მნიშვნელობის თითოეული ექსპონატი ქათქათა და გაცრეცილ ნაჭრებში ჰქონდათ გახვეული, ზედ აღბეჭდილი წარწერებით, სამარხში ძველამოსილი მეომრები რომ განისვენებდნენ. თავის დროზე მღელვარება მარჯვედ ჩაეხშოთ, სახელმწიფოს არსებობას საფრთხე რომ არ შეჰქმნოდა. ჯანყი თავზეხელაღებულითა საქმეა, მისი ბოლომდე მიყვანა კი თავდაუზოგავების. ამბობებულები სიცოცხლეშივე ქცეულან უდაბნოს აჩრდილებად, რადგან ასეთ სიმტკიცესთან შეხლას არ ელოდნენ. მშვირები ტკეპნიდნენ უდაბნოს ქვიშას, მოსარკული ზედაპირით ჰალვას რომ ჰგავდა, ქარავნების მფლობელ სოფდაგართა სუფრაზე მირთმეულს! — ამ სიტყვებზე მილიონერმა თვითონაც იგრძნო შიმშილი და სუფრასთან ხომ არ გადაგვენაცვლაო, შესთავაზა სტუმრებს. მერე მაგიდასთან მიიპატიჟა და ახლა იქ წარმოაჩინა პათეტიკური სულისკვეთება. ჩრდილოეთში დიდხანს დავყავიო. მსმენელებს რჩევაც კი მისცა, სლავი ქალი თუ შეგიყვარდათ, გულის ტკივილი არყის ხესთან გაუმხილეთო. იქიდან იმიტომ წამოვედი, ქვეყანა ომში ჩაერთოო. ჩემი სამშობლო რახან არ იყო, არაფერი მესაქმებოდაო. ემიგრანტს ერთადერთი, რის მოპოვებაც ძალუძს, სიცოცხლის შენარჩუნების გამოცდილებააო და კიდევ ათასი აბდაუბდა წარმოთქვა. ადრე იქით ვცხოვრობდითო, ხელი კუმტ ფერებში გამოსახულ ჭაობებისკენ გაიშვირა. ლერწმებს შორის მდებარე ფიცრულეები მეზადურებს ეკუთვნოდათ, რისხვით აღვსილ მოდგმას, ბედი რომ თითქმის არასდროს სწყალობდათ.

— დარწმუნებული ვარ, შეზარხოშებულ მეთევზეთა უხამსი გინება ახლაც იკლებს იქაურობას! — თვალეები გადმოკარკულა მან, რამაც დიდძალ ხეობაში ნანახი ქვები გაახსენა, — ერთი სული მქონდა, სხვაგან გადავსახლებულიყავი, რათა ის ლატაკი ფონი შემეცვალა, ბავშვობის წლები რომ ჩამიშხამა. ფულის ჩადებით მხიარულ ელფერს იქაურობასაც შევძენდი, მაგრამ ეს ხანგრძლივ და ამოო საქმედ მიჩვენა. დუხჭირი გარემო, მწუხარებით აღბეჭდილი, ჩემთვის ასეთივე დარჩებოდა.

მილიონერს დროდარო სახე უნათდებოდა, გეგონება, მის ზურგსუკან ლამპა ჩახჩახებო. კაშკაშა გამომცემლების მოციმციმე ფონზე აპარატების ჩხაკუნის გაისმოდა. მეპატრონის მტკიცე გამოხედვა, დიდმა ფულმა რომ განაპირობა, მის ღრმა განსწავლულობაზე მიუთითებდა, მაგრამ თავისი ნაზრევი წინადაც რომ გამოეცა და იმ ყაიდის ყდებში ჩაესვა, გამომცემლები ძვირადღირებულ სტამბებში როგორსაც ბეჭდავენ, სადაც მუშებიც კი ოქრომჭედლებით ჰყავთ გამოწყობილი, უბადრუკ ნაჯღაბს ეტრატის სიძვირფასეს მანინც ვერ შესძენდა. თუმცა მგზნებარედ განაგრძობდა საკუთარი გონიერების ხაზგასმას:

— მე ბევრი აღმოჩენა გავაკეთე. უპირველესად მედიცინა უნდა გადაიხედოს. ახალმა დროებამ დაავადების სიმპტომებიც შეცვალა. შაკიკი თავის ტკივილის გარეშე მიმდინარეობს და ვეღარ ხვდები, საქმე რომელ დაავადებასთან გაქვს. თავბრუს ხვევა გულისრევის შეგრძნებას აღარ ინვეს. ამიტომაც მკურნალობისთვის სხვა მეთოდებია მოსაფიქრებელი. ჩემი წარმატების საიდუმლო ისაა, რომ არასოდეს ვნებდებოდი. ეს იმ მეომრებისაგან ვისწავლე, უდაბნოს საძვალეში რომ განისვენებდნენ.

მის ყოველ გამოსვლას ყიყინი და მქუხარე აპლოდისმენტები ახლდა.


— ყავას მოგიდულებთ? — მუდართით შესთხოვა კეკლე (მა მიმტანმა, ოღონდაც მის თვალთახედვაში მოხვედრილიყო.

— მე ცოლი მყავს ყავის მოსაძულელებად! — იუარა მილიონერმა და ამ უკბილო ხუმრობასაც ერთგული გარემოცვა ხორხოცით შეეგება. მილიონერი იყო და უგერგილო ღლაბუციც მანჭავა-ღრეჯით უნდა აღენიშნათ.

— რამდენ ხანს გასტანა ესოდენ მტანჯველმა მდგომარეობამ? — სამძიმრის

ტონით შეიცხადა რეპორტიორმა, ფლიდ გამოხედვას მაშინაც რომ ვერ მოიმორებდა, მისი სტატია ოპოზიციურ გაზეთებსაც რომ დაებეჭდა და იმგვარი შეგრძნება გასჩენოდა, მტრის ტერიტორიაზე ვომობო.

— ყველაფერი ჭიანურდება, დავინყე-



დიმიტრი ნიკლაური
მუანებელი

ბას თუ არ მიეცა! — შთამაგონებლად უპასუხა ურიცხვი წარმატებით თავბრუდახვეულმა რესპონდენტმა, ზოგჯერ ისე მჭეჭარედ რომ შესძახებდა, თითქოს ამალას მოუძღვისო, ზოგჯერ კი ჩურჩულზე გადადიოდა, გეგონება, სანთლის მომცრო ნალვენთი ბუჭტავსო.

— ჩემი ფიცრული ქოხი უმნიშვნელო ქარშიაც სანყალობლად ჭრიალებდა. ქარიშხალი სტეინით მაზიარებდა ზღვეებს შეჭიდებულ რჩეულთა გამოცდილებას, შესაბამისი დასკვნები რომ გამომეტანა. ერთადერთი ეს ქოხი გამაჩნდა და ისიც ფანჩატურივით უბადრუკი. ახლა კი სასტუმროთა მთელ ქსელსა ვფლობ სანაპირო ზოლის ათასკილომეტრიან წრეხაზე!

ხალხი ტიროდა და იცინოდა. ამდენ სიყალბეს დიდძალი ვერ გაუძლო და გაჩირაღდებული სცენა ფეხაკრეფით დატოვა. იგი ნომერში ლიფტით ავიდა და ოთახში შესვლისთანავე სანოლზე გადაემხო. აღმშენებლობით დაკავებულ ადამიანებს ვერა-სდროს ჰგუობდა. მათი გარემოცვა ჩიხის შეგრძნებას აღუძრავდა. ასეთებს კი რა გამოლევდა. იმდენი იყვნენ, გეგონება, კაცობრიობა მხოლოდ ამ საქმით დაკავდაო. დიდძალთაგან ეს ქვეყანა სრულ გაუგებრობად ქცეულიყო და ამას ნუხილით აღნიშნავდა. კიდევ კარგი მემკვიდრეობით უძრავი ქონება ერგო და ოთახების გაქირავებით გადიოდა ფონს. ამისთვის ხომ არც უზრუნია, მხოლოდ მისი შენარჩუნება მართებდა.

— ესეც დიდ ყურადღებას საჭიროებს! — იმართლა თავი, საკუთარი დამსახურებისთვისაც რომ გაესვა ხაზი.

5

წამოსვლის დილა რომ გათენდა, დიდძალი თადარიგი დაიჭირა ანგარიშის გასასწორებლად, ვაითუ ბევრი დრო ნილოსო. თანხობრივ ნაშთს ძირითადად ოთახში მომთმული ყავის საფასური შეადგენდა. ამ განზრახვით მიადგა კანცელარიას, თუმცა ბუღალტერი ჯერ არ მოსულიყო.

— როდის გამოცხადდება, ვერ გეტყვით, აქ ყველას განსხვავებული გრაფიკი აქვს! — აუნყა მოლარემ.

ერთხანს ჰოლში იჯდა მომლოდინე გამომეტყველებით. როგორც იქნა, ბუღალტერი გამოჩნდა. დიდძალი თანხა გაასწორა და ავტოვავ ზღისკენ ფეხით გასწია. თან ჩემოდანი მიჰქონდა, მთელი აქ ყოფნის განმავლობაში მხოლოდ ერთხელ რომ გაეხსნა სანვიმრისა და მაისურის ამოსაღებად.



სხვა ნივთები ხელუხლებლად იდო, როგორც ჩალაგებისას.

ავტოვავ ზალი გორაკებს შორის მდებარეობდა, მდიდრული პანსიონატის მოშორებით. გაპარტახებულ დასახლებაში გულჩათხრობილ ხალხს ეცხოვრა, მწირი შემოსავლით როგორღაც რომ არსებობდნენ. ბაცად შეღებულ ლობებებს ხავსი მოსდებოდა. დიდძალ ფერი ჩამქრალ ცეცხლს აგონებდა. ხეივანში ბებერი ხეები ისე ჭრიალებდა, როგორც კინოთეატრის ძველი სკამები მოსანყენ სეანსზე. კაჭკაჭის ხმა და ყვავების გულღრძო ყრანტალი შორიდან აღწევდა. ცა თუ ისევ მოიქუფრებოდა, კვლავაც დიდი ხნით. მაგრამ საამისო არაფერი ეტყობოდა. ლაჟვარდებს კრიალი გაჰქონდა. ოაზისის წყალს ჩიტები უსდნენ გრძელის ნისკარტებით, გეგონება, ჭალები კენკვა-კენკვით მოველოთ და ახლა ჭალებს მისდგომოდნენ დასარწყულებლად. შორიანლო მდებარე თავლაში ფლოქვების თქარათქური ცხენების სუნთქვას შეეცვალა. შესაშური ოსტატობით მოთიბილი ბალახის გამოისობით, მდელი ერთ თარგზე გაკრეჭილს დამსგავსებოდა. კობტა კორტოხზე, ზამთარში თოვლით რომ დაიფარებოდა, თვის ზინები აღემართათ. კაფეში არსებული ატმოსფერო ნაცნობი იყო, ფემენ-სასტუმროსგან განსხვავებით, სადაც თავს უცხოვრებდა მიჩნეული. მრავალმა გიგზე სამარილეები და სანელელები ელაგა. სამზარეულოში ხორცს ჭრიდნენ წვრილად, სურნელებს მანამდეც რომ აფრქვევდა, სანამ ტაფაზე შებრანავდნენ. დიდძალ მოჰებრებოდა ელიტარული ხამანკები, შავი ხიზილალა და ვაშლის დესერტები. რაღაც ეროვნული მონატრებოდა, მამაპაპური. აქ კი სწორედ ეს იყო. იგი თავისუფალ მაგიდას მიუჯდა და სანამ ხორციან საქმელს შეუკვებოდა, დაჭრილი პური და თაფლი მოართვეს. როცა ვერცხლისფერი კოვზით ყუაზე გადაუსვა, ბლანტ ულუფას მზის ათინათმა ოქროსფერი ბზინვარება შემატა. მადის აღმქერელმა სურნელებამ ფუტკრებსაც უხმო. კოლოებმა კი ისე შეაწუხა, ნეტავ აქედან ცოცხალს გამაღწეინაო. მერე ხალხმრავალ ადგილას გადაინაცვლა. სხვებიც რომ იქნებოდა, ნაკლებად დამკებნენო.

— ამ ადგილს საკოლოეთი უნდა ეწოდოს! — ბრაზით განაცხადა, თანამოაზრეები რომ გასჩენოდა, მაგრამ უმეტესობა ადგილობრივი ჩანდა და შეჩვეული იქნებოდა. თუმცა ერთი მათგანი მაინც აჰყვავ, ერთი ბენონი არიან, კბენა კი მწარე იცინაო.

— ლენის გადაყლურნვა თუ გსურს, ნაკბენიც უნდა აიტანო! — გაეპასუხა მეორე.

— ავიტანდი კიდევ, მაგრამ ისეთი საშინელი ნივლით დამტრიალებენ, თითქოს სასტიკად დამცინიანო!

— ეს კოლოები ისევე ჩვენ, ღარიბებს თუ დაგვკებენ, თითქოს დავიდარაბა გვაკლდეს. მდიდრებს ათასი საშუალება აქვთ, დამცავი ბადეებით დანყებულნი, მწერების სანინაალმდეგო საცხით დამთავრებული. ჩვენ კი აკაპინებული მკლავებით ველით, როდის დავგასხდებიან სასტიკი ნესტრებით. სისხლს გულუხვად ვუზიარებთ წარბშეუხრელნი, გეგონება, მათი მონდობა ვერაფერს გვაკლებდეს!

იქით მაგიდაზეც ისხდნენ ორნი, საერთო ლაპარაკში რომ არ ერეოდნენ. ერთი მათგანი თავის გასაჭირზე ჰყვებოდა. დირექტორი დიდი ამბით მეკითხება, როგორ ხარო. ლამის მივახლო, ფეხებზე გკიდევარ და როგორ ვიქნები მეთქი. მაგრამ მოთმენა სჯობს. დირექციას უძლებდა და კოლო რას დააკლებდა.

დიდიმი ავტობუსში ჩაჯდა და ფიქრები მოეჯარა. ბევრი წერილმანისგან შემდგარი ცხოვრება ცვლილებებს განიცდიდა. ძუნწი კაცი მომჭირნეობას დღითი-დღე ხვენდა. გაკოტრებული ხელგამლილი ხელის გაშვერას სწავლობდა. ყველა თავისი საქმით იყო დაკავებული. დასკვნებს, რომელიც დიდძალს გამოჰქონდა, ხელების სავსავით გამოხატავდა. იგი არაფრის შეცვლას არ გეგმავდა. სიახლეებში გარკვევა საგონებელში აგებდა და აქტიურობის ხალისს უკარგავდა. ბოლოს იმ აზრამდე მივიდოდა, სიცოცხლე სამსჯავროზე წარსადგენად მზადების დრო რომ იყო, მაგრამ მანამ მრავალჯერ მოიტყებდა კისერს, მრავალი იმედი გაუცრუვდებოდა და მზერაც ისეთი კუმტი გაუხდებოდა, ბაქანზე დარჩენილი მგზავრი რომ გაჰყურებს მატარებლის შემადგენლობას, ნუთით რომ გაასწრო და ბოლო ვაგონილა მოჩანს, სადაცაა თვალს რომ მიეფარება.

მომაბეზრებელმა მგზავრობამ რაოდენ დიდხანსაც არ უნდა გასტანოს, ბოლოს მშობლიურ ქალაქს მიადგებო. ნუგეშიც ეს იყო და დიდძალი უცნაურმა ყრუანტელმა შეიპყრო. ასე ბავშვობაში ემართებოდა, როცა ცუდი ამინდებიც სიხარულის მომტანი იყო. მისდღემში ვაგზალთან ახლო ცხოვრობდა, მაგრამ ბევრ რამეს ვეღარ ცნობდა. მან ბეტონის ურიცხვ ჩონჩხს ჩაუარა, ამნებებთან დაწყვიტულს, თავისი მისაბმელებითა და მისადგმელებით. მრავალი შენობა შენდებოდა ერთდროულად, რომელთაგან ერთ-ერთს მისი მდგმური ზედამხედველობა ენეტავ მაინც რომელს? კარკასთა რუხ მწკრივის ცნობისმოყვარედ გახედა, თითქოს როგორმე უნდა ამოეცნო. კედელთან მიყრილი მომსხო ქვები ზვინად აეხორხლათ, სიმძიმის მიზეზით რომ არ ჩამოცვენილიყო. ზედმეტ შრომას ერიდებოდნენ, რადგან გზაზე გაბნეულს ვინდა აკრეფდა. ხეების მწვანე საცავიც გამქრალიყო. ერთიდა ჩანდა, ფოთლებზე ცემენტის მტვერი სქლად რომ დასდებოდა, გეგონება, ფერუმარლით გათხუპნესო.

საზოგადოების მნიშვნელოვან ნაწილს მშენებლები შეადგენდნენ, ტვინის გამოიმლაყავი სალაპარაკო ენაც ერთნაირი რომ ჰქონდათ — რკინა-ბეტონის არმატურა, ამრეკლი იზოლაცია, დაფაქტურებული აგური, ავტოგენური შედუღება, საშხეფი სისტემა, აკუსტიკური ბათქაში, აკრილის მილები, ჰაიდელბერგის ცემენტი, განმბჯენი ქანები, სამთო სამაგრები, ბრჭყყილა ჭანჭიკები, ფასადის ფერდები, საჭედები, კოჭები, შევრილები, გრუნტი, სარტყელი, ანჰიდრიტი, ბადეები და კიდევ ვინ მოსთვლის რამდენი რამ. ამ კასტის წარმომადგენლები ამგვარი ტერმინებით ბჭობდნენ, ლაზღანდარობდნენ და ტექნიკურ ფრაზეოლოგიას განავრცობდნენ, თითქოს პრაქტიკული გამოცდებისთვის საჭირო უცხო ენას ეუფლებიანო. სპეციფიკურ სიტყვებს უაქცენტოდ გამოთქვამდნენ, სისხლის ჩქროლა რომ ეგრძნოთ ეპოქის შიგნით ჩამჭვრალეს, დიდძალ კი თავი გააბეზრეს, მათგან განსხვავებით ყოველი დღე მორიგი ეტაპის გადალახვად რომ მიიჩნდა.

ყამირს დანთქმა სწევია, ადამიანები კი ერთად დასახლებისკენ მიისწრაფოდნენ. მაგრამ ბეტონით ჩახერგული ვიწრო ქუჩები რომც გაეფართოებინათ, ზოგან წყალი ამოხეთქავდა. ამ მოცულობის ახალშენებს ძველი მიწები რაღას ეყოფოდა, თავის დროზე გაცილებით მცირე ტევადობაზე რომ იყო გათვლილი. ირგვლივ სხვა ეპოქის მაუნყებელი ღმუილი გაისმოდა, თანაც ისე საზარლად, გეგონება, კაშხალს გადმოეხეთქა დიდმისწრაფების წასალეკად, სიახლის დამკვიდრებას წინ რომ ედობებოდნენ. სამართლიანობის აღსასრულებლად ყოველი სცენა მასალათა გამძლეობის წვრილმანებამდე გაცნობიერებულ ხალხს უნდა დარჩენოდა.

როცა დიდმიწი ნაცნობ ქუჩაზე აღმოჩნდა, მშობლიური ეზო ხელის განვდენაზე ეგულებოდა. უცებ თვალები დააჭყიტა, რომელსაც დიდხანს და გამეტებით იფიქრებდა. მისი სახლი აღარსად იყო. იმ ადგილას უზარმაზარ ორმოს დაეფრინა პირი, ხოლო მოშორებით ორიოდ მუშა გრძელი ნიჩბებით ზეღდა ცემენტს.

— აქ რა ხდება? — მიუახლოვდა ზეინკალს, ჩაფხუტი ქვაბით რომ ემხო თავზე.

— უნებართვოდ ნუ შემოდინარ?! — ატეხა კვილი, — ვერ ხედავ, რომ მშენებლობა მიმდინარეობს?! გაინი იქით, ქეჩოზე რამე არ დაგეცეს და მე არ დამბრალდეს! — რა უნდა დასცემოდა, როცა აღარაფერი იყო.

— აქაურობას ვინ ხელმძღვანელობს? — ბორძიკით ამოღერდა ენანართმეულმა დიდმიწმა.

— სიგზმუნდის შესახებ გსმენია?

საკუთარ მდგმურზე როგორ არ სმენოდა.

— რაო? მდგმურიო? — ჩაეცინა ზეინკალს, ოცნებას კაცი არ მოუკლავსო.

— სად ვნახავ? — ცივად მიმართა დიდმიწმა, მისთვის არაფრის ახსნას რომ არ აპირებდა. ჩაფხუტიანმა ვაგონისკენ გაახედა და დიდმიწ შემდგომ წამს საპროექტო ნახაზებში ჩაფლულ ყოფილ მდგმურს დაადგა თავზე, ფანქარი და ტრანსპორტიორი შთამაგონებლად რომ ეყრა ხელში.

— სალაში! — ამოღერდა დიდმიწმა, შეშლილი მზერით რომ აუნყებდა აპოკალიფსური სცენის შემსწრეობას.

— დიდმიწიან დიდმიწს ვახლავარ! — მხიარულად შეეგება მშენებელიც, აქაურობას ისე რომ დაჰპატრონებოდა, თავის კაპრიზსა და პირობებს კარნახობდა, — რა მალე ინებე ჩამობრძანება, მე კი სიურპრიზს გიმზადებდი!

ენაჩავარდნილ დიდმიწს შინაურულად გადახვია ხელი და ენად გაიკრიფა, წარმატებულ ფირმებთან ვანარმოებო მოლაპარაკებებს. ცოტა უნდა დაეცადოთ და ოცდაათი პროცენტით მეტ ფართს დავიმტკიცებთ, ვიდრე გავაჩნდაო. რომ არ მოეგეტყუდეთ, ამის გარანტიად თავად ჩავერთე პროცესებში. ყოველ დეტალს ისეთი ალტყინებით განუმარტავდა, უკვირდა, ეს სიხარული მისთვის გადამდები რომ არ აღმოჩნდა.

— არ უნდა შეგეთანხმებინა?! — საყვედური გამოთქვა დიდმიწმა.

— აქაურობას ისედაც უზარმაზარ კორპუსებს შორის მოაქცევდნენ და მთელ ხიბლს დაუკარგავდნენ! — ამ სიტყვებზე დიდმიწ შორს გაახედა. პაპანაქებაში თავამოყოფილი კორპუსების ფერხითი ალვის ხეები ირხეოდნენ, თითქოს გოლიათები მდგარიყვნენ ბალახებში, — შენ ძნელად იღებ გადაწყვეტილებებს. მე კი მომენტის ხელიდან გაშვება არ მინდოდა!

ამ საკითხშიც მართალი იყო. დიდმიწი თევზის ბაზარშიც კი აყლყულა ქორ-ვაჭართა დახლებთან ჩავლისას იმაზე ორჭოფობდა, ქაშაყი ეყიდა თუ ქორჭილა. თუმცა დამნუსხრებულს ახლა ამისთვის არ ეცალა. თურმე ქონების დატოვება წამითაც არ შეიძლებოდა, რადგან მემკვიდრეობა პირველ რიგში მეთვალყურეობას გულისხმობს. აქ კი უბრალო მინდობილობის საფუძველზე ამხელა ამბები დატრიალდა.

— განა ეს კანონის დარღვევა არ არის? — დიდმიწის აღშფოთება ისე გაჟღერდა, როგორც კლდოვან ნაპირზე შეხლილი უგრძესი ტალღა.

— იმას გულისხმობ, შენი ნდობით რომ ვისარგებლები? — თუნდაც!

— ეგ ხომ უკვე ავიხსენი!

— ერთ კვირაში ამდენი რამე მაინც როგორ მოასწარი? — მისი ხმა უკვე ტალღის უკანდახევას დამსგავსებოდა, აქაფებულ წყალს ქვიშასთან ერთად რომ მიიხვეტავს ხრილით.

— ჩვენ, მშენებლები, შემოქმედს ვბაძავთ. განა სამყაროს შექმნას ზუსტად ამდენი დრო არ დასჭირდა?

— ახლა სად წავიდე? — ამოილულულა ფარხმალდაყრილმა დიდმიწმა, დემაგოგიასთან გამკლავების თავი რომ აღარ ჰქონდა და იმ უბადრუკი მომენტის მოახლოება შეეგრძნო, ჩათრევას ჩაყოლა რომ სჯობს.

— ოთახი გვიქირავებს. ფულს თვითონ გვიხდიან, სანამ კორპუსი აშენდება. გვერდი-გვერდ ვიქნებით. აფსუს, გარეშეც მოსწრებოდა ამ ამბავს, როგორ გაიხარებდა!

კიდევ კარგი, ვერ მოესწრო, გაიფიქრა დიდმიწმა და მისი დაჟინებული დარიგება გაახსენდა, ფართი არაფრით დაუთმოო ამ ცრუპენტელას. თავისი ბინა კი, მთელი ცხოვრების მანძილზე რომ დაჰფოფინებდა, ვაგლახ, ამ ავანტიურისტის ხელში აღმოჩნდა.

— მდგმურები რაღა იქნენ? — სანყალობლად იკითხა დიდმიწმა.

— ყველანი დავითხოვე, როგორც ხელის შემშლელი ფაქტორები დიადი მიზნისკენ მიმავალ გზაზე!

— ოლიაც დათიანხმე?

— ჰო! თანაც ყველაზე იოლად!

— ეს ალბათ ისეთივე სიმართლეა, როგორც ქალ-ზღვაოსანთა ტური!

— ეგ პატარა ტყუილი დიდი სიმართლისთვის დამჭირდა. მაგ ტურით ნაგაქეზე, წასვლა რომ არ გადაგეფიქრებინა!

— ჩემი ამბავი გასაგებია, მაგრამ ოლია ხომ ყოველთვის პრინციპული ქალბატონი ბრძანდებოდა!

— სწორედ მაგ პრინციპს შევეუცვალე მიმართულება. რეალობაში რომ გაერკვა, თავადვე მაჩქარებდა, საქმეს მალე მოვკიდებოდი. თვითონ სოფელში არჩია წასვლა. ბარაკის ყვავილი ცემენტის მტვერმა მის თვალწინ გაახმო, რაც ავბედითად მიიჩნია და ბარგი მდუმარედ ჩაალაგა. დამშვიდობებისას მთხოვა, ქოთინიანად ჩამეყოლებინა საძირკველში, შენების პროცესი როგორც კი დაიწყებოდა. რომ მიდიოდა, აქაურობას ერთხელაც გამოხედა. ცრემლებსა ღეროდა და ჩურჩულებდა, არაფერი ვნანობო. მეყოფა, ეს ქალაქი საკმარისად ვითმინეო.

— ავეჯი რაღა იქნა?

— რა წვრილმანებზე მედავები? განა ავეჯი ეთქმოდა გაურანდავი ფიცრებისგან შეკონინებულ ტარაკნების ბუდედს, ნებოვნება კარგა ხნის წინ რომ დაეკარგა. ბითუმად ჩაავბარე მეორადი ნივთების ბაზრობაზე. რაც მნიშვნელოვნად მომეჩვენა, ყუთში ჩავანყვე და ბოხჩაში გამოვკარი. ის უმნიშვნელო თანხაც შიგნით ჩავყარე და შენს ოთახში დავდე თაროზე! — ამ სიტყვებზე ტაში ისე შემოკრა, თითქოს ხელები დაიფერთხა ხავსის ნარჩენებისგან.

მერე დაქირავებული ბინის სანახავად გაემართნენ, სადაც დიდხანს მოუწევდათ ცხოვრება მტვერსა და ხმაურში. კირით მოთხუბნულ თაროზე მართლაც ბლომად ნივთები ელაგა. დიდმიწმა ჩარჩოიანი სურათი გადმოიღო, დედ-მამის ფოტოთი, ნათელი რომ ადგათ სახეზე. მშვიდობიანი ღიმილის მიზეზი ის იქნებოდა, ერთადერთი შვილი ბინით რომ უზრუნველყვეს. დიდმიწს ცრემლები მოეძალა და ფოტოს მორთოლარედ გადაუსვა ხელი. მერე დანარჩენი ნივთებიც მოათვალა. ბეზის ნაქონი საათი, კალმისტრები, ბლოკნოტები ჩანანერებით, ჯამ-ჭურჭელი და ნაშლის ფლაკონები, მშენებელს ერთად რომ ჩაეყარა თუნუქის ყუთში. ყოველი ნივთის ამოღებას ყრუ ნკარუნი სდევდა, ეტყობა ფსკერზე დედამისის ნაქონი მძივები იყო ჩაბნეული. დიდმიწი ჩვილს თავის საქმედ არ თვლიდა და ამიტომაც ბედს უნდა შეჰგუებოდა. მან კარდიომაგნილის აბი გადაყლაპა და რაოდენობა რომ არ შეშლოდა, კატაბალახას ნაყენის ოცდახუთი წვეთი ხმამაღლა დათვალა. მდგმური მორჩილად აკვირდებოდა ამ პროცესს, მაგრამ ოხვრის გაგონებაზე სინდისის ქენჯნა არ უგრძნია. ის ხომ ღირებულს მხოლოდ იმ მოტივით ანგრევდა, უფრო მნიშვნელოვნის აშენება ჰქონდა განზრახული. მერე კი, გეგონება, ტერიტორიაზე შეკრებილ საზოგადოებას მიმართავსო, თქვა:

— შურიანი ხალხი სარეველას თესვით გართულა. ისინი ჩვენზე ყოველთვის ცუდს ილაპარაკებენ. ჭორიკნების ჭარტალი ჭაობებს აჩენს. თუმცა ჩვენც გვიან აღვიქვამთ სიკეთეებს. არასოდეს ვიტყვი, რა კარგ ადგილას ვიმყოფებითო. წასვლისას თუ წამოგვცდება, რა კარგ ადგილას ვიყავითო. ჩვენი მოხუცები პენსიის სიმცირეს უჩივიან. ჩვენი ქალები ძვირადღირებული პარფიუმერიის მაღაზიებში დასათვალისწინებლად თუ შევლენ. ჩვენი გუნდები სატურნირო თამაშებს აგებენ, ჩვენი კატები მსოფლიოს სხვა ქვეყნის კატებზე გულსაკლავად კნავიან. და კიდევ ბევრი — ჩვენი... ამიტომაც ვარ გარდატეხის მომხრე, იქნებ ერთხელ და სამუდამოდ დავადგეთ სწორ გზას!

— ჯანდაბას! — უხალისოდ შეანყვეტინა წინასაარჩევნო სიტყვის მსგავსი პათეტიკა ახალ რეალობას შეგუებულმა დიდმიწმა. თან ღვინის ბოთლს ათვალაიერებდა, ყუთში რომ აღმოჩნდა. თვითონ არ უყიდა, მაგრამ ვერც იმას იხსენებდა, ვინ აჩუქა.

— ეგ მაშინ გავხსნათ, ამნეს რომ მოაგორებენ! — თქვა მშენებელმა.

დიდმიწს არაფერი უპასუხია.

— ვიცოდი, რომ გაგიხარდებოდა, როგორც კი მომხდარში გაერკვეოდი! — მხარზე ხელი მოუთათუნა მშენებელმა.

— მშენებლობა რამდენ ხანს გასტანს? — მეგობრული შესტის უარსაყოფად ხელი აუკრა დიდმიწმა.

— ორ წელიწადს ვვარაუდობ! — უცებ დასერიოზულდა მშენებელი, — რაც უნდა იყოს, თოთხმეტსართულიანი კორპუსი შენდება, ქვეშ გარაუებითა და სათავსოებით. ჩვენ მაგალითის მიმცემი უნდა ვიყოთ. ერთობლივი შეთანხმებით ბინებს მეთოთხმეტე სართულზე ავიღებთ!

— რას ამბობ? — შეჰყვირა დიდმიწმა, — მაგას სარდაფი მირჩენია, სიმაღლის შიში ბავშვობიდან დამყვება!

— ჰოდა, დროა, გადაეჩვიო! ახალი ცხოვრება თავბრუდამხვევ პერსპექტივებს გთავაზობს. მალალ სართულზე ცხოვრება უსაზღვრო სივრცეს შეგაგრძნობინებს, თითქოს ცას გამოეკერე. ფერხითი ლაჟვარდები გადაგვლენა. გაცრეცილ ფთილეს ამოკემსილ ნაფხრენებად მიიჩნე, აივანი ჰამაკად მოგეჩვენება... დიდმიწს თვალწინ აუზი წარმოუდგა, გამჭვირვალე მედუნებითა და ფრთოსანი თევზების თავგადაკლული სრბოლით, შარში მყოფობას ასე რომ გამოხატავდნენ და აღმოთქვა, მეძინებო.

— მესმის! დაგალა ამდენმა ემოციამ! აბაზანა და საპირფარეო დერეფნის ბოლოშია, ხელმარცხნივ. ოღონდ რახან საერთოა, დიდი ხნით ნუ დაიკავებ, კარზე ბრაზუნი რომ არ აგიტეხონ. დაგტოვებ, კომპანიონერო! ჩემი გაცილებით არ შენუხდე. აქვე მივდივარ, ორ ნაბიჯზე, გვერდით ოთახში. და ის მამხნევეს, ერთმანეთი სანდო პარტნიორებად რომ გვეგულება! — შემართებით წარმოთქვა მშენებელმა და როცა ოთახიდან გადიოდა, კარი ფაქიზი მზრუნველობით გამოიხურა.



ნინუკა ქოიავა

აზაო ზინა

ვუყურებ ჭადრებს და მის სიმწვანეს
ჰაერის სუნთქვა ხანდახან არხევთ.

გაბმულმა ზარმა დაიწყო რეკვა,
კარი იღება, შინ შემოდიან სხვისი შვილები
და დამყურებენ, როგორც ბოძები
დენებით საგვ
და ვერ ვტოკდები,
როცა უძრავად ორ ფეხზე დგანან.
მე ძირს დაგდებულ მატრასზე ვწევარ
და კვლავ მინდება,
რომ მალალ ყელზე
აულეღვებლად
გადავიხვა
სამართლებელი,
რადგან იქ ვცხოვრობ, სადაც ძირს ვწევარ —
ფეხსაცმელებთან,

სადაც ვერ მოვლენ ჩემი შვილები
და, აი, ისევ ვაგრძელებ ასე
წოლას და ცქერას,
ცქერას და წოლას.
ჩემი ბანარი ისევ განყდება
და მარტოდმარტო შევუდგები მხრებით შენობებს,
ნაშენს ფიქრებით
ობლად დარჩენილ თოვლის ფიფქებზე.

მინისქვეშა გაღასასვლელი

იქ იყო კინი
ძაან ბრჭყვიალა,
ჯეტეას გოგო
ულამაზესი მკერდით მინის ქვეშ,
რაზეც ეწერა „ლიბელტე ტუჟუდ“
საფრანგეთის დროშის ფერებში.
ჩვენ კიბის ბოლოს სველ კუთხეში ერთად ვიდექით.
შემამფოთებლად ძალიან ახლოს
და მხოლოდ თითებს ვანვდიდით თითებს
და ყოველგვარი რყევების ავლით
ჩვენ მოვიქცით თავები მხრებში
ჩვეულებრივად
და არა ისე, როგორც ოდესღაც,
როცა არ გინდა, სადმე გაგექცეს
კანკვეშ და ძვალქვეშ
უტყუარი ნიშანი გულის
ლვიდლის, ნალველის, ელენის ნაცვლად.
მხოლოდ ფეთქვა და დღის სხივები.
მყარი მინის ქვეშ
ჩვენ ჩამოვსხედით ცუდად ამოჭრილ ჩამოსაჯდომზე
და მითხრა — ფართოდ დახუჭავ თვალებს,
ჩემი თითების მოძრაობას ნელა გაყვები
და სხვანაირად თბილი ჰაერით
გადაიტყვი წამით უწონოდ
და გაგახსენებ,
სულ აქვე, ხელის ერთ განვდენაზე,
და სწორედ ამ დროს და ამ წამებით
აღარ ხარ არსად
სამოცდაშვიდი კილოგრამი ძველი სხეული.





ქეთევან ნათელაძე

შავი მარანი

ვერც ადიდებულ წყალთა დინება,
ვერც უკუნეთი ღამე გიშველის,
ცა განათდება, რომ შეგახსენოს,
გულს, რახანია, რისი შიში აქვს —
საკუთარ თავს ხომ ველარ დამალავ ისევე,
როგორც თოვლში გიშერი,
უცხო იქნები და თეთრ რემაში
გამოგარჩევენ შავს და იშვიათს!

გაჭრი ტალღებს და ქარებს სამხრეთის,
ზუსტი ვით ელვა, ან ვით ისარი,
ცეცხლი ვერ დაგწვავს, ვერც მზე მკათათვის,
თავად იქნები რადგან მზე მწველი,
შენ გაილევე, შავო მერანო,
მაგ თეთრ რემაში — შავი სიზმარი,
თან გამოგყვება მინის ზრიალი თავდავინყებად,
როგორც მენყერი.

აჰა, უსმინე ტყის ხმას ახლობელს,
იმ თავგანწირვით ქრის და იმ ალით,
რომ ეს ხეებიც, ქარის მსურველნი,
მკერდთან შებნეულ ფოთლებს იხსნიან,
არ გაგიმართლა, ანდაც ვინ იცის,
იქნებ შენ მხარეს იყო ილბალი,
თეთრ ცხენებში რომ აგარჩია
და შავ ცხენად ყოფნის გარგო მისია.

შემოიძარცვავ ღამის ყაბალახს,
პირველ სხივების ვენებით დასერილს,
ჩამქრალ თვალელებში თუნდაც ბოლოჯერ
როცა გაკრთება ცეცხლის ზორტები,
შენი ფლოქვების შავი გრიგალი
ცამ და ხმელეთმა დაიმასხოვრა,
შენც თეთრ ცხენებში ასი წლის შემდეგ
ისევე შავ მერნად განმეორდები.

ისე იწვიმებს, ცა ყვავილებით
და მუშმალეობით გზას დაგიხატავს,
მაგრამ ეს ის გზა როდი იქნება,
სიკვიდილ-სიცოცხლის გზად რომ სახავდი,
შავო მერანო, შენც გადაიხდი,
ამ ქვეყნად ყველამ გადაიხადა
ერთადერთობის ყველაზე მძიმე,
ყველაზე ძნელი გადასახადი!

ველებს შემრეშილს ცაში აჭრილი
ლურჯი ალგების ჩრდილი შებურავს,
მოგაჩერდება ყველა სულდგმული
ხატს და სახებას ღვთიურ მშვენიერების,
შენ შეისვენებ ღონემიხილი და მარტოსული,
მაგრამ მეფურად,
რომ დაინახო, როგორ ქრებიან
მზის ცხელ ქარვაში თეთრი ცხენები.

ერთ ღამეს იმ ხემ ვარსკვლავები მოიხსნა ტანზე,
აენთო, როგორც ჩირაღდანი სიბნელის მთაზე.
ერთ ღამეს ის ხე ოქროცურვილ მოჰგავდა ბარძიმს,
აცისკროვნებდა უთვალავ წამს, უთვალავ მანძილს.

და თითქოს ღამე დაფარული ცოდვისთვის იმკის,
მთელი სამყარო მაყურებლად გადიქცა იმ ხის.
ხე ვარსკვლავების გამოსცემდა დამფერფლავ სითბოს,
ვარსკვლავებამდე ადიოდა სინათლით თვითონ.

თუმცა მინახავს მრავალნაირ ხეების რიგი,
მანინც უშრეტი ალტაცებით მახსოვს და მიკვირს,
ის ხე, რომელმაც ვარსკვლავები მოიხსნა ტანზე,
სინამდვილეში მომაკვდავი ხე იყო იგი...

ხშირად მომხდარა, როცა ქრისტე გესიზმრებოდა,
თეთრი ტუნიკით შემოსილი, ღამაში ქრისტე,
მწიფე ვაშლები მოჰქონდა შენთვის
და წყვილადის სხვაგვარი ხედვა.
მინის ნიაღში დაგუბებულ წმინდა წყალს სვამდით,
უცქერდით გვალვით დადუღებულ, ეკლიან ფერდობს,
აღმოგხდებოდა გასაგონად ვილაც არმყოფის,
აი, შენც ხედავ? აი, ჩემი ღამაში ღმერთი!
და სუნთქვასავით გინყებოდა ყოველი სიტყვა,
დღემდე შემორჩა შენი სიზმრის დაბზარულ კედლებს,
იმ ხრიკ ფერდობს, ყველა კუთხეს და ყველა კუნჭულს,
ასე ძალიან ახლობელი და უცხო ქრისტე.
იმ დროს იხსენებ, როცა ქრისტე გესიზმრებოდა,
რატომღაც ასე გიმართლებდა, ხდებოდა ასე...
და დილაობით მაგიდაზე გხედებოდა მუდამ
ძველი ხის ჯამი დამწიფებულ ვაშლებით სავსე.

უსწო სტუმარი

იმ შორ საღამოს, დრო რომ ქარგავს თავისი ქარგით,
არ ვიხსენებდე ჟრუანტელით, ღამე არ გავა,
დავხვდი ჟასმინის სურნელით და ნითელი კაბით,
უცხო სტუმარი რომ მოვიდა ჩემს მოსაკლავად.

ვუსმენდით მოცარტს დაბალ ხმაზე, მერე მარტო როკს,
სახლების თავზე ღამის ბინდი მოეწია მზეს,
ერთი შეხედვით ის არ ჰგავდა მკვლელს, ან პათოლოგს,
მეტიც — სინაზით საუბრობდა პოეზიაზე.

და შეგნებულად ვაკონკრეტებ, ცას რომ არ აჰყვა
იმ ღამით მთვარე, ვინაიდან გვერდს ვერ აეწვლი,
შემოეპარა თეთრი მუქით სახლის ალაყაფს
და ერთადერთი მონმე გახდა დანაშაულის.

ის კი, უცხო და გალანტური ჩემი სტუმარი,
საბედისწერო ლურჯი მზერით ფიქრებს იჭერდა,
ვერ ვიეჭვებდი ცუდს მცირედსაც,
თუნდაც ხუმრობით,
თქვენც ჩემს ადგილას ვერაფერი დაგაეჭვებდათ.

მომიახლოვდა, ვით ცეცხლი და აღარ მომცილდა,
გადაფარა მწველი გრძნობა თვალებს ბინდივით,
ვცეკვავდით რაღაც ვალსის მაგვარს,
ყელში მკოცნიდა,
გარეთ კი ბაღში პიკს აღწევდა წვიმის ინტიმი.

დავლიეთ ვისკი (მსგავს პაემნებს მუდამ თან ახლავს)
და ვალიარებ, უპირობოდ მე მას მივცენდე,
იგი ყვებოდა სიყვარულზე ისე ხმამაღლა,
რომ ერთ ოთახში მთელი ზეცა შემოვიკედლებოდა.

და მომიხელთა, ხეთა ლანდებს ღამე არწევდა,
იყო წუთები უმწეობის, თავს ვერ ვშველოდი,
მკაცრად მჯერა, რომ
ვერ შევძლებდი მისგან გაქცევას,
რომც შემძლებოდა, მაინც არსად გავიქცეოდი.

კანზე დახორკლილ, ვერმოსათმენ ტკივილს ვითმენდი,
ის ილიმოდა, მიყურებდა მშვიდად თვალელებში,
მირტყამდა დანას, ტანზე გაზრდილ ტიტებს ითვლიდა,
მარცხენა მხართან, უფრო ხშირად გულის არემი.

მოვკვიდ და დაბლა ღვარი იდგა დიდხანს ტიტების,
ალბათ, ამგვარი სხვა ამბავი თქვენ არ გსმენიათ,
მას აქეთ არის, რომ მაცვია კაბა ნითელი,
მას აქეთ არის, რომ სიკვიდილის არ მემინია.

და ის საღამო, დრო რომ ქარგავს თავისი ქარგით,
არ გამახსენდეს ჟრუანტელით, ღამე არ გავა,
დავხვდი ჟასმინის სურნელით და ნითელი კაბით,
საღამოს პირზე ის მოვიდა ჩემს მოსაკლავად.

გახსოვს კაპრი? პეიზაჟი ზღაპრის,
ლურჯი ზღვის და თოლიების ჰიმნი,
ჰორიზონტზე აღმართული აფრა,
სურნელება მიხაკის და ლიმნის.

დრო ზაფხულებს ნაყოფივით ისხამს,
ჩავლილ დღეთა აჩრდილები ვხდებით,
გახსოვს? როგორ გვალვიძებდა სისხამს
პიაციტას და ჩიტების ხმები.

ზოგჯერ ზეცა გეშორდება და არ ჩანს,
ფერი როგორ უხუნდება მნათობს,
თითქოს კაპრი იმ ზაფხულში დარჩა,
თითქოს კაპრის არასოდეს ათოვს.

ჩვენ ზღვაც ალბათ უფრო ვრცელი გვწამდა,
ჩვენ მზეც ალბათ უფრო ცხელი გვსურდა,
მეოცნებე გოგოების ზაფხულს
ალბათ კაპრი გაიხსენებს მუდამ.

გახსოვს კაპრი? პეიზაჟი ზღაპრის,
ლურჯი ზღვის და თოლიების ჰიმნი,
ჰორიზონტზე აღმართული აფრა,
სურნელება მიხაკის და ლიმნის.

გულს სიცივედ და დარჩა ეჭვად
დღეები შორით გადამფრენი,
როგორ ვარ, იცი? სულს არ შერჩა
სხივი იმ ძველი აღმაფრენის.

უკვე სხვა მხრიდან ამოსვლას და
ჩასვლას სხვა მხარეს აპირებს მზე,
მდინარე სხვა მხრით მიმავალი,
ველარ გადმოვალ ნაპირებზე.

შენ ვერ იგრძენი, შენ არ იცი,
დრო გულზე სევდად მოწოლილი.
როგორ ვარ, იცი? — ველარ ვინვი
ნაცარნაყრლი კოცონივით.



ლერი ჩანტლაძე

ფინიშთან

ბევრი ქრება უკვალოდ,
ზოგიც ახლა იწყება
და წარსულის უვალოდ
ხდება გადავიწყება.
დღე არ იყო უქალოდ,
ღამე — ძილის ხარვეზით,
ახლა ვის დაუთვალო
მზერა ღმერთს, ამრეზით.
ჰო-ჰო, წუთისოფელი,
ნახე, რა თვალთმაქცია:
კაცი, სად არმყოფელი,
კუნძალ გადამაქცია...
მანინც ჯერ არ მოველი
უკანასკნელ აქციას!

ცხოვრება

ალპინისტად ვერ ვივარგე,
მოძღვრადაც ვერ გამოვდექი,
რბილად ჯდომა ვერ ვიგუე —
გადავდექი — გადმოვდექი.
მოსაუბრე თუთიყუში
გამიფრინდა გალიიდან,
კატა მიყვს, ძალი კნავის,
ყოფნის ვადა გამივიდა.
ყველამ ზურგი დამანახა,
ვისზეც ვიყავ დანდობილი,
არც ნაცნობი, არც ძმაკაცი,
არც დაი და არც დობილი
აღარავინ მეფერება,
ის კი არა, მიბღვერს ბიძა!..
კიდევ კარგი იქუხა და
გულგახეთქილს გამეღვიძა!

ნაშუადღევს

— ბალღებო, ძალს არ ჩაიყვანო? —
ბერმა იკითხა, პაპამა, —
ნეტა რა გახდა მაგ საწყლის
ეზოში ორჯერ ჩაყვანა!
— შენ თავად რად არ ჩაიყვან? —
ჰკითხა ყველაზე პატარამ, —
ავად ვარ, ბაბუ, სურდო მაქვს,
ყო, რაც ბაბუმ ატარა!
— არა, ცოდოა ეგ ძალღი, —
უცებ აღელდნენ ქალები, —
შეხედეთ, როგორ გვიყურებს
მაგ სამურაბე თვალეებით!
ბებია ქოჩორს უვარცხნის
მჭკნარი, ძვალტყავა ხელებით:
— ნუ სწუხარ, ბებო ჩაგიყვანს,
აგრემცკი შემოგველები!

ღამის გზაჯინი

თუ ისევე მილალატე, გაეკიდე თუკი კვლავ, დაგინგრეე მაგ პალატებს, მაგ მახინჯსაც მოგიკლავ!

ზაფხულის ღამის სიზმარი

ო, როგორ დარდობს ახლა უფალი: ნუთუ ქვეყანა შევთხზე ამაოდ? თანაც არსება თავისუფალი მონად რომ იქცა! არა, მამაო?

ოდა

ყლორტი მისგან დარგული აღორძინდა ვენახად, ხმალი მისი, ფრანგული, ნეტავ ახლა გვანახა.



ღამიუბი ირაკლი მურუსიძე

სადღაც შერეულ ოცნებათა მშვიდ სამყოფელში მშვიდ სამყოფელში

სადღაც შერეულ ოცნებათა მშვიდ სამყოფელში ცას მოუთმენელი ცრემლივით წასკდება წვიმა...

სადღაც შერეულ ოცნებათა ნისლში თვლემს მთვარე, სადღაც ყირმიზად მოელვარე ცხენებს ხედნიან, მე ფარდის კალთებს ისევე ჩუმად ამოვეფარე,

არ შეხვდებიან ვიდრე ერთმანეთს ჩვენი თვალები... ამაღამ ზევსის ქალწულები ქარს ეწვევიან და მკვდარ სცენიდან გაცეკვებულთ კულისებამდე მკვდარ სიცოცხლეზე გამღერებით დაეხსნებიან.

სადღაც შორეულ ოცნებათა ნისლში თვლემს მთვარე, სადღაც ყირმიზად მოელვარე ცხენებს ხედნიან, მე ფარდის კალთებს ისევე ჩუმად ამოვეფარე და დაჯიჯერე, რომ ველარასდროს ვერ შეხვდებიან...

შენი თვალები, შენი მხრები, შენი ტუჩები, ჩემს პირამიდებს, ჩემს აკლდამებს, ჩემს სამელნეებს, და რომ ერთ დღესაც ეს სიტყვებიც და ეს გრძობებიც გახუნდებიან, მოკვდებიან, გადარჩებიან...

სადღაც... შერეულ ოცნებათა მშვიდ სამყოფელში ცას მოუთმენელი ცრემლივით წასკდება წვიმა... და თმაშვეერცხლილ ჭადართა ჩრდილქვეშ მცხოვრებ სოფელში მოიგონებენ გადატანილს დიდი ხნის წინათ.

„ახლა განსხვავება ჩვენს და საგნებს შორის მხოლოდ ზომები და მხოლოდ ფორმებია...“ — ჩაილაპარაკა მონამ სხვათაშორის, მხრებზე მოთმინება რომ შემოეხვია. არაპრაგმატულად ჟღერდა ეს სიტყვები, თუმცა იქ მყოფთათვის... მაინც ყველას სურდა, მისთვის თანაეგრძნო და გამოგიტყდებოდა, იმ წამს თითქოს გულში სისხლიც ამიდულდა. იყო არემაზე სავსე ცარიელით, როცა დილის ჩქამში „გაცანაცრისფერდა...“ ასე დაათენდა ღამე „მზის საფარში“ ველურ კაპიტალიზმს კავკასიის ფერდად. „ახლა განსხვავება ჩვენს და ნივთებს შორის მხოლოდ ფასები და მხოლოდ ხარისხია!“ — თითქმის ხმამაღლა თქვა მონამ სხვათაშორის, ყელზე მოთმინება რომ შემოიხვია.

თუმცა უვერტიურას „მეტრო“-ს ოპერაში ვილაც-ვილაცებს რომ ვერ შეემჩნიათ, მონის საუცხოოდ მდიდარ ბუნებაში უკვე რა ხანია, ჩუმად შეელნია... ისე გაფერმკრთალდა დრო და სინამდვილე, რომ მის შემხედვარეს აღარც მოგვივდება, ვილაც შემლილივით ყვირის: დამეხმარეთ! ვილაც იძინებს და ძილშიც ვერ მშვიდდება. ირგვლივ ყველაფერი მოჩვენებითია, ყველა საბოლოოდ შორს და მარტო გტოვებს. „სიმღერით მოდიან და სიმღერით მიდიან“ — ამბობს „იდიოტი“ და მეც ვიმეორებ. დიდი მღელვარება ახლდა პროცესიას, ცხედრის სიახლოვეს ყფდა ქურის ძალი, „რაც მალე დავმარხავთ, მით უკეთესია“ — წამოსცდა კანონის წინაშე გადალლილს. „ახლა განსხვავება ჩვენს და იმით შორის, მხოლოდ საზღვრები და მხოლოდ მიზნებია!..“ — თქვა, და იღრიალა... მონამ ისეთი ხმით, თავისუფლებას რომ ჯერ არ ღირსებია!

მე შევამჩნიე, როგორ კენკავდნენ თეთრი მტრედები პურის ნამცეცებს შენს აივანზე. სუროშემოსილ მოაჯირებზე მაშინ მზის სხივებს სექტემბრის ჩქამი აშუქრდილებდა. შენ უსაშველო ტკივილს მალავდი, რაც უსაცრემლოდ აგატირებდა, სულ ცოტახანში რომ არ ეწვიო. გულხელდაკრეფით გულმხურვალეების გაბედულ ქიშებს ვაშამათებდი, მქონდა იმედი და ემპათია, რომ შენს თვალებში ცას ავანთებდი, რომ შენი კანის ტკბილსურნელება თრობის სიმძაფრეს გამინელებდა, რომ თმენით განვრთნილ მშვენიერებას ვერ წამართმევდა საშინელება. თუმცა ამაოდ... რადგანაც ღმერთმა დიდი ხნის წინათ დატოვა სახლი. სადაც მე და მას უნდა გვევახშმა... რომ განმეახლა სული სინრფელით ჩემი გვამისგან, რომ გამერჩია წმინდა სინათლით ბნელი ღამისგან, მე გავექციე ჩემს ძილს სიზმარში სასათუმალიდან და შევერჩიე დუმის ნოტებთა შორის სამარადისოდ... მე შევამჩნიე, როგორ კენკავდნენ თეთრი მტრედები პურის ნამცეცებს შენს აივანზე. სუროშემოსილ მოაჯირებზე მაშინ მზის სხივებს სექტემბრის ჩქამი აშუქრდილებდა.



სირინოზები

ვუძღვნი ჩემს საყვარელ ძმისშვილ ნინოს და ჩვენს საერთო მეგობარ დუნკან ანდერსონს.

ბამბანზე ნასადილევს გამოფენილი მგზავრები ტენტიან კაფეებში ემალებოდნენ მზის მხურვალეობას. უზარმაზარი იტალიური საკრუიზო ლაინერი „კალიპსო“ ზანტად მიაპობდა წყალს. წინ იყო ბურუსიანი შორეთი, რომელშიც სინათლე არ ატანდა. მოაჯირს დავეყრდენი და ამ წამს ირიბი მზერით შევნიშნე, გვერდით ვილაც დამიდგა:

— გესმით გალობა? სირინოზები მღერიაან.

მერე თითი გაიწოდა: — იქ ვიყავი.

ტანდაბალ კაცს მოკლე შარვალი ეცვა, უმკლავებო წარწერიანი მაისური, ჭილის ქუდი ეხურა და სახეზე მზისაგან დამცავი სათვალე აეფარებინა. უჩანდა მხოლოდ დაჭორფლილი ცხვირი და ყვრიმალეები. რძისფერი კანითა და წითური თმით შოტლანდიელს მივამსგავსე.

— გიჟი გგონივართ? — გამიღიმა, — მერწმუნეთ, სიზმარს როდი გიყვებით. იქ მართლაც არის სირინოზების კუნძული.

— რომელიც თქვენს გარდა არავის უნახავს.

ისევ გაიცინა.

— ნახვით კი უნახავთ, მაგრამ არავინ ეჭვობს, იქ თუ სირინოზები ბინადრობენ.

ახლა კი დავერწმუნდი, რომ ის ჭკუაზე აფრკად იყო ანდა მეტისმეტად ეთაყვანებოდა ჰერბერტ უელსს.

— უცხოელი ხართ? — მკითხა მან.

— ჯორჯიენ... შტატი არ გეგონოთ, ქვეყანა სამხრეთ კავკასიაში.

— ზღვა...

— ჰო, ზღვაც გვაქვს, შავი ზღვა... ადრე ევქსინის პონტოს ერქვა ბერძნულად.

— აი, ხომ ჰხედავთ, — გაუხარდა მას, — მაგ ზღვაშიც იქნება სირინოზების კუნძული, რაკი ბერძნული სახელი ჰქვია.

ალბათ შეშლილი იყო სირინოზებზე, თუმცა მეტი აღარ გვისაუბრია — ვილაც შუახნის ქალმა დაუძახა და ისიც თავაზიანად გამშორდა.

ორიოდე საათში გემი შერბურის ნავსადგურში გაჩერდა და ჩვენ საღამომდე მოგვცეს ქალაქის დათვალეობების ნება. პორტშივე ვნახეთ დაფა წარწერით, რომელიც გვამცნობდა, რომ 1912 წლის 12 აპრილს საუთჰემპტონიდან მომავალი „ტიტანიკი“ აქ შეყოვნდა, რათა კონტინენტური მგზავრები აეყვანა. შენობაშივე იყო ამ მოვლენისადმი მიძღვნილი ექსპოზიცია ლაზერ-შოუს ელემენტებით, მაგრამ აღარ შევსულვართ და მთავარ ქუჩაზე გავედით, სადაც ცხენზე ამხედრებული ნაპოლეონი შემოგვეგება. მხრებში ნახრილი იმპერატორი თითქოს უხერხულად იჯდა ჰუნეზე და ფიქრით ალბათ მარენგოს ველს გაჰყურებდა.

ტურისტები მთავარ ქუჩაზე სახურავებიდან გადმოკიდული ქოლგების ქვეშ სერიზოდნენ. ქოლგები ძველი ფილმის „შერბურის ქოლგების“ გასახსენებლად გადმოეფინათ.

რაკი დრო ცოტა გექონდა, ძირითადად მთავარი მოედანი მოვიარეთ და წმინდა სამების ბაზილიკასთან ისევ დავინახე უცნობი იმავე ქალბატონთან ერთად, ვინც მანამდე დაუძახა გემზე (ალბათ ცოლი იყო), ტაძრის შესასვლელთან სელფებს იღებდნენ. აღარ გამოუჩნდით, ჯგუფს მივეკედლე და გვერდით ჩავუარე.

რვა საათისათვის გემზე დავერუნდით და მგზავრებიც კაფეებს, რესტორნებსა და გასართობებს მოედნენ. გემი უზარმაზარი იყო, ცხრამეტსართულიანი, თითოეულ სართულზე საცურაო აუზითა და გოლფის მოედნით. სტიუარდი სავანებში პატარა სასადილოში შეგვიძღვა. ის იყო დავსხედით, გვერდით მაგიდასთან უცნობის თანმხლები ქალბატონი შევნიშნე. მარტო იყო. ნამოვდექი და მიუახლოვდი.

— მაპატიეთ, მაღამ, კანდიერება, ნებას მომცემთ, რალაც გკითხოთ?

თავი დამიკანტურა და სკამი მიმითითა. ხნერი არ იყო, მაგრამ ჩიტისებური სახე როგორც მოჰბერებოდა. გრძელ კისერზე კი ნაოჭები ასხმოდა. მაგიდაზე ჩამოდებული ცალი ხელით ჩანგალი ეჭირა, მეორით — დანა და მოლოდინით მიცქერდა. თვალში მეცა მისი ნაწვეტებული, მელნისფრად შეღებილი ფრჩხილები.



ზურაბ ლავრელაშვილი

რალაც უნდა მომეფიქრებინა და საიდუმლო დამეტყუებინა, სანამ კაცი შემოგვისწრებდა. ამიტომ კინორეჟისორის ასისტენტად გავეცანი, ვითომ მსახიობებს ვარჩევდი ფილმისათვის — თქვენმა მენეჯერმა დამაინტერესა და გვინდა როლი შევთავაზოთ-მეთქი; ალაღებდზე დავუსახელებ ნამოგონებული კინოკომპანია, ფილმს ლონდონში ვიღებთ და ჩემი თანაშემწე დავიკავშირდებთ-მეთქი. ქალი ანკესს ნამოეგო, საუბარში ამყვა. ვთხოვე, თავიანთი ურთიერთობის ამბავი მოეთხრო, ვინძლო ფილმისათვის გამოგვდგომოდა.

„თქვენს მენეჯერს სახასიათო პროფილი აქვს და იქნებ სცენარიც შევასწოროთ, ამიტომ გთხოვთ, უჩვეულო წვრილმანებზე კი გაიხსენოთ“.

ქალმა მკითხა, კონკრეტულად რა მაინტერესებდა.

„საუბრისას გამოჩნდება, მაღამ, ჯერ კი მიაშბეთ, ერთმანეთი სად და როდის გაიცანით“.

ქალმაც წამღერებით მომითხრო მათი ცოლ-ქმრობის ამბავი, რაც მოხიზვლას თუ მოჯადოებას უფრო ჰგავდა, ვიდრე ჩვეულებრივ სიყვარულს. კაცს ამერიკულ ჯარში უმსახურია კონტრაქტით და ვადის გათავების შემდეგ ინგლისში ბრუნდებოდა. ლატაკიდან მომავალი გემი კიკლადებზე შეჩერებულა. ჯარისკაცებიც აქაურ ბარში შესულან ვისკის დასალევად. უკვე შემთვრალეხს კი, პატარა ქალაქში უხეტიალიათ. კაცსაც მაშინ დაუნახავს აივანზე გადმომდგარი ქალი.

„ოპერის მომღერლობას ვოცნებობდი“, — განმიმარტა ჩემმა მოსაუბრემ, — „ამიტომაც აივანზე ხშირად ვმღეროდი არიებს... ჯონათანმაც მაშინ შემამჩნია და არ მომეშვა, სანამ არ გამეცნო. მას შემდეგ ერთად ვართ“.

„თქვენი კარიერა?“

„სამწუხაროდ, ოცნება ვერ შევისრულე, ეტყობა, ნიჭი არ მეყო. ჯერ ბარებში ჯაზს ვმღეროდი, მერე საკრუიზო კომპანიაში ამ ლაინერზე მომღერლად დამიქირავა. საღამოსაც გვაქვს კონცერტი. მოზრძანდით, დაესწარიეთ“.

„ის... ჯონათანი?“

„მუდამ თან დამყვება. იმდენ ფულს კი ვშოულობ, კომფორტულად ვიცხოვროთ. ოდესმე ალბათ დორსეტში სახლს ვიყიდით. ჯონათანს არ მოსწონს, ოპერა რომ ჯაზზე გავცვალებ, მაგრამ ცხოვრება ხომ გვინდა! ჯონათანს სამსახური არ შეუძლია, ბომბის აფეთქების გამო კონტუზია მოუვიდა და თითქმის დაყრუვდა“.

მე კი არ შემიმჩნევია-მეთქი, ვუთხარი... ჩემთან საუბრისას მშვენივრად ესმოდა ყველაფერი.

„ჰო, შეიძლება“, — მორცხვად დამეთანხმა ის, — „შეიძლება სიყრუის ბრალიც არ იყოს, მაგრამ რალაცნაირად ატაცებულა და უგულუსიყრო გახდა. მეტყვის ხოლმე, შენ რომ მღეროდი, ის არია მახსენდება და სხვა აღარაფერი მესმისო. იქნებ ეს რაიმე ფსიქოლოგიური პრობლემაა... გითხრათ, რომ სირინოზების კუნძულზეა ნამყოფი?“

„დიახ“, — თავი დაუქუნი.

„ვეხვეწე, ემკურნალა, მაგრამ უარობს. სხვა მხრივ ჯანმრთელია. აი, ისიც“, — ქალმა კარისაკენ მიმახედა და კაცს ხელი დაუქნია, — „აქეთ, ჯონათან“.

გალიმებული ნამოვიდა, ქუდი მოიხადა და ცოლს გვერდით ჩამოუფდა, სახეგაბრწყინებული შემომაჩერდა.

„იცი, ჯონათან, ეს ბატონი რეჟისორის ასისტენტი და ფილმში შენი გადაღება უნდა“.

კვლავ გალიმებული მიცქერდა. ვერ მივხვდი, მიცნო თუ არა ან ახსოვდა თუ არა ნაშუადღევს გემზე რომ დამელაპარაკა. რალაცნაირად გამტერებული მიყურებდა, თითქოს ვერც კი მხედავდა და წარმოსახულ სურათს ელაცეცებოდა. მასაც იგივე გაუფიქროვ, რაც მანამდე მის ცოლს ვუთხარი. თუმცა ჯონათანს ინტერესი არ დასტყობია. ცოტა ხანი კიდევ ვისაუბრეთ და მერე ქალი საკონცერტოდ ტანისამოსის გამოსაცვლელად წავიდა. მალე მეც რალაც მოვიმიზეზე და ჯონათანს დავემშვიდობე, თან შევბირდი, კონცერტს აუცილებლად დავესწრებო-მეთქი.

არ დავსწრებოვარ...

კაიუტაში ჩაკეტილი დიდხანს ვფიქრობდი ამ უცნაურ წყვილზე. ათასნაირი ფანტასტიკური ვარაუდი მიჩნდებოდა გონებაში: გავგება კი ადამიანს თავისი ქცევის მიზეზი?! რა დამართოდა ამ კაცს, ვინც ასე მოეჯადოებინა სიმღერას?! ნუთუ მართლა ფსიქიკურად არის შერყეული და რალაც კვიატი სჭირს?! მაგრამ როგორ ჩნდება სიგიჟე? რატომ აიკვირებოდა ჯონათანმა მაინც-დამაინც სირინოზების კუნძული და რატომ შეიყვარა მომღერალი ქალი?! სავარაუდო პასუხს თითქოს ვხედავოდი, მაგრამ პასუხი იმდენად დაუჯერებელი იყო, ლამის შემეშინდა... სინათლე ჩავაქრე, საწოლზე გავიშოტე და მობილურ ტელეფონში ის არია მოვძებნე, რომელსაც ალბათ ქალი მღეროდა აივანზე... კაიუტის კედლებს შორის წყალივით დაიღვარა მას ბრუხის ორატორია „ოდისეისი“ ქოროსა და ორკესტრისათვის...

თავბრუსხვევა

კილოზა შეატყვევს, აქაური არ იყო. რიგის მომლოდინე კაცმა ხელი გაავლო და საყასბო ფარდულის გვერდით ნაჯახით დაკეჭილ, პირუტყვის სისხლშემხმარ დიდ კუნძზე ჩამოსვა.

- ალვანელი ხარ?
— ზემო ალვანიდან.
— თუში იქნები!
— თავბრუ დამეხვა, კაცო, შევბარბაცდი.

— წყალი დალიე.
ყასაბმა მაცივრიდან პლასტმასის ბოთლი გადმოიღო და დახლს იქიდან გადმოაწოდა.

— ჭიქა გექნებათ ვინმეს, ჭიქა... — დაფაცურდა ისევ ის მუშტარი, ვინც კაცი ჩამოსვა კუნძზე.

— თუში იქნება, — თქვა ხილის გამყიდველმა.

— ჰოდე, თუში ვარ, ზემო ალვანიდან.

— ჰაი გიდი, ძმობილო, როგორ უთქო-მთ: „ფეხს დავკრამ, გადავფრინდები ბახტრიონს გალავანზედაო“... — ჩაულექსა ყასაბმა და ხორცის ნაჭერი სასწორზე შეაგდო.

— მუხლი მამეკვეთა, კაცო, ნავბარბაცდი.

— მშვიერი იქნები.

— მართალ კაცს შიმშილი ვერას უზამს, — ყასაბმა ხორცის ნაჭერი ცელოფნის პარკში ჩადო, — მეც თავბრუ მესხმის ხოლმე, თუ მომშვივა.

— კაი ხორცია? — ჰკითხა იმ კაცმა, თუშს რომ შევლოდა.

— ჯერ ჩემგან ნამდურავი არავინ ნასულა, მუშტარი რო მოვიმღურო, ვინლა იყიდის ჩემგან!

- ორი კილო ამინონე.
— რომელი?
— სამწვადე.
— ახლა წავალ, დილას აქეთ ლუკმა არ ჩამსვლია.
— იჯექი, გამოკეთდი.
თუში იჯდა და ბაზრის ხალხს უცქერდა.

— ეხლა ისევ სდგას ბახტრიონის ციხე?
— რა ვიცი, კაცო, მე მარტო ლექსი ვიცი.

— რომელი?
— ფეხს დავკრამ... ჰა, ძმობილო, გამაჰკეთდი?

თუშმა ვერ გაიგო. კუნძზე იჯდა და მისვლელ-მომსვლელს უცქერდა. შეიძლება არც უცქერდა. მარტო თვალს აყოლებდა. ტანმორჩილი კაცი იყო, ნაჯაფი, ნაშრომ-განვრილებული, სახედანაოჭებული. ძველი სამოსი ეცვა და მოღრეცილი ფეხსაცმელები. სახე მინისფრად ჩაშავებოდა.

— მამ გავდავფრინდებო, ჰა?! რამდენია?

- ორი კილო, როგორც მითხარი.
— იცოცხლე.
— კარგად იყავი, შაგერგოს.

თუში წამოდგა და ნელა დაუყვა ბაზრის რიგს.

— აეგ კი ვერ გადავფრინდება, — იხუმრა იმ კაცმა, ნელან რომ შევლოდა.

- რასა, კაცო? — ვერ მიუხვდა ყასაბი.
— ლექსი რო თქვი, ფეხს დავკრამო...
— მშვიერი ყოფილა.
— ვერც მადლარი.
— ეჰ, ვინ რა ვიცით, რა ვართ...
თუში აღარ სჩანდა ხალხში.
— არ გეწყინოს, მე ისე... სიტყვის მასალათ...

— რა უნდა მენყინოს, ბეჩავი კაცი ყოფილა, დალაული...

— კარგად მენახე.
ყასაბმა დახლს შემოუარა. ხელში ღორის ბარკალი ეჭირა. კუნძზე დადო და ნაჯახით დაქნა.

— ნავიდა თუში? — გამოსძახა ხილის გამყიდველმა.

- ნავიდა.
— რა იყიდა?
— სახაშლამე, ორმოცისთვინ... ბიჭი ჰყოლია მკვდარი.
— რისგან, კაცო? — შეწუხდა ხილის გამყიდველი.
— ავარიით.
— უიჰ!

— მთვრალი გადავარდნილა ხევში.
— ძნელია შვილის სიკვდილი, ძნელი.

ყასაბმა ბარკლის ნაჭერი კაუჭზე ჩამოჰკიდა, ხელები ჩვრით გაიმშრალა და დახლს გადმოეყუდა.

— ივაჭრე რამე?
— არაფერი, დილას აქეთ ტყუილად ვავადივარ.

— რას იზამ, ხან ასე იქნება, ხან ისე.
— ლამის თავი მოვიკლა, კაცო, ერთიც იქნება, მივაკეტამ აქაობას და...

— შენ იცი შენი საქმისა, მარა ნუ იჩქარებ, მართალია, არეული დროა, მაგრამ იქნებ გამოსწორდეს.

— ღმერთმა ქნას. ლუდს დალევ?

— ხო იცი, არ ვსვამ, ღვიძლი მანუხებს.
ხილის გამყიდველი შიგნით შეიშალა. ყასაბმა რიგს მხერა ჩააყოლა, ღორის ბარკალზე მისეული ბუხები შევრით გააფრთხო და ისიც შიგნით შებრუნდა.

კიბე

პაპაჩემი მეტყოდა ხოლმე ხშირად: „რამდენჯერაც მოვიწოდებ სხვენზე კიბით ასვლა, იმდენჯერ კინაღამ ჩამოვვარდი. მერე მივხვდი, კიბე სხვისი იყო, ვილაცას ენათხოვრა მეზობლისაგან და იმასაც დავინყნოდა, აღარ მოეკითხა. ვინძლო ჩვენ ოჯახში ყველამ იცოდა ეს ამბავი, ჩემი ჩათვლით, თუმცა უთქმელი შეთანხმებით, კიბეს მაინც ჩვენად მივიჩნევდით და არც კი გვიეჭვია, რომ იმით სხვენზე ვერ ავიდოდით“.

ვერც მე ავედი. ჩემს დროს კიბე უკვე აღარსად იყო. სხვენი კი დაეგმანათ და იქ ახლა ღამურები დაშმაშურობდნენ. ისე, კაცმა რომ თქვას, მსურდა კი ასვლა?! ეზომიც აკი მშვენივრად ვგრძნობდი თავს, მწვანე მდელოზე, აყვავებულ ხეთა ჩრდ-

ილქემს, როცა ნიაგი თბილი დღის სურნელს ფანტავს და ირგვლივ არსებობის სიხარულს ავრცელებს. სანახევროდ ბნელ, ჭუჭყიან სხვენივ ასვლა ასეთ დროს... არა, არ მსურდა... თანაც სახლი ხომ საძირკველიდან იწყება. რა დამრჩენია სხვენივ? რატომ სურდა იქ ასვლა პაპაჩემს და რა უნდა ეძებნა? მეჩვენება, რომ პასუხის ექო ხანდახან ქართი შეზანზარებულ სახურავის ჟღერაღმე გუგუნებს, როცა სტიქია თითქოს მოგლეჯავს უპირებს ჩვენს ძველისძველ სახლს, რათა ქარქვეტით აიტაცოს, შორეთს გააქანოს და გადახვეწოს, დაკარგოს ნკვარამ ლამეში...

კალამს გაღვიწიებული

სასახლის მშენებლობა გასრულდა. კედლებს ხარაჩოები შემოხსნეს და მცხრალი მზის შუქზე მარმარილოს სითეთრემ იფეთქა. იასპის სიმწვანე ფარდულეებს გადაეღვარა, აქატი ამობრწყინდა სარკმლებში, იატაკზე მოზაიკის ციციანათელები აერთო. იმპერატორი ასაბიასთან ერთად დარბაზში დარბაზში დაიარებოდა და ხუროთმოძღვარს ნამუშავეს უქებდა. მართლაც საოცარი ნაგებობა იყო: ჩქამიც არ აღწევდა გარედან, მზერა არ იღლებოდა უსახურ ნივთთა ალით, ფიქრი არ ყოვნიდებოდა უამურ საგანზე.

ერთ ალაგს კი გამონგრეულ გალავანს ნაადგენ... სხვაგან დაუსრულებელი მოზაიკა ნახეს... განრისხდა იმპერატორი, კედელზე მის საქებრად დანყებული და დაუმთავრებელი ნარწერის მხედი...

ხუროთმოძღვარმა კრძალვით დახარა ჭალარა თავი:

— ნუ მიწყობ, მეფეო! მშენებლებს განგებ დავატოვინე დაუსრულებელი, რათა მთლიანობა უკეთ გეგრძნო.

— თქვი!

— მხოლოდ იგია სრულყოფილი, რაც ნაკულაია; მხოლოდ იგია მარადიული, რაც წარმავალია; მხოლოდ იგია მშვიდი, რაც მღელვარებს. ამ დარბაზში შენ მოზაიკის სიმამრებს იგრძნობ, რადგან ნახატს გონებით დაასრულეს, სანახევროდ ნამუშავეები კედელი განმარტოებას გააოვინებს, რაღაი ბოლომდე ვერ დაგიცავს გარემე სუსხისაგან, ხოლო დაუმთავრებელი იეროგლიფი მუდამ მოგაგონებს, რომ სიტყვა მარადის გრძელდება...

მან მეფეს ფუნჯი და სატუშე გაუნოდა:

— აი, მარადიულობის იარაღი, მეფეო! შეგიძლია, სიტყვა ახლავე დაასრულო, მაგრამ იცოდე, ქვეყნიერების ხიბლი გაჰქრება შენთვის. ამ დიდებულ დარბაზში გაუსაძლის მარტოობას იგრძნობ და შიში შეგაკრთობს მტკიცე გალავნის შიგნით, რადგან დასასრული მუდამ სიკვდილია: რაც ოდესმე სრულდება, ის კვდება.

— მაშ რილასთვის აღმართე ეს სასახლე, თუკი ვერ დამიცავს?! — შეესიტყვა იმპერატორი, — რისთვის აგებდი მძლავრ კედლებს, თუკი მაინც წარმავლობას ვიგრძნობ მათ შორის მომწყვდეული? შენ გული მომიკალი. მე სიმშვიდე მსურდა, შენ კი ამაფორიაქე.

ხუროთმოძღვარმა კვლავ თავი დახარა:

— ნუთუ იგრძნობ სიმშვიდეს, თუ არ მღელვარებ? ვინ არის უშიშარი, თვინიერ ხიფათეულისა?! ვინ აფასებს სიცოცხლეს, მისი უზადრუკობის შემეცნებლის გარდა?! ჭეშმარიტად მარად იცოცხლებ, მეფეო, რადგანაც მათია მხოლოდ სასება ქვეყნისა, ვინც ის დაჰკარგა! ნაპრაღი კედელში, ზადი მოზაიკურ სურათში, გამოტოვებული იეროგლიფები ნარწერაში — მუდამ მოგაგონებენ, რომ სასახლე შენ როდი გეკუთვნის, ვინაიდან ხარ და არც ხარ; მყოფობ და ამავე დროს არ მყოფობ; კვდება და არ კვდება, გარდაიცვლება და მაინც იგივე ხარ, არყოფნის მიჯნასთან მდგომი, კალამს გადევნებული, რომლის წვერითაც იწერება ტექსტი, ჯერ რომ ვერავის დაუსრულებია. ვერც შენ იქ ამას, რაკილა ქმედება უცილოდ მოიცავს უმოქმედობას, სიტყვა კი — უსიტყვობას, რის გამოსახვასაც ამაოდ ეცდები. ფუნჯი უფარგისია, რაღაი მხოლოდ დაუნერელი სიტყვაა ჭეშმარიტი და მხოლოდ წარმოუთქმელი ცნებაა მართალი, როგორც ეს სასახლე, რომლის სვეტსაც თითო აგური აკლია, გალავანს — ქონგური, იასპის იატაკიდან კი სიცარიელე

იცქირება! ნამდვილი სასახლეც ის არის, მეფეო, სადაც კაცი თავად ქმნის ნაგებობას ყოველ წამსა თუ წუთს, მიწყობ, შეუჩერებლივ, რომლის კედლების გასრულება არც როდის არის შესაძლებელი! მე გიძღვენი სასახლე, რამაც ეს უნდა გაგახსენოს, მაგრამ ნება შენია, ბრძანე და გაგასრულებ, თუმცა უწყოდე: ის მაინც დაინგრევა, თუნდაც კედლებმა კლდესავით უძლონ ჟამის მძვინვარებას! ეს სასახლე შენი აზრია, მეფეო, რომელიც არასოდეს წყდება, გარნა უციცი ჰგონებენ, ვითომ ის თავდება!

იმპერატორმა მშვიდად მოისმინა ხუროთმოძღვრის ნაუბარი, კედელთან მივიდა და ფუნჯი მოითხოვა. მიანოდეს. ყველას აინტერესებდა, რა იეროგლიფები გამოჰყავდა ხელმწიფის ხელს კედელზე. წერა რომ დაასრულა, იმპერატორი უკუდგა, რათა მხლებლებს ნაწერი ენახათ. და აჰა, დიდებულებმა ნაცნობი იეროგლიფები იხილეს ადრე წარწერილის ბოლოს — ისევე ის სანყისი ასო-ნიშნები, რითაც წარწერა იწყებოდა.

— განაგრძეთ! — ფუნჯი გადაუდგო დიდებულებს იმპერატორმა და დარბაზიდან გასვლა იჩქარა.

პარიატილი

დიდხანს ვიავადმოფე. სიცხე მტანჯავდა. ხველა მკერდს მიფლეთდა. ექიმმა „ტამიფლუ“ გამომიწერა. უბნის აფთიაქში წამალი არ ჰქონდათ და მეზობელ კვარტალში წავედი.

შიანი დღე იყო, უქარო. გაჩერებაზე ვიდექი და აქაურობის უცხოობა მაკვირვებდა. ბავშვობიდან ნაცნობი ადგილი კი იყო, მაგრამ მაინც მგონია, სხვა ქალაქში ვარ-მეთქი; ქუჩის გადაღმა აფთიაქი ჩანდა ძველი შენობის გვერდით. ავტომობილების ნაკადში გზა გავიკვლიე (შუქნიშანი არ ენთო და მე ხელის ცეცებით მომინია სვლა) და უნებურად იმ ძველ შენობასთან გავედი, რომლის ფრონტონსაც ორი კარიატიდი იკავებდა. უწერელი გოლიათები მიქელანჯელოს ტიტანებივით დაძაგრულიყვნენ და თავზემთი შემართული მკლავებით ვითომ ცის თალი ეჭირათ. დამსჯადრდაბარულ ტანზე ჭუჭყი და მწვირე სქლად დასდებოდათ. ასვალტს თვალდახრილნი დასჩერებოდნენ.

უცებ ხველა გავიგონე. ჩემგან მარცხნივ გოლიათმა პოსტამენტს გადმოაბიჯა, ოლონდ ცალი ხელით ისევე „ცა“ ეკავა.

„დავიღალე“, — მითხრა შემპარავად, — „იქნებ შემცვალე“.

რა შემძლია-მეთქი, ვუთხარი... ავად ვარ...

გაცხარდა და ყვედრება დამიწყო: ადამიანებმა თავის მოკატუნება იცით, გინდათ მუდამ სხვა გემსახურებოდეთ და სასჯელი აიცილოთო.

„რა სასჯელი?“

„არ იცი, რომ მცველებად ხართ დაყენებულები საიქიოს შესასვლელთან?“

„ვინ დაგვაცენა?“

„არავინ, ასეა დანესებული“.

დავას აზრი არ ჰქონდა, მგონი ისიც ავად იყო.

„დიდ ხანია აქ დგახარ?“

„გდგავარ? ცა მიჭირავს, ვერ ჰხედავ?“

ვხედავ-მეთქი, ვუთხარი, ოლონდ ეგ მხოლოდ დეკორაციაა, მეტი არაფერი, შენ კი ქვის სვეტიც შეგენაცვლებოდა, ხუროთმოძღვარს ფასადის გასამშვენებლად დაუდგინარ აქ.

„მაშ არქიტექტორი არ მოგნონს?“ — ის დაეჭვებული დამაცქერდა და თითქოს წინაც გადმოიხარა, რათა პასუხი უკეთ გაეგონა.

მე და ის ვერასოდეს გავუგებდით ერთმანეთს, ამიტომ ვთხოვე, აფთიაქში შემომყოლოდა, მაგრამ ის კარში ვერ შემოეცია და სანამ „გედეონ რისტერის“ მიერ გამოშვებულ წამალს ვყიდულობდი, კარიატიდის ჩრდილი ვიტრინას არ მოსცილებია.

კომეტა

თხზველის პირველი დასახლება დედამიწაზე მას შემდეგ გაჩნდა, რაც პლანეტას უზარმაზარი მეტეორი შეეჯახა და ღერძიდან გადახარა. ერთბაშად იფეთქა ვულკანებმა და მიწისძვრამ ველები დაბზარა. მტვერმა და კვამლმა მზე დააბნელა. მც-

ნარეულობა დაჭკნა. აცივდა. მიწისპირი ყინულმა დაფარა. თითქმის ყველა ცოცხალი არსება განყდა. გამყინვარებამ რამდენიმე ასეული წელი გასტანა. მერე ატმოსფერო დაინმინდა და მზემ გამოანათა. ყინული დადნა. ხეობებში ნაკადულები აჩუჩჩუხდა. მცენარეულობა კვლავ ამობიბინდა. წყალსატევებიდან ნაპირზე გონიერი არსებები ამოვიდნენ და ხერგილებით კაშხლების აშენება წამოიწყეს. ესენი თავები იყვნენ — წყალ-ხმელეთა ცხოველები, რომლებიც დალუპვას წყლის ქვეშ გადარჩენოდნენ და რაკი ზემოთ, მიწაზე, მტერი აღარ ჰყავდათ (ადამიანები ხომ ამონყდნენ!), მათ კოლონიები გააშენეს და ქალაქურ თანაცხოვრებას ჩაუყარეს საფუძველი.

პირველი დასახლება ხისა იყო, ნაჩორკნი მორებით ნაგები და აყალო მინით შეზეული დამბების რიგით. მერე და მერე თავებმა ქვის თლა და შენება ისწავლეს და ხუროთმოძღვრებაშიც ისე გაინაფნენ, უკვე ორ და სამსართულიან სახლებს აგებდნენ და ქუჩებს კირწყლავდნენ. მოგვიანებით მათ ელექტროხაზები გაიყვანეს და ლიანდაგზე ტრამვაიმ გაიხრიგინა. დამეული ფანჯრები მუქმა გაანათა და ზეცა აეროპლანმა გააფრიალა.

მაგრამ თავების განვითარება შეყოვნდა. ისინი ცივილიზაციის სანყის საფეხურზე გაიყინნენ. ისე ჩანდა, თითქოს აღარ სურდათ, მეცნიერული კვლევა-ძიება გაემტავებინათ. ამ დროისათვის თავები მეტად დაემსგავსნენ ან უკვე ამომწყდარ და გადაშენებულ ადამიანებს: ორ ფეხზე დაიარებოდნენ, საქმელს დანა-ჩანგლით ჭამდნენ და კბილებს ჯაგრისით იხეზავდნენ; ბენჯი გასცვენოდით და ტიტველ სხეულს სხვა ცხოველის ტყავით იფარავდნენ და ითბობდნენ; წყალში საბანაოდ ჩადოდნენ და არა საცხოვრებლად ან დასამალად, მით უმეტეს, რომ აღარავის ეშინოდათ — სამხედრო მრეწველობა საკმარისად აწარმოებდა ქვემეხებსა და თოფ-იარაღს, რომლითაც თავებმა პლანეტის დამორჩილება-დაპყრობა შეძლეს.

— არა! — განაცხადა თავების პრეზიდენტმა, — არ უნდა ვემსგავსოთ ადამიანებს ცხოვრების წესით, სიხარბითა და გაუტანლობით, და დედამიწაც ამოიფუგინებს, დაღვინებული ყოფა გვექნება.

და მან ბრძანა, სადაც კი ნამარხ ადამიანს ნაანყებობდნენ, კრემატორიუმში დაენვათ, ნაპოვნი ნიგნები კი ნაუკითხავად გაენადგურებინათ, როგორც შხამიან მწერებს ან ქვემძრომებს ანადგურებდნენ. ქვეყანას დიდი მოძრაობის ტალღა მოედო. მიწის მუშებს, მალარულიებს, მწყემსებს მიწასა თუ გამოქვაბულებში ნაპოვნი ნიგნები მოჰქონდათ და ქალაქისა თუ დაბის მთავარ მოედანზე ახვავებდნენ და საზეიმოდ წვავდნენ. აუტო-დაფეს ცეცხლოვანი ანაშუქი ცისკიდურს სწვდებოდა. თავების სახელმწიფო ხანძრით ცდილობდა წარსულის დავინყებას.

— მოიცა, — თათით შეაჩერა მეგობარი ირეონმა, — თუ გაგვიგეს, სასტიკად დავისჯებით.

— რისკი ამაღ ღირს! — ზურგს უკან დამალა ნიგნი ფასტარმა, — სამაგიეროდ, რარიტეტი შეგვარჩება, თანაც ერთადერთი ეგზემპლარი.

— ფასეული თუა მაინც... მოპარული ნიგნი ენციკლოპედია იყო, ძველი გამოცემა, მანამდელი, სანამ ადამიანები კომპიუტერს გამოიგონებდნენ და ინფორმაციას მყარ დისკებზე შეინახავდნენ. ამ დღისკენ თავები კი პოულობდნენ, მაგრამ არ იცოდნენ, რა იყო. ენციკლოპედიით კი სწავლულ მეგობრებს შეეძლოთ, გული ეჯერებინათ სხვადასხვა დარგის შესახებ სტატეებით; იმით, თუ როგორ აღიქვამდნენ ადამიანები საგნებს თუ მოვლენებს და რა მიჩნდათ ჭეშმარიტებად. ეგ არის, რომ ღრმა კვლევა-ძიების შემდეგაც კი, როცა ენციკლოპედია ძირისძირობამდე განჩხრიკეს, მეგობრები ვერსად წაანყდნენ ერთ საერთო აზრსაც კი.

— საკვირველია, როგორ თანარსებობდნენ, თუ თითოეულს საკუთარი აზრი მიჩნდა ჭეშმარიტად?! — გამოცდა ფასტარი, — გამოდის, რამდენი კაციც იყო, იმდენი სიმართლე არსებობდა.

— ჩანს, რალაცაზე მაინც თანხმდებოდნენ, — გამოეპასუხა ირეონი, — ვთქვათ, სახელმწიფო მონყობასა თუ მართლმსაჯულებაზე, სხვა დანარჩენის შესახებ კი ყველას თავისი აზრი ჰქონდა.

— საოცარია, — ნაიბუტბუტა ფასტარმა, — ვერ დამიჯერებია.

— რა არის საოცარი? ამ ხეს შეხედე, — ირეონმა თათი ვერხვს მიაშვირა, — წარმოიდგინე, რომ ზრო და ტოტები სახელმწიფოა, ფოთლები კი, მაცხოვრებლები. ზრო და ტოტები შეგვიძლია საერთო იდეად მივიჩნიოთ, ფოთლები — თითოეულის აზრად.

— მაგრამ ფოთლები რტოებზე იზრდება, ისევე როგორც ტოტი ემბის ზროს, — შეედავა ფასტარი, — განსხვავების მიუხედავად, — თითოეული ფოთოლი ხომ განსაკუთრებულია — კერძო აზრებიც საერთო შეთანხმებიდან გამომდინარეობს. განა აბსურდული არ გეჩვენება, განსხვავებული აზრი დაარქვა იმას, რაც საერთო წარმოდგენის ნაწილია?!

— სულაც არა! — მიუგო ირეონმა, — ყოველგვარი განსხვავება საერთო ჯამში ძირითად იდეას ქმნის.

— მაშინ ცალკე აზრი რალა საჭიროა? — არ ისვენებდა ფასტარი და ცხვირზე ჩამოჩოჩებული სათვალის შემეგრებას ცდილობდა. სწავლული მეგობრები ბიბლიოთეკის სიმყუდროვეში უხსდნენ ბუხარს და დროდადრო ჩაის წრუპავდნენ, — შეუძლებელია, ჭეშმარიტება განსხვავებულად გადმოიცემოდეს.

— გეთანხმები, — თავი დაუკანტურა ირეონმა, — ეტყობა, მათ არც კი მიჩნდათ საერთო აზრი ჭეშმარიტებად და ამიტომაც დაუშვეს განსხვავებულ აზრების თანაბარმნიშვნელობა.

— რალაც აბრაკადაბრაა, — არ ცხრებოდა ფასტარი, — მართავედ სახელმწიფოს, განაგებდე მართლმსაჯულებას და არ გწამდეს მათი ნამდვილობა...

— რწმენით მათ ბევრი რამ სწამდათ, — შეანყვებინა ირეონმა, — განსაკუთრებით თავიანთი გონებრივი უნიკალობა.

ორივე მეგობარმა გულიანად ჩაიხიხითხითა და ბასრი კბილები დაკრიჭა, როგორც ზოგადად, თავებებს სჩვეოდათ მხიარულებისას.

სწავლულები უკვე ხანმოთულებად ითვლებოდნენ, წვერში ჭალარა გარეოდათ და ბუხრის ანაშუქით გაჩენილი მათი ლანდებიც კედელზე მოფოფინე კუზინათა ანარეკლს ჰგავდა, ისე მოეხარა ისინი წელში ხანგრძლივ მეცადინეობას. მათ გვიანობამდე ისაუბრეს. ბოლოს, ნიგნი ფარულ ადგილას გადამაღეს და დასაძინებლად წვიდ-წამოვიდნენ, თუმცა არც ერთს არ სძინებია.

ნიგნმა ორივე მოწამლა, ეჭვის სამსალა შეაფრქვია და მეგობრები მიხვდნენ, რომ ძველურად ველარ იცხოვრებდნენ. მალე მართლაც ასე მოხდა: წვრლომინის გამო ნაკინკლავებოდნენ ხოლმე და ველარაფერზე თანხმდებოდნენ, ლამის წვერებით ეთრიათ ერთმანეთი. ბოლოს სულაც გაიბუტნენ და ცალ-ცალკე დაბინავდნენ. ამის შემდეგ საჯაროდაც ლანძლავდნენ და ნაშრომებს უქიაქებდნენ ერთმანეთს.

მათ ირგვლივ მომხრეები დაჯგუფდნენ და ორი მტრული პარტია გაჩნდა, ეჭვის ბაცილით დასნებოვნებული. ბაცილა ფარულად მრავლდებოდა და ერთ დღესაც ეპიდემიამ იფეთქა. მტრული პარტიები ერთმანეთს დაერინენ. ორივე დუშმომდგარი ამტკიცებდა თავის სიმართლეს და თუ მოპირდაპირე მხარე არ უჯერებდა, კამათში მახვილი ერეოდა. თავების ქვეყანა აირია. პრეზიდენტმა ყველა ოლქში საგანგებო მდგომარეობა გამოაცხადა, რამაც ვითარება თითქოს მცირე ხნით დაამშვიდნა, თუმცა სიძულვილი ნალვრდალში შენახული ცეცხლივით ღვიოდა...

— ბუსავით როცა დავიკვილებ, ნიშანი იქნება! — აჯანყებულთა ბელადმა მახვილი აღმართა, — წინ, თავისუფლებისაკენ!

სამოქალაქო ომს გადარჩენილ მოხუც უამთააღმწერელს კი ნახევრად ბნელ მინურში ქონის სანთლის შუქზე ბეჯითად გამოჰყავდა განაჩენით უდავო სტრიქონები: „თახვების მშრომელ და პატიოსან სახელმწიფოში არეულობა მას შემდეგ დაინყო, რაც ქვეყნის მაცხოვრებლებს შორის ბაცილით გამონეული ავადმყოფობა გაჩნდა, და ამ ავადმყოფობას ადამიანი ჰქვია. საყოველთაო ჭირის გავრცელება ემთხვევა ცაზე ბანჯგვლიანი კომეტის გამოჩენას, რომელსაც ერთნი გამანადგურებლად მიიჩნევენ, მეორენი კი — მხსნელად“...



ფერული

სხმა სამყაროდან მოსულს ჰგავდა. თვალს აცეცებდა და სულელივით იკრიჭებოდა. სარწვევლა სავარძელში მჯდომი ფერული შორიდან უცქერდა, როგორ ამოიარა იმან ხევი და ღობესთან გაჩერდა.

— ვის ეძებთ? — თავაზიანად ჰკითხა ფერულმა და სავარძელიდან წამოიწია. მაგიდას იდაყვით დაეყრდნო. საღამოობით ფერული ზალში უჯდა ხოლმე ქვის მაგიდას და ფოსტით მიღებულ გაზეთებს კითხულობდა.

— მკაა...
— მუნჯი ხარ? — მიხვდა ფერული. თითი ტურთან მიიტანა და მერე იმ თითით ჰაერში ასოები მოხაზა. მუნჯმა თავი სიხარულით დაუქინა. ფერული მინ შევიდა და ფურცელი და ფანქარი გამოუტანა. მუნჯი მაგიდაზე წაიხარა. ფერულმა მხარს ზემოდან ჩახედა: ფურცელზე სახლი ეხატა, როგორსაც ოთხი-ხუთი წლის ბავშვები ხატავენ ხოლმე. „ჭკუასხლი“, — გაიფიქრა, — „ალბათ დაიკარგა. პოლიციას უნდა დავურეკო“. მუნჯს მოცდა ანიშნა და ისევ შინ შებრუნდა. ყურმილს მისწვდა. თითით ნომერს კრეფდა და თან ფანჯრიდან უცქერდა ღობესთან გარინდულ მუნჯს. „დაიკარგა საწყალი... ყურმილი ბერძენებს ჩამოჰკიდა და ოთახი მოათავსებდა. მყუდროდ იყო, ოდნავ ბინდებულში. „პოლიცია მიხედავს“, — თქვა გასამხნევებლად და სამზარეულოში გავიდა, ჩაიდანა ქურაზე შემოდგა. გიჟი აქეთა ფანჯარაშიც ჩანდა და ფერულმაც ფარდა ჩამოუშვა.

იბაპი

პილოტი მოლაღატურად მოკლავდნენ, სამოსას ტირან პოლიკერტს ვერავინ შეეცდებოდა სვე-სვიანობასა და უზღვავ დიდებას. მისი ძღვევამოსილი ფლოტი ეგეოსის ზღვაზე ბატონობდა, მოსიარნი და შურდულით ქვის მტყორცნელი კი მეფეს იმდენი ჰყავდა, მთლიანად დაეპყრა მას მახლობელი ქალაქები და ზარგანხილ სახელს მისას მიეწინა თვით ეგვიპტემდის, რომლის თვინიერი მეფე ამაზისიც მეგობრად და მეკავშირედ გახდომოდა ტირანს, გულწრფელად აღტაცებული პოლიკერტის ილბლიანობით, რამაც ამაზისი ბოლოსდაბოლოს ფრიად დააფიქრა: განა შესაძლებელია კი მოკვდავის ეგზომი ბედნიერება?! უწყობდა რა კარგად ღმერთთა მემურნეობა, ამაზისი სამართლიანად ეჭვობდა, ჩემს მეგობარ პოლიკერტს უკვდავება ვინძლო საიმისოდ მოჰმადლეს კაცთათვის წარმოუდგენელი პატივი და ქონება, რათა ერთ დღეს ასევე წარმოუდგენლად გააუბედურონო...

ამაზის არცთუ უსაფუძვლოდ უთქვამდა გული უბედურებას. პეროდოტე მოგვიტხრობს, როგორ მოკლა პოლიკერტი ღალატით სარდეს სატრამპა ოროინტმა, რომელმაც მოტყუებით მიიწვია ის თავისთან, ვითომდა ულვეი საუნჯის დაპირებით. ცბიერმა სპარსმა მსახურებს უზარმაზარი ყუთები ქვით გაავსებინა, ზემოდან კი ოქროს ზოდებით დააფარინა და ასე დახვდა ტირანის გამოგზავნილ კარისკაცს, რომელმაც შემდგომ ეს ამბავი სამოსაზე ჩაიტანა. ხარბი და სიმდიდრის მემურნე პოლიკერტი მყის ალიკაზმა და ხომალდით სარდემი გაცურა, უცილო სიკვდილისაკენ, მიუხედავად მრჩევლებისა და მეგობართა გაფრთხილებისა, ოროინტს ნუ ენდობო; ყურად არ ილო მან არც თავისი ასულის წინასწარმეტყველური სიზმარი, წინა ღამეს რომ ენახა და მეფეს დალუპვას უქადადა.

პეროდოტეს აზრით, პოლიკერტის გონდაბნელება და ამკარა საფრთხის ვერ-შეგნება ღმერთების წყრომის შედეგი იყო, რაც მანამდე ცხადად ეუნყა ტირანს, როცა ამაზისის რჩევით, მან ზღვაში ძვირფასი ბეჭედი ჩააგდო და ზღვამ კი უკან დაუბრუნა. ბეჭდის დაკარგვით პოლიკერტი ვეღარ იქნებოდა სრულად ბედნიერი — დანაკლისს აკი უნდა დაემწურებინა, რითაც ტირანის ილბლიანობა დაიჩრდილებოდა.

ზღვაში გადაგდებული ბეჭედი მზარეულმა უკან მიუტანა პოლიკერტს. ბეჭედი მას უზარმაზარი თევზის მუცელში ეპოვა, ეს თევზი კი ვინმე ღარობ მებადურს ეძღვნა მფიხისათვის. ასე რომ, უკვდავ ღმერთებს არ მიეღოთ საჩუქარი და უქეცელია, ავს



იზრახავდნენ პოლიკერტისათვის. შემინებულმა ამაზისმა მაშინვე მეგობრობა განწყვიტა მასთან, იმ მიზეზით, რომ დალუპული მეგობრის დარდს ვერ გაუძლებდა, და სასახლეში ჩაიკეტა, სადაც ვერ-ნამკრთალი ელოდა ცუდ ამბავს სამოსადან, და მაშინლა ამოისუნთქა შვებით, როცა ტირანის ღალატით სიკვდილი აცნობეს...

ამრიგად, ფარული განაჩენი აღსრულდა და პოლიკერტიც მოკვდავისათვის შეუფერველი ბედნიერების გამო დაისაჯა (რაც, უნდა ვთქვათ, მისი ბრალი სულაც არ იყო!), ხოლო სასჯელის მოტივად ტირანის სიხარბე და ოქროსმოყვარეობა დასახელდა. მაგრამ არსებობს ამ ამბის სხვა ვერსიაც, რომელიც პეროდოტეს არ ჩაუწერია და სხვადასხვა აპოკრიფების სახით ფრამგმეტულად მოაღწია ჩვენამდე. ამ ვერსიაში პოლიკერტი იმავენიარად კვდება მოლაღატის ხელით, ოღონდ არა სიხარბის, არამედ დაქვევების გამო...

აი, ეს ვერსიაც: როგორც კი მეგობრის განდიდება შეიტყო და ავადაც ენიშნა ზეციერთა ესევიტარი წყალობა, ამაზისმა ბარათი მისწერა პოლიკერტს, ფხიზლად ყოფილიყო და განსაკუთრებული მნიშვნელობა მიენიჭებინა უჩვეულო მოვლენებისათვის, რომლებიც, დიდი ალბათობით, სამომავლო უბედურებას გვაუწყებენ. საპასუხო წერილით პოლიკერტმა მეგობარს აცნობა, ფრინველთა შიგნულზე მკითხავნი და რამლის მყრელნი ბევრი მყავს და ორაკულებიც უდრუბლო ყოფას მიწინასწარმეტყველებენო. ამაზისი მიხვდა, რომ სამოსას ტირანი მზავობრობას შეეპყრო და უბედურებაც არ დაახანებდა. ამიტომ კიდევ დანერგა წერილი და ჯიქის ტყავით მოსილ ქურუმს საჩუქართან ერთად გაატანა. შიკრიკი მარტო გადმოვიდა სამოსას ნავსადგურში ხომალდიდან და სასახლისაკენ ფეხშიშველი გაემართა. თან მომკრივარ ზარდახმა მიჰქონდა. პოლიკერტმა პატივით მიიღო მეგობრის შიკრიკი, თუმცაღა მისმა სანახევროდ სიშიშველემ და უამალობამ გააკვირვა. უფრო მეტად განცვიფრდა მეფე, როცა ქურუმმა ზარდახმა გაუწოდა და შიგ კი არაფერი ილო.

— ნუთუ ჩემმა ძმამ და მეგობარმა ცარიელი ზარდახმა გამოგატანა? — დაეჭვებით ჰკითხა ტირანმა ქურუმს, რაკი იგუმანა, ზარდახმაში ჩანყობილი ძვირფასი ქვები (სხვა რა უნდა ენყოს იქ!) შიკრიკმა გადამალა და ახლა უსინდისოდ ცრუობსო; მეორეს მხრივ, ქურუმის სიბრყველი აოცებდა, რაღაი ამ სვეუბედურ მაცნეს ვერც კი ეგუმანა, რომ სიმართლე უმაღ გაირკვეოდა და მას უსასტიკესი სასჯელი ელოდა ძღვენის ხელყოფისათვის.

ქურუმი მიუხვდა ტირანს.
— მეფე ამაზისმა მე მომანდო საჩუქრის არჩევა! — უთხრა მეფეს, — როდი იცის, რა გიძღვენი და რა პირობით, პოლიკერტე!
— პირობით? — გაიკვირვა ტირანმა,
— ნუთუ საჩუქარს პირობით სძღვნიან?

— ეს არც არის საჩუქარი, მეფეო, რადგან ზარდახმაში არაფერია. ოღონდ შემპირდა, რომ უთუოდ ასრულებ ჩემს დათქმას, რაც არ უნდა უცნაური გეგვესო! მეფემ მრჩევლებს გადახედა.

— თქვი, რა გნადია!
— ჩემი პირობა არცთუ ძნელად შესასრულებელია. მხოლოდ იმას გთხოვ, ზარდახმა შენს სალართსაცავში მარტო ერთი მიმართულებით იდოს. აი, მეფეო, ხედავ ამ პანია ისარს სახურავზე? ეცადე, რომ ეს ისარი მუდამ ჩრდილოეთისაკენ იყოს მიმართული.

პოლიკერტს იმედგაცრუება დაეტყო.
— სულ ეგაა?
— დიახ, მეფეო.
— კარგი, შეგისრულებ პირობას, — დაყაბულდა პოლიკერტი, — თუმცა აზრი ვერ გამიგია.

— ერთი წლის შემდეგ მე კვლავ აქ ვიქნები, — პასუხის ნაცვლად დაუბარა ქურუმმა, — და თუ მანამდე არაფერი შეიცვალა, ზარდახმა წავიღებ.

ის ტირანს გამოეთხოვა და ეგვიპტეში გაბრუნდა. პოლიკერტმა კი მოლარეთუხუცესი იხმო და დაავალა, ზარდახმა სალართში ისრით ჩრდილოეთისაკენ დაედო, როგორც ეს ქურუმმა დაუთქვა. მოლარეთუხუცესმაც ზარდახმა წაიღო და ის პოლიკერტს მალევე გადაავიწყდა. კვირის ბოლოს, როცა ვილაცამ უცნაური შიკრიკი ახსენა, მეფეს პირობა მოაგონდა.

„ნავალ და ვნახავ, რა შეიცვალა“, — გაიფიქრა ტირანმა, — „ვინძლო ზარდახმას რამე ზებუნებრივი უნარი აქვს და ასხივებს კიდევ.“

მაგრამ ზარდახმა არც ასხივებდა და არც მდებარეობა შეეცვალა, რაც მისი ჯადოსნობის დასტური იქნებოდა. ის უძრავად ილო მაგიდაზე, ისრით ჩრდილოეთისაკენ, და არაფრით ჰგავდა სასწაულმოქმედ ყუთს, რომლიდანაც ვინ იცის, რა უცნაურობა არ ამოჩნდებოდა, მსგავსად ბაზრობაზე ოინბაზის მიერ ნაჩვენები ფოკუსისა. პოლიკერტს კი მაინც უჩვეულოდ შეუერთა აქამდე უშიშარი გული.

„ეს მაგიდა ზარდახმის შუაში ცუდად დგას, აქაურობას არ უხდება“, — გაიფიქრა და მოლარეთუხუცესს უბრძანა, ზარდახმა სხვა მაგიდაზე გადაეტანა. მაგრამ არც ახალი განლაგება მოეწონა.

„კედელთან ახლო უნდა იდოს“, — შესაძახა და ზარდახმა თავდასხვა გადაანაცვლა კედლისაკენ, თუმცა არც ეს ექაშნიკა.

„რასაკვირველია, მანდურში უნდა იდოს!“ — დაასკვნა მერე და მოლარეთუხუცესს კედელში მანდურის გამოჭრა დაავალა. მანდური მყისვე ამოჭრეს, თუმცა მეფეს კვლავ არ მოეწონა რაღაც. მან ზარდახმა საძინებელში წაიღო და კვირის განმავლობაში ადგილს უცვლიდა, ხან საით გადააჩორებდა და ხან საით. ღამე ძილი გაუკრთა, რაკიღა ეჩვენებოდა, რომ ზარდახმა არასოდეს შესაფერის ადგილას არ ილო. საძინებელი აშკარად არ ვარგოდა ზარდახმის შესანახად და ტირანის ბრძანებით საძინებელიც დაანგრეს და ხელახლა ააშენეს. ცხადია, პოლიკერტს არც ახალი ოთახი მოეწონა, რადგან მისი აზრით, ზარდახმა აქ სრულებით ზედმეტი იყო; უფრო სწორად — ოთახი იყო ზედმეტი. სადაც არ უნდა დაედო ის წყეული ნივთი, მაინც არაბუნებრივად ჩანდა.

პოლიკერტმა ზარდახმა სათათბიროში გაიტანა, მაგრამ იქაც იგივე განმეორდა. სასონარკვეთილმა მეფემ ხუროთმოძღვარს სასახლის გადაკეთება უბრძანა. სასახლე დაანგრეს და ხელახლა ააგეს, უფრო დიდი და ტრეფა, მაგრამ ზარდახმას არც ეს მშენებლობის სასწაული მოუხდა. მეფე გაშმაგდა და ზარდახმის დამსხვრევა უნდოდა, მაგრამ ქურუმისათვის აღთქმული პირობა გაახსენდა, ერთ წელს დაეცდო, და მოლარეთუხუცესს ზარდახმა სარდაფში ჩაატანინა.

ვეღარ ხედავდა, მაგრამ ზარდახმა მაინც აეკვიტა. შინაგანი მზერით უცქერდა ჩრდილოეთისაკენ ისრით მიმართულს, ურყევს, უძრავს, რომლის გარშემოც იცვლებოდა ქვეყნიერება, მაგრამ თავად ის შეუმუსვრელი იყო; ახსენებოდა ქურუმიც, ვინც თითის მიხედვად ზარდახმის ისრისაკენ, თითქოს მიმართულებას ანიშნებსო. საით? პოლიკერტს მიმართულება უკვე არეოდა და მხოლოდ ის მხარე ჩანდა ჭეშმარიტი, რომელსაც ლითონის წვერი უჩვენებდა. რა იყო ჩრდილოეთით? მეფე ისე გაიტანჯა, რომ მწირის სამოსი გადაიცვა, სამეფო მრჩევლებს დაუტოვა, ზარდახმა თან წაიღო და ჩრდილოეთისაკენ გასწია. მისი აზრით, თუ სულ ისრის მიმართულებით ივლიდა, იმ საბოლოო პუნქტს მიადგებოდა, სადაც ამ ნივთის რაობა გაირკვეოდა. მოთმინება არ იყო, ქურუმისათვის დაეცადა, ვინც, ალბათ, აუხსნიდა ზარდახმის საიდუმლოს.

ხან ფეხით, ხან ცხენითა თუ ურმით მან კუნძულის უკიდურეს ჩრდილოეთს მიაღწია და ხომალდზე ავიდა, რათა საზღვაო გზით მატერიკზე გადასულიყო, მაგრამ მოულოდნელი პირქარის გამო ხომალდმა

გეზი იცვალა და ხმელეთს აღმოსავლეთით მიადგა. პოლიკერტიც იძულებული გახდა ერთ ხანს მსახურთან ერთად უცხო ადგილას შეყოვნებულიყო, თუმცა აქაურობა არცთუ უცხო იყო, რადგან სანაპიროზე აკი ბერძნული ქალაქები ჩამწკრივებულიყო: მიტილენი, კლაძომენი, ფოკია... პოლიკერტი ფუნდუქში ელოდა ხელსაყრელ ბორიოს. დროის გასატარებლად კი ქალაქის შემოგარენში იარებოდა. ერთ დღესაც შინ მობრუნებულს ოთახი განძარცვული დაუხვდა, მსახური კი იატაკზე გართხმული. პოლიკერტმა წყალი ასხა და მოასულიერა. მსახურმა უამბო, შენს არყოფნისას ვილაცები ოთახში შემომეჭრნენ, ზარდახმა გამტაცეს, მე კი თავში ჩარტყმით გამაბრუესო.

პოლიკერტი მსახურს უხმოდ უსმენდა და თან ცდილობდა გამოეცნო, ზარდახმის დაკარგვა რას მოასწავებდა. მერე ამაზისის მოკლე ბარათი მისწერა: „უბედური ვარ“.

როგორც კი მეფე ამაზისს ეს ბარათი მიუვიდა, მანაც, თავის მხრივ, გემი გაამზადებინა და მეგობრის სანახავად გაცურა, თუმცა ვეღარ მიუხსრო. ამიტომ ცხენსეთებით დაედევნა მეგობრს. სოფლებსა და ქალაქებში იკითხვიდა და თავდაც ჩრდილოეთისაკენ მიიწევდა. პოლიკერტს არცთუ დიდი ხნის წინათ გაეელო ამ ადგილებში, მაგრამ როგორღაც უჩინრად, თითქოს კვალი დაჰკარგოდა. ვილაცს მაინც ენახა მოგზაური მეფე, ვითომ სარდეს მხარეს რომ აპირებდა წასვლას. ამაზისმაც სარდემდე მისდია, მაგრამ ამჯერადაც დაიგვიანა: სატრამპ ოროინტს მზაკრულად შეეპყრო იგი და ძელზეც გაესვა. დამწუხრებულმა ამაზისმა მსახურებს მისი ძვლები მოაკრეფინა, პორფირში გაახვია და თან წაიღო ეგვიპტეში, სადაც სამეფო აკლდამაში დაასვენა.

ამბოზენ, რომ შემდგომ პოლიკერტის მემკვიდრეებმა გამოითხოვეს მისი ნეშტი და სამოსაზე საგვარეულო სამაროვანში დაფლეს.

ამაზისი ხშირად იჯდა ხოლმე მეგობრის აკლდამასთან, განგების უცნაურობაზე დაფიქრებული, და აჰა, ერთხელაც აღმართზე ამომავალი ღვთის მსახური დაინახა. ეცნო ეს ქურუმი — აკი თავად წარგზავნა იგი ოდესღაც სამოსაზე პოლიკერტთან შიკრიკად. ჯიქის ტყავით მოსილ, ფეხშიშველ ქურუმს ამაზისმა ხელთ მომცრო ზარდახმა დაუნახა.

— ვიცი, მეგობარს გლოვობ, — უთხრა ქურუმმა მეფეს, — და მისი უდროოდ დალუპვის მიზეზიც გსურს გაიგო.

— ჰო, — მიუფო ამაზისმა, — მაგრამ ეგ რა არის?

— შენის ნებართვით, მეფეო, ეს ზარდახმა პოლიკერტს ნავულე საჩუქრად, როცა მასთან შიკრიკად გამგზავნე. გახსოვს, გინდოდა, ის ცოტათი მაინც უბედური ყოფილიყო, რათა მემურნე ღმერთებს უფრო სასტიკად არ დაესაჯათ.

— მაგრამ შენმა საჩუქარმა ვერ უშველა.

— პოლიკერტმა პირობა დაარღვია.

— ნუთუ საჩუქარი პირობადებულა?

— არაფერ იცის, რა არის ბრალი ან მისაგებელი, — პასუხის ნაცვლად უთხრა ქურუმმა, — არც ეგ, თუ რისთვის მოუვლენენ ხოლმე ღმერთები მოკვდავთ განსაცდელს. თუმცა უფრო ხშირად თავად ადამიანი ეძებს ხიფათს.

ამაზისმა ერთხანს სახე ხელეებით დაიფარა და დადუმდა.

— მეგობარი დავკარგე, — დაიჩივლა მერე, — მასთან რომ არ გამეგზავნე, ვინ იცის ეცოცხლა...

— ვინ იცის, მეფეო! მაგრამ შენ პირობის შეტყობა გსურდა! — ქურუმმა ზარდახმა გაუწოდა, — შეასრულე შენი მეგობრის მიერ დარღვეული პირობა და მიხვდები, რა დაემართა მას...

აპოკრიფი აღარ გვატყობინებს, რა მოხდა შემდგომ, რადგან ის პოლიკერტის ამბავს მოგვითხრობს და არა ამაზისისას, ამიტომაც როდი ვიცი, დასთანხმდა თუ არა ის პირობას, ზარდახმა მუდამ ერთი მიმართულებით შეენახა? შესაძლოა, ეს სხვა ზარდახმა იყო და პირობაც — სხვა? ეგეც საფიქრელია, რომ ამაზისმა პირობა კი აასრულა, თუმცა საბოლოოდ მაინც ვერაფერს მიხვდა ან მიხვდა და ეს არავისთვის გაუმხელია, რადი ცნობილი უამთააღმწერლისა არ იყოს, ყველაფერი ჰაერში უნდა ეკიდოს...



ხსნის ამ ქრონიკებს ამბავი ქვევრზე, რომელიც რამდენადაც კახურია, ზოგადქართული იმდენად და ძალიან ბევრ მეტაფორას გულისხმობს, ამ წიგნის გასაღებთა ასხმად რომ გამოდგება.

ეს წიგნი დაგვიანების შიშისაცაა და ეს შიშიც ალბათ ზოგადქართულია. შემდეგებით, სიზარმაცე და დაგვიანების სიყვარული უფროა, მაგრამ ეგ კონტექსტურია და ვერ დაგეთანხმებით — ეს შიში იზოლაციიდან გამოღწეული ადამიანისაა, სამყაროსთან კონტაქტზე ახალგაუსული, საბჭოთა რკინის კედელს დაჩეული ადამიანის — რომ იქ, თავისუფალ სამყაროსთან მისვლას ვერ შეძლებს, თუნდაც ამ უცნაური და შეიძლება ლიმილისმოგვრელი მიზეზით — დააგვიანდება. ამიტომაც წერს ავტორი: „აეროპორტში ყოველთვის სამი საათით ადრე მივდივარ, დაგვიანების მეშინია“ ამას კი ძველი ჩვევითაც ხსნის, მაგრამ ის ძველი ჩვევაც კამერული ყოფით აღსავსე რეჟიმის ამბავი მგონია. სიახლესთან შეხედვის შიში. ისეთი ადამიანისგანაც

გიორგი კეკელიძე

მოზაიკური ქრონიკების სევდა და სიხარული

ილია ჭავჭავაძე „აჩრდილზე“ მოზაიკისას დანაწევრებულ წერდა, ჩვენი ისტორია დიდწილად ამბებია მეფეებზე და ომებზე — ხალხი არსად ჩანსო. ჩვეულებრივი ხალხი, ყოფა, კონტექსტები, დეტალები. მოგვიანებით გალაკტიონ ტაბიძე იტყვის — „დრო, დრო აღნიშნე!“

ინგა ჩახვაშვილი დროს და ადამიანებს აღნიშნავს სწორედ საკუთარ წიგნში — „მოუყოლელი ამბები“ და ეს სათაური არის კიდევ ერთგვარი პასუხი განზრახულობაზე — მოუყოლელი, სხვათა ყურისთვის და შესაბამისად — მეხსიერებისთვის გაუმხელელი მოვლენები გაგვანდოს. გაგვანდოს ერთ შეხედვით ჩვეულებრივი, თითქოს პროზაულად ყოფილი, მაგრამ ამავდროულად პოეტურად მგრძობიარე ამბები ადამიანზე, რომელიც საკუთარ თავზე, როგორც წინაპრების ერთგვარ ჯამზე, ისე გვიყვება — ნამემკვიდრეები თუ შექმნილი ტრავმებით, სირთულეებით და ამავდროულად სიცოცხლის დიდი ყინით.

ეს არის ერთგვარი დღიური ან გნებავთ — ქრონიკა და თან არც არის. ძნელად მიხვდები, სად სრულდება ნამდვილი ამბავი და სად იწყება გამონაგონი — ერთგვარი მეტაბატექსტი, დოკუმენტური პროზის სახელს რომ ართმევს ამ ნაწარმოებს და სხვა ჟანრში გადაჰყავს. ერთგვარი პოსტმოდერნული თამაშია და ბენვის ხიდი, რომელზეც ავტორი უშიშრად და წარმატებით გადის.

მიტოვებული სახლის დარდი, მეთევზეების პორტრეტი, სოფელში სერიალის ცქერის სცენა, აეროპორტი — ფუტურის სკა, ნელი ძალო, მადამ პულგა, გოგის ჩამოსვენება, ბაბო, პაპა — მოკლედ დიდი და მიმზიდველი მოზაიკა. მოზაიკა, რომელიც ლამაზია, ანათებს და თან თვალს არ გჭრის.

წიგნის დასაწყისი ისეთია, ადამიანის ცხოვრების დასასრული რომ შეიძლება, ყოფილიყო — „თიხა ვარ და თიხათ ვიქვც, თიხათ დავრჩი სამარადჟამოთ, ხელით გამოყვანილი, ცეცხლით გამომწვარი, მზით და ქართი გამომშრალი დიდი ქურჭელი“... ქვევრია ეს ქურჭელი და წიგნის პირველი თავიც ქვევრია — როგორც საგან-ნივთთაგან ერთი უმთავრესი ნაწილი ამ ქვეყნის ისტორიის, ამ ქვეყანაში მცხოვრების ისტორიის — გაძლების, გადარჩენის, სევდის და მხიარულების. ამიტომაც

კი, როგორც ავტორია — ლალი და თავისუფლებისმოყვარე. მეორე მხრივ — ეს შიში უსურვილობას არ ნიშნავს. სრულიად პირიქით. ბავშვობის სიზმრებიდან აკვიატებული პარიზის ნახვის სურვილი იმხელაა, რომ ასჯერ მეტ შიშს გადაგალახვინებს. ეს წიგნი შიშების გადალახვის და სურვილების ასრულებისაცაა.

საშას სიკვდილის სცენა დიდი ლიტერატურაა. აქ ისევე კახეთი შემოდის — პირდაპირობით და კონტრასტულით. ერთი მხრივ არის კაცი, რომლის ლექსიკონი ნაკლებად ეთიკური და უხამსია, იმდენად რომ ბავშვს ტრავმადაც ექცევა და მეორე მხრივ, ეს კაცი კვდება. კვდება სწორედ ბავშვის (ავტორის) წინ — უცნაური სცენაა, თითქოს ამბივალენტური. გარდაცვალების სცენა მძაფრია, მაგრამ ტრავმა იმდენად დიდი, რომ შეცოდების სურვილსაც აუქმებს. ეს მონაკვეთი ბევრისთვის სახელმძღვანელოდაც შეიძლება იქცეს. ეს არის დიდაქტიკა, რომელიც ყველაზე ზუსტად და სწორად სწორედ ლიტერატურას შეუძლია, იმაზე გაცოდებით უკეთ, ვიდრე მშრალ და გრძობაგაცილ კონვენციებს.

ცალკე სათქმელია ენობრივი პლასტიკა და თხრობის პოეტური სტილი. ავტორი, ერთ მაგალითს მოვიხმობ, დანარჩენი თქვენც იოლად შეგიძლიათ დაძებნოთ: „სასვე მთვარე ზედ ვინრო ფანჯრის რაფაზე დასჯდომოდა, სახეში ანათებდა, თებროს ყაისნალით ნაქსოვ ბაბბის ძაფის ფარდებიდან, მარყუჟებსა და გამოსტეველულ თვლებს შორის დატეხილად, დაბზარულად, როგორც მისი გული იყო ახლა გაბზარულიცა და გატეხილიც“.

და კიდევ, რამდენადაც თავდაჯერებულის ავტორი საკუთარი ცხოვრების თხრობისას, იმდენად არ ტოვებს თვითორიონის განცდაც. აქაც კახეთია წრფელი და შემფხვიზლებელი: „ეჭუჭუჭი, რომანოზიანთ გოგო, სადა ბანაობ?“

კი, ყველგან კახეთია. მსოფლიოს ყველაზე შორ კუთხეშიც კი. რადგან ინგა ჩახვაშვილისთვის ეგ ის მხარეა, სადაც პირველად შეხვდა საკუთარ თავს, როგორც ადამიანს — იქ ისწავლა რა არის სიკეთე და რა არის ბოროტება, რა არის ტკივილი და დამება რა არის. და კიდევ ბევრი რამ, რასაც ამ ქრონიკის ფურცლებზე შეხვდებით — რასაც მე დაბეჯითებით და თამაზად გირჩევთ.



თამარ ბარბაქაძე

დიდოსტატობა და გულწრფელი სიყვარული

როსტომ ჩხეიძის ახალი წიგნი „დუენდე“ ვახუშტი კოტეტიშვილის ბიოგრაფიას ბარელიეფად ჩაეშენება, ხოლო ქართული კულტურის, სიტყვიერი ხელოვნების მრავალსაუკუნოვან ტაძარს კიდევ უფრო დაამყენებს. ალბათ, შეუძლებელი იქნება, ასე მალე ძეგლად იქცეს კაცი, რომლის ხმა და მოძრაობა, ფიზიკური არსებობა ორი ათეული წლის წინანდელი, ჯერ კიდევ ფერმუცვლელად გვახსოვს. თანაც, ყოველი მხრიდან ამ ძვირფასი ადამიანის დანახვა და შეფასება არც გვინდა და არც შეგვიძლია: სუბიექტური თუ ობიექტური თვალსაზრისი ვახუშტი კოტეტიშვილის ცხოვრებისა და შემოქმედების თაობაზე არც ავტორისათვის იქნებოდა საინტერესო და ვერც მკითხველს აიყოლიებდა ამ გზაზე სასიარულოდ. „ბიოგრაფიული ნატეხების“ დიდოსტატს, როსტომ ჩხეიძეს არ გასჭირვებოდა, ერთადერთი, შეუმცდარი სიტყვა-გზამკვლევი ეპოვა ვახუშტი კოტეტიშვილის სულიერი თავგადასავლის მისაგნებად.


როსტომ ჩხეიძემ თვით ვახუშტი კოტეტიშვილისა და ლია ლორიას მიერ თარგმნილი ფედერიკო გარსია ლორკას ესე „დუენდეს თეორია და თამაში“ გაიხსენა და ნახევარი საუკუნის წინანდელი პუბლიკაცია გააცოცხლა „ლექსად ქცეული კაცთან“ ერთად.

ვახუშტი კოტეტიშვილის ექვსი ბიოგრაფიული ნატეხი ანუ ჩვენ თვალწინ როსტომ ჩხეიძემ ულამაზეს სასახლედ. სიტყვა „დუენდე“ ექვსი ბგერისაგან არის აშენებული: ორი საწყისი თანხმოვანი და ხმოვანი, ოთხბგერიანი, ერთნაირხმოვანი სარტყელში იქცევა ორ თანხმოვანს („ნდ“) და სამმარცვლიან დაქტლს (დუ-ენ-დე), ქართული მეტყველებისათვის ყველაზე გავრცელებულ, ზომიერ სიტყვად აყალიბებს.

„დუენდეს“ ხმოვნებისა და თანხმოვნების მსგავსად, ექვსი ბიოგრაფიული ნატეხი, ვახუშტი კოტეტიშვილის ცხოვრების პროზასა და პოეზიას მიესადაგა, თუმცა სწორედ „დუენდეს“ თეორიისა და თამაშის გამო ისე შენივთებულად, გადაჯაჭვულად წარმოგვიდგინა ავტორმა, რომ თვითონ იქცა ნამდვილ დუენდედ ეს მომცრო ფორმატის, 234-გვერდიანი წიგნი: არა ძეგლად, ან ქანდაკებად, არამედ ცოცხალ კაცად, თვითონ ვახუშტი კოტეტიშვილად, როგორც გიორგი ლობჯანიძეც, რედაქტორი, აღნიშნავს ამ წიგნის წინასიტყვაობაში.

ჩემი აზრით, როგორც დასაწყისში აღვნიშნე, უფრო ბარელიეფი შეეფერება ვახუშტი კოტეტიშვილის მეტაფორად: იგი ტაძრის საყრდენი ქვაც არის და სამკაულიც, ვაზის ლერწებივითა და ვარდულებივით, ჩუქურთმებშიც არის მოქცეული, ჯვრებშიც, ხვეულებშიც, ყველგან დაგყვება და გეხმარება, რომ ერთფეროვნებას არ მიეჩიო, განსხვავებული ექებო მსგავსში.

ვახუშტი კოტეტიშვილის ცხოვრება და მოღვაწეობა ბარელიეფს შევადარე და ვიგულისხმე, რომ ეს დიდი კაცი, ერთდროულად, საყრდენიც იყო და ჩუქურთმაც: სხვა ადამიანებსაც ეხმარებოდა, ექომაგებოდა, სიცოცხლის წყურვილსა და ხალხის მატებად, თვითონ კი მთელ საქართველოს ამშვენებდა, გამორჩეულ ელფერს სძენდა. ვარაუდობ ამ სიტყვებს და ელა გოჩიაშვილის, თანამედროვე საქართველოს ერთი გამორჩეული პოეტის, სახელი და ლექსები მეხმარება ამ აზრის ჩამოყალიბებაში. ელას ლექსები შიშით გაცნობიერებული სამყაროს აღქმა, ლექსად სათქმელი „სიკვდილი — სიცოცხლის თამაშობანი“ („ამბავი ფრჩხილებსა“) და ელას ცნობილი ლექსიდან ტაყები: „სულყველას უნდა იყოს ჩუქურთმა და არავის სურს იყოს კედელი“ — მიცოცხლებს ვახუშტი კოტეტიშვილთან, მზეოსთან სტუმრობის რამდენიმე უბედნიერეს საღამოს, ელა გოჩიაშვილთან ერთად. ვახუშტის ძალიან მოსწონდა ელას ლექსები, მზეო კი სადისერტაციო ნაშრომზე მუშაობდა იმ დროს და ექვთიმე თაყაიშვილის სახელობის კულტურის სახელმწიფო უნივერსიტეტიდან ვიცნობდით ერთ-



მანეთს. მერე ერთად სატელევიზიო გადაცემაშიც ჩაგვწერეს ელას ლექსებზე სასაუბროდ: ვახუშტი კოტეტიშვილი, გიორგი ლობჯანიძე და მე.

ვახუშტი კოტეტიშვილის „ხმა ყელში გაჩხერილი“, ლექსად ამაღლებული, პირველად ომარ ხაიამის „რობაიბით“ შეიყვარა საქართველომ, როსტომ ჩხეიძის „დუენდეც“, მკითხველისადმი მისი მიმართვის შემდეგ, ამ თავით იწყება. პირველივე პოეტური თარგმან-შედეგით, რომლის საუკეთესო შემფასებლის, დავით კობიძის, სიტყვებით დაგვიდასტურებს ავტორი: ეს თარგმანები მწვერვალს წარმოადგენსო. ჩვენი მხრივ, აუცილებლად უნდა აღვნიშნოთ, რომ რობაის პოპულარიზაციაში თანამედროვე ქართულ ორიგინალურ თუ თარგმნილ პოეზიაში ლომის წილი სწორედ ვახუშტი კოტეტიშვილს ეკუთვნის. რობაის მიმართ ლექსის წყმმარები მცნობის განსაკუთრებული სიყვარულის დასტურია არა მარტო მის მიერ თარგმნილი ომარ ხაიამის რობაიები, არამედ საკუთარი, პოეტ ვახუშტი კოტეტიშვილის, ერთადერთი რობაი:

ვარდი, ბულბული თუ არ უმღერის,
ვარდი არ არი,
უსიყვარულოდ გული
გულის ვარდი არ არი,
ლექსებში დარდებს ამოთქვამენ,
მაგრამ, ვაი, რომ
დარდი, რომელიც ამოითქმის,
დარდი არ არი.

ვახუშტი კოტეტიშვილი გულწრფელად აღიარებდა: „პოეზია ჩემთვის ყოველთვის იყო, არის და იქნება არა სიტყვიერი ხელოვნების ერთ-ერთი დარგი, თუნდაც უმთავრესი და განსაკუთრებით გამორჩეული, არამედ თვით ჩემი არსებობის ლამის ერთადერთი ფორმა, უფრო ზუსტად — არსი ჩემი არსობისა, პოეზია არა მხოლოდ შემოქმედებითი ნიჭია, არამედ თვით სიცოცხლის ნიჭიც“, — წერდა ვახუშტი კოტეტიშვილი 2005 წელს, თავისი ლექსების წიგნის „ქვიშის საათის“ წინათქმამში.

როსტომ ჩხეიძემ „დუენდეში“ ვახუშტი კოტეტიშვილის „სიცოცხლის ნიჭით“ აღგვაფრთოვანა: წიგნის ბოლოს ზუსტი შესატყვისი „აბელური სულის კაცი“ უწოდა ლეგენდად ქცეულ ჩვენს თანამედროვეს. სილაღესა და ქროლას მინდობილი, თავისუფალი ყოფილობის ტვირთისაგან, სიცოცხლის მინწურულს „შემოზღუდულ-შემოფარგულ სივრცეზე და მის შესაბამის ცხოვრების ნესზე“ წუხდაო, — წერს როსტომი „დუენდეს“ ეპილოგში, რომელსაც ერთვის „მზეოს ბარათები ამერიკიდან“.



ენდრე ადი

უკანასკნელი ღიმილი

ო, რა ძალიან ცუდად ვიციხვრე,
ო, რა ძალიან ცუდად ვიციხვრე.
ვიქნები ალბათ ლამაზი მკვდარი,
ვიქნები ალბათ ლამაზი მკვდარი.

ეს ჩემი სახე — სატირის სახე,
ეს ჩემი სახე — სატირის სახე.
გალამაზდება ბაგეზე ღიმილი,
გალამაზდება ბაგეზე ღიმილი.

ჩემს დიდ თვალეებში, შუშის თვალეებში,
ჩემს დიდ თვალეებში, შუშის თვალეებში.
ვილაცა ელავს, ვილაცა ბრწყინავს,
ვილაცა ელავს, ვილაცა ბრწყინავს.

გალიმებული ეს ცივი ბაგე,
გალიმებული ეს ცივი ბაგე.
მადლობას გიხდის მაგ კოცნისათვის,
მადლობას გიხდის მაგ კოცნისათვის.

ქორის ქორნილი ხეალ ფოთლაგა

შემოდგომისკენ გზა გველის შორი,
ჟღერტულ-ტირითი ერთურთს ვდევთ ორი —
დაღლილფრთიანი ფრინველი — ქორი.

ქორი ზაფხულის მტაცებელია
და მოფართუწუნე მისი ფრთები,
კოცნის ტრფიალს რომ ესწრაფებთან.

ჩვენ ზაფხულიდან რომ ავფრინდებით,
შემოდგომისას თუ გავჩერდებით,
ბუმბულაბურძგვნივთ გავირინდებით.

უკანასკნელი არის ეს ქორი,
ერთმანეთის ხორცს ვინკნით ჩვენ ორი,
ვეცემით გამხმარ ფოთოლთა შორის.

პორთობაჰელი პოეტი

კუმანის ჯიშის დიდთვალა ჭაბუკს
ტანჯავდა ბევრი დარდი — სურვილი.
ნახირს უვლიდა და მიდიოდა
პორთობაჰისკენ მღერის წყურვილით.

სალამოს ბინდი და მირაჟები
იპყრობდნენ მის სულს ათასჯერ, ასჯერ.
მის სულში გაიზარდა ყვავილი
და ის მწყემსავდა ხალხს — ნახირს მარჯვე.

მუდამ ფიქრობდა სილამაზეზე,
სიკვდილზე, ღვინის გემოზე, ქალზე
და ქვეყნის ყველა მხარე იმისგან
წმინდა სიმღერებს ისმენდა ასე.

მაგრამ თუ ბინძურ კალსონებიან
ყვეყნ მგობართ ნახირს ნახავდა,
მაშინვე გულში ხალხურ სიმღერას
სტვენით, გინებით ჩაიმარხავდა.

სოფლიდან შორს

ძველი, პატარა ზარი
ღრმა სიჩუმეში რეკავს.
დაფარა ნაცრისფერი —
ეს — გაზაფხული ყვავის.

ძველია ყველაფერი,
ამქვეყნად რაც მატარებს.

ენდრე ადი (1877-1919) უნგრული პოეზიის ერთ-ერთი მნიშვნელოვანი წარმომადგენელია. დაიბადა გალატაკებულ ოჯახში, უნგრეთის და ტრანსილვანიის საზღვარზე მთიან მხარე პარციუმში. გიმნაზიის დამთავრების შემდეგ მუშაობდა იურისტად და ჟურნალისტად უნგრულ ქალაქ დებრეცენში, საიდანაც დაიწყო მისი შემოქმედებითი გზა. 1901 წელს გადავიდა ქალაქ ნადვაროდში და ჟურნალისტურ საქმიანობას მიჰყო ხელი. ამ წლიდან მთელ უნგრეთში გაითქვა სახელი თავისი სტატიებით, რომლითაც ებრძოდა შოვინიზმს, კლერიკალიზმს, ანტისემიტურ ფართო მასებში დამკვიდრებულ სიბნელესა და უმეცრებას. ნადვაროდში შედგა მისი პოეტური დებიუტი და იქვე გამოსცა ლექსების ორი წარმატებული კრებული.

1903 წლის ზაფხულში პოეტმა გაიცნო ლამაზი და ჭკვიანი ქალი ბურჟუაზიული ოჯახიდან, ლედა, რომელიც თავდავიწყებით შეუყვარდა და რომელსაც უამრავი შესანიშნავი ლექსი უძღვნა. ლედა გათხოვილი იყო, თუმცა ადის სიყვარულს სიყვარულითვე უპასუხა. ლედას ინიციატივითა და დახმარებით ადი პარიზში გაემგზავრა და 1906-1907 წლები საფრანგეთში გაატარა. პოეტის არაერთი ლექსი სავსეა პარიზის შთაბეჭდილებებით. ადი, ლექსებს გარდა, წერდა ნოველებსა და სტატიებს. ხანგრძლივი მტანჯველი სიყვარული 1912 წელს დასრულდა — ადი და ლედა ერთმანეთს დაშორდნენ. ადი დაქორწინდა, თუმცა ლედა სამუდამოდ დარჩა მის მუზად.

ადის პოეტური სამყარო და პოეტური ენა განსაკუთრებულია. მას ახასიათებს თემატური სიმდიდრე, ნეოლოგიზმები, სიტყვათქმნადობა, ფილოსოფიური სიღრმე (ნიცშეანიზმი), მეტაფორულობა. მართალია, იგრძნობა ბოდლერის, ვერლენის, ფრანგი სიმბოლისტების გავლენა, თუმცა არ ქცეულა მათ ბრმა მიმბაძველად, მისი ლექსები უაღრესად თვითმყოფადი და ახალია.

ხანგრძლივი და მძიმე ავადმყოფობის შედეგად ენდრე ადი 1919 წლის იანვარში გარდაიცვალა, რასაც საყოველთაო გლოვად მოჰყვა უნგრეთში. დაკრძალულია ბუდაპეშტში.

მთარგმნელი

ასე შორს არასოდეს,
არასდროს არ ვყოფილვარ.

მოვეკვდები, თუ იტყვიან,
რომ გზას გავუდექე ფრენით,
უარგყოფ ისეთ კოცნას,
მე რომ გზას გამიყენებს.

ამ სულელური შფოთის,
ამ ჭრელი ქალაქისა
ვარ ხეტილა სული,
სოფელო, ნუ დამძრახავ!

მაშ, ამიყვანე ზევით,
ქალაქო, გამიტაცე:
ისინი, ვინც გაფრინდნენ,
შინ აღარასდროს მოვლენ.

სიმღერა მტვარში

მოხრილ ფეხებით, ჩავარდნილ მკერდით
ვეცემი, მაგრამ მახსოვს, რომ ვმღერდი.
მაინც ყოჩაღად მიჭირავს თავი,
ლალა, ლალა,
ამ დიდ ღამეში თუმც ველარ ვყვავი.

ვის აღარ სტკივა ჩემი ცვლილება,
ფოთოლი ფოთოლს გზას ეცილება,
უნგრულ მხარეში სურს, ბედი სცადოს,
ლალა, ლალა,
ღამემდე აღწევს შეცვლილი ამ დროს.

ჭაობთა მხედველს მენატრებოდა
მთები, ბორცვამდე ვიარებოდი,
ალბათ იწვიან ჩვენი სულები,
ლალა, ლალა,
ო, ზარბატუსტრა, მოხველ უვნებლივ.

დე, ზოგჯერ ისევ იჟღეროს ჰანგმა
წყულ მუსიკის ამ ცის გადაღმა,
ჯადო მოჰფინოს და სხვა კი უფრო,
ლალა, ლალა,
სხვაც დამახინჯდეს და დაილუპოს!

ტისას ნაპირზე

მოვედი განგის სანაპიროდან,
სადაც ოცნებით გული ყვიროდა,
ეს გული არის ყვავილი დიდი,
ირწევა ძლიერ, არ არის ფლიდი.

ჭა ონინარით, ნისქვილი, ცული,
უდაბნო, ხეშემ ხელებზე სუნი,
ველური კოცნა, სიზმარ-ცხადს ვხედავ —
ტისას ნაპირზე რას ვეძებ ნეტავ?

გადაფრენა წყევლაქალაქიდან

და ნეკროპოლში აუღერდა ჰანგი
შემოდგომის ყრუ, ნალვლიან დღეში.
დიდი ხნის მკვდარი ვიყავი მაშინ,
ნითელ კატაფალკს ვანექი ლეში.

ტიროდა ჩემი კარი და ჩუმად
შემოდოდა სიცილით მღვრიე
ვილაც, ვისაც კი მე დავტიროდი
და ვინც მკვდარსაც კი მიყვარდა ძლიერ.

ეფერებოდა ჩემს ყვითელ სახეს
და ხარხარებდა: „თვალის სინათლევე,
შენ — ჩემო კაცო, მახინჯ ბუდაპეშტს
სიკვდილის შემდეგ რატომ მიმართე?“

„მაშ, აღარ გახსოვს შუქი, რომელიც
სამხრეთ საფლავის ძეგლზე იცინის?
აქ, ბუდაპეშტში, გონჯია ყოფა
და ასჯერ უფრო გონჯი — სიკვდილი.“

„ნამო მაგ წყევლაქალაქიდან და
შენ, ჩემო მკვდარო, ნამოდი ჩემთან!
აქ არცრა კარგი დაგესიზმრება,
არც სიყვარული — რომ დაგაფეთა.“

და მომიჭირა ხელზე ხელი და
თან ხარხარებდა, როგორც რომ ქარი
და ამის შემდეგ სამხრეთ საფლავში
ჩავიდა ერთი საწყალი მკვდარი.



მე აქ აღრა მოვდი

გვიან მოვიდა ჩემთან ის ქალი, რომელიც მიმზერს, რომელსაც ვლოცავ. სიტყვიერე მკლავს და მანამებს, ამაოდ ვყვირი სადაც და როცა.

ო, ეს უდაბნო უზარმაზარი, ო, ეს უნგრული სიტყვიერე... ჩემს ფრთებს რომ ურტყამს ის მერამდენედ, ტალახში სვრის და უდარიელებს.

მივყილოვ და ველარაფერი ცრემლებს მე ველარ გადმომადინებს: ადრე მოვდი მე და ის ქალი მოვიდა გვიან — ეს მინადირებს.

სულელის სასაფლაო

ეს მინა სულთა სასაფლაოა, სასაფლაოა მინა ობოლი. ოდესღაც სისხლი აქ დაიღვარა ბევრი და თესლად იქცა ბობოლის.

აქ ის ცხოვრობდა, ვინც არ ცხოვრობდა, რჩეულთაგანი არვინ ცხოვრობდა. აქ უნაყოფო აფეთქებები ბედნიერებთან თანასწორობდა.

ეს მონყენილი უნგრული ველი, სიკვდილის სუნით მწუხარე ველი, ბევრი მოკლული სული ყვიროდა ნალვლიან წყევლას აქ ცამდე — ძველი.

ბედნიერია, ვინც არ ცხოვრობდა, რჩეულთაგანი არვინ ცხოვრობდა, აქ უნაყოფო აფეთქებები ბედნიერებთან თანასწორობდა.

ტბა მოცინარა

გადავფურინეთ ერთად ბინდბუნდში, უცნობს, საშინელს და მოქანავეს ტბას დამახრჩობელს, თანაც ღრმანყლიანს. ძველი დარდების, მწუხრის კუნტუში¹ გავცურეთ ტბა და ღამეს ველოდით.

ჩვენი ბებერი ხომალდის კიჩო მორყეულია, თოვლიან მთიდან ზუზუნებს ქარი. ტბა გუგუნებდა, იძახდა, ხმოვდა, ყვიროდა მოთქმით. ო, ტბა მცინარე. ვქროდით ხომალდით.

(და ვჩურჩულებდი წყნარად — ჩვენს დარდებს ბოლოს გავაქრობთ. ტირის წმინდა ტბა, შეყვარებულის მკლავებიანი და იდუმალი. იგი ჩაგვიხვევს, კურთხევას მოგვცემს და ეს ჩვენს გარდა არავინ იცის. იგი ჩაგვიხვევს, ქვემოთ ჩაგვითრევს). იგი მიყურებს და ნალვლიანი სურვილით მიმზერს ნაპირის მხრიდან.

მივფრინავთ, მივქრით: ოჰ, ეს სვლა, წინსვლა, ცხოვრება შემდგომ მძიმე დარდებით, სვლა და კვლავ ტანჯვა — ეს არის ყოფნა. ტბა მოცინარე მძინვარებს ჩვენს წინ, ტბა ღრმა წყლიანი დამახრჩობელი და თან უცნობი, შეყვარებული დამახრჩობელი, მკლავდალოცვილი ტბა მოცინარე.

საითაც გინდა, ნავიდეთ ახლა. მაინც ჩაგვესმის ყველა ბინდბუნდში მისი სიცილი.

¹კუნტუში — უნგრული ეროვნული ტანსაცმელი-მოსაცმელი.

ლოცვა ღმერთ ბაალისადმი

ო, ბაალ, დიდო ბატონო, მოწყალე, არ მიმატოვო! ჩვენ გალერაზე წარვსდევით წინაშე შენსა, ფანტომო. შეგვხედე ჩვენ, ორ განწირულს,

აქ მარტო მე კი არა ვარ, მე ხომ მატლი ვარ, მღილი ვარ, ჩამორჩენილი ქარავანს. აჯანყებულ უფალო, სულნო, მავალნო ქაქანით, ო, დაცემული ტიტანო, ჩემი მენყვილეც აქ არის. ო, უღმობელო და დიდო ბაალ, შენს სიკეთეს ველი, დედაკაცია მწუხარე, მისი სული კი — მზეგრძელი, ნალვლიანთვალეზიანი და მრავალწყურვილიანი, ამაყო ჩემო ქალღმერთო, ბრალმდები და კოცინიანი; მკერდგაშლილო და კოცინიავ,

მე შენგან ველი ყველაფერს, შენ, მენამულად შექმნილო და დედაკაცო, მზეს გვაფენ, ო, ბაალ, ამ ჩვენს მკერდებში ჩაგვიდგი სული მოწყალე, ყველანაირი ფულისთვის ტახტზე მჯდომარემ,

ო, მწარედ იბრუნე პირი მბრწყინავი ჩვენკენ, ხარ რა უღმობელი! მე ვიბრძობდები და ბრძოლის მუდამ მოგებას მოველი. სულელების ფასად მე შევძლებ შენი მორჩილი ცხოვრებას, უყურე მას, დედოფალო, ჩემო მენყვილეც, ქონებავ! აბრეშუმისა ბალმია იყოს ცრემლების არენა, აბრეშუმისა დროშა კი აღმართოს ჩვენმა გალერამ. გადმოგვალვარე ჩვენ შენი ოქროს ცრემლები

ღვარღვართ, გადმოგვალვარე, სისხლიან ოქროს მოველით ხარხარით, ოჰ, გადმოგვხედე —

აქ ვდგავართ ჩვენ, ორი უმათხოვრესი, თუ გადმოგვხედე, ეგ გული ოქროსი შენი ველური შეგვეკუმშება, ცრემლები დაგვივია ალბათ შენ ურვით. და ჩვენი ბნელი გალერის ხალიჩას დააცვივდება ოქროს ნაკადი უწყვეტლივ და მუდამ შეუძცივრებლად.

ლედა გეგზა

ვაშა, მოდის სიხარულის გემი და თან მოყავს ჩემკენ ლედა ჩემი. უკვე გხედავ ლამაზ ხალიჩაზე, გხედავ, გხედავ, ჩემო ქალბატონო: სისხლისფერი ვარდი ელავს თმაში. გსურვარ ჩემო? ო, მეც ძლიერ მსურხარ. რა ხანია, ჩვენ ვერ შევხვდით ერთურთს.

ვაი ჩემდა, აქ მეხვევა თავბრუ, ვაი ჩემდა, აქ იქნები მალე, ამ ნაპირზე ჩვენ ვკითხულობთ ერთურთს, ორ მწყურვალ სულს დრო ერთმანეთს ახლის, მალე დავხრი თავს მე მაგ შენს მკერდზე. ვაჰ, თუ მოხვალ! ვკრთი და მეშინია. რა ხანია, ჩვენ ვერ შევხვდით ერთურთს.

ქველ ეტლი

ჩემო დედოფალო, იფეთქა ალებმა, ოქროს ეკიპაჟი მიფრინავს ჩვენი. ხალხში გავერიეთ დღეს რალაცნაირად, შენ ხარ დედოფალი, მე — მეფედ ვშვენი.

ხედავ ამ ბრჭყვილა ზღვას კარეტებისა ელვით განათებულ ხეების ქვემოთ, ჩვენ გვეგებება და ზვირთებსაც აგორებს, რომ ამ ჩვენს ქროლვას გავუგოთ გემო.


ჩემო დედოფალო, დაუშვი ვუალი, კეთილგანწყობილი ვიქნებით ამლამ. (ირყევა, ირყევა ეს ძველი ეკიპაჟი, ვცახცახებთ, სიფითრე გვატყვია დამლად).

ჩემო დედოფალო, დარდი კლავს არსებას, არასდროს უდარდიათ, როგორც მე და შენ. ცხოვრების მწვერვალი მინას უწყვილდება, ჯერ ასეთ სისანყლეს რა ძალა შეგვარჩენს.

დარდი, ცხოვრება და სხივი სულეებისა და ჩვენი გზები — ეს გზა მათხოვრის. და ჩვენც გვაქვს უფლება ნათელს მიველტვოდეთ, ცხოვრება თუ გვახსოვს, იმასაც ვახსოვდით.

ო, მე ვარ ხელმწიფე და შენ — დედოფალი, მამ ტახტი არასდროს აღარ გვეღირსება? (ირყევა, ირყევა ეს ძველი ეკიპაჟი და გაფითრებულნი ვცახცახებთ ნისლებად).

თარგმნა დალილა ბაქინიანიძე



თამარ ბარბაქაძე

დიდოსტატობა და გულწრფელი სიყვარული

დასასრული

როსტომ ჩხეიძის „დუნდემ“ გამორჩეული სიხარული გვაჩუქა ვახუშტი კოტეტიშვილის თაყვანისმცემლებს: უკვე თქმულებებსა და ტკბილ მოგონებებში გადასულ ხსოვნასთან — ჩვენი დაბრუნებით: ერთმანეთს მიდევნებულები, საუკეთესო „ნატყებებით“: რობაიებითა და კოტეტიშვილთა წარსულის გახსენებით, ლორკას დუნდესა და რილკეს სინაზეს მოჰყვება „მთარგმნელობა: მრავალსახოვნება მსახიობისა“, მგონი, ყველაზე ვრცელი თავი, შემდეგ „შაირების ბარონი“ და კვლავ ყოფა, სილუეტები.

ჩემთვის ეს წიგნი კიდევ იმიტომ აღმოჩნდა ძვირფასი, რომ ვახუშტი კოტეტიშვილთან ერთად, 70-იანი წლების მინურულის თბილისი, 1987 წლის 13 მარტი, ჩემი საკანდიდატო დისერტაციის დაცვის დღე თსუ 93-ე აუდიტორიაში, ვახუშტი კოტეტიშვილის, ოფიციალური ოპონენტისა და მერე შინ, ჩემთან მისი სტუმრობის, მოლხენის დღე გამიცოცხლა.

ვახუშტი კოტეტიშვილის „ხმა ყელში გაჩხერილი“, როგორც თვითონ უწოდებს, პირველად 1980 წელს დავიმახსოვრე და შევიყვარე, როდესაც როსტომ ჩხეიძის მიერ გამართულ პავლე ინგოროყვას საღამოზე სიტყვის წარმოთქმა ამ ხალხური შედეგით დაიწყო:

ჩამოსხდებიან ყორნები, არ გაირევენ ძერასა, კაცი ვერსაით ნაუვა თავის ბედსა და წერასა.

ჩანს, ძალიან უყვარდა ამ სიტყვებით თავის გამხნეება: როსტომ ჩხეიძე „დუნდეს“ 164-ე გვერდზე პოეზიის საღამოს იხსენებს, ვახუშტი კოტეტიშვილის მღელვარებას და უამრავი ხალხის პირისპირ შეყრის წინა წუთებში ამ ლექსის ტაეპებს წარმოათქმევინებს ვახუშტის. როსტომ ჩხეიძეს, მგონი, 20-ზე მეტი ბიოგრაფიული რომანი აქვს დაწერილი; ყველაზე მეტად ერთ-ერთი პირველი „ბედი პავლე ინგოროყვასი“ მიყვარს. „დუნდემში“ კვლავ ბედისწერის, სიკვდილ-სიცოცხლის თამაშის, აქტიური მოთამაშის, მთავარი გმირის სულს გვაყვარებს ხელახლა ავტორი.


ვახუშტი კოტეტიშვილისა და ლია ლორიას მიერ ესპანურიდან ქართულში შემოტანილი და დამკვიდრებული სიტყვა „დუნდემ“ ხელახლა ააღორძინა და ახალ-ახალი მნიშვნელობებით, სინონიმებით დაუახლოვა, შეათვისებინა XXI საუკუნის ქართველ მკითხველს როსტომმა: თვალწინ წარმოგვიდგა ვახუშტი კოტეტიშვილი — „სული მინისა“, ადამიანი-არტისტი, სრულყოფილებისკენ მიმავალი, ყოველი ნაბიჯის ბრძოლის ფასად გადამდგმელი; კაცი, რომელიც, ერთდროულად, მწყალობელიც, აღმავრთოვანებელიც და მბრძანებელიც არის.

ლორკას პოეტური პროზის დუნდეს, სულის გადმოტანას ქართულად ვახუშტი კოტეტიშვილის მგზნებარება დასჭირდა, ხოლო როსტომ ჩხეიძის „დუნდეს“ დაწერას — ამ „ბიოგრაფიული ნატყებების“ ავტორის — დიდოსტატობა და გულწრფელი სიყვარული ვახუშტი კოტეტიშვილისა.



ხოსება სარიონანდია იული

სულ მარტო ამ სამყაროში.
წერილების მიღება უყვარს, მაგრამ საფოსტო ყუთის შესამოწმებლად მისულს, მუდამაჟამს ცარიელი ხედება ხოლმე.
გადაწყვიტა, საკუთარი თავისთვის მიენერა. წერილი კონვერტში მოათავსა და თავისი მისამართი ორჯერ წაანერა: ერთხელ, როგორც წერილის მიმღებმა, მეორედ კი, როგორც გამგზავნამა.
ცარიელ ქუჩებს დაუყვავა სასაფლაო და გზად ქალაქის ერთ საფოსტო ყუთში ჩააგდო კონვერტი. მას შემდეგ ორი თუ სამი დღეა, ელოდება. ყოველ დღე ამონებებს საფოსტო ყუთს. წერილი ჯერაც არ მიუღია.
ამ სამყაროში მართლაც რომ ეულად შემორჩენილა.



აქვითა და ნიჩბით მინის თხრას ოცი წელი შეაღია. მომდევნო ოცი წლის მანძილზეც გაუგონარი სიფიქსით, ოფლის ღვრით ცდილობდა, საწინააღმდეგო მიედინა, მაგრამ ამაოდ.

ნაცვლად იმისა, რომ ფარ-ხმალი დაეყარა, ორმოცის თხრას კიდევ ოცი წელი დაახარჯა და ბოლოს, როგორც იქნა, მისი წერაქვი სკივრის ბრინჯაოს ჯავშანს ნა-

ხოსება სარიონანდია (1958) თანამედროვე ბასკი მწერალია, რომლის შემოქმედებაც მრავალ პოეტურ თუ პროზაულ ნაწარმოებს აერთიანებს. 80-იანი წლების დასაწყისში სარიონანდია ბასკური სეპარატისტული დაჯგუფების — ეტას წევრი იყო. 1980 წელს ესპანურმა პოლიციამ დააკავა და 22 წელი მიუსაჯა, თუმცა 1985 წლის 7 ივლისს (წმინდა ფერმინის დღესასწაულზე) ციხიდან გაქცევა მოახერხა. წლების მანძილზე მისი საცხოვრებელი ადგილი გასაიდუმლოებული იყო. 2016 წლის ნოემბერში ცნობილი გახდა, რომ მწერალი კუბაზე ცხოვრობს და ჰავანის უნივერსიტეტში ასწავლის.

ბასკი ლიტერატურათმცოდნე მარი ხოსე ოლასირევი მართებულად შენიშნავს, რომ სარიონანდია „ლიტერატურული სამყაროს დაულაღავი მოგზაური, იდეების ოკეანით განცვიფრებული ძველთაძველი მეზღვაურია“.

„არასდროს გადამიწყვეტია, მწერალი გავმხდარიყავი, — ამბობს ხოსება სარიონანდია, — პირველ ნაბიჯებს რომ ვდგამდი, მწერლობა საშუალოდ არც შეიძლებოდა ჩათვლილიყო. სტუდენტის ვიყავი და წერა ერთ-ერთი ხელსაყრელი საშუალება გახლდათ პოლიტიკისა და კულტურის სფეროებთან საომარი განწყობილების მისატანად. დღევანდელი გადმოსახედიდან, შესაძლოა, საბრძოლო განწყობილება თავგანწირვად შეფასდეს, მეტიც, წარუმატებელ, უსუსურ მცდელობად, მაგრამ მაშინ ბედნიერად ვცხოვრობდით, როგორც შეყვარებულები, რომელთაც არაფერი ებადათ. შემდეგ ციხეში განვაგრძე წერა, პატიმრად ყოფნა ჩემს პროფესიად იქცა და ვწერდი, რომ არსებული მდგომარეობა როგორმე დამევიწყებინა. მალე თავისუფლება მოვიპოვე, თუ შეიძლება, ასე ითქვას და სხვა გზა არ მქონდა, ამჯერად გაქცევაში მყოფი დამნაშავის პროფესია მხვდა წილად. ამდენად, ჩემს ცხოვრებაში არაფერია ისე ახლოს ან მყოფთან, როგორც წერა...“

მოედო. მინიდან მოზრდილი, საუცხოო შესახედაობის, საგულდაგულოდ ჩაკეტილი სკივრი ამოათრია. ბოქლომის გატეხვა მარტივი საქმე არ აღმოჩნდა.

თუმცა, როცა სკივრი გახსნა, შიგნით მხოლოდ ფერფლი დახვდა.

ამოასუფთავა თუ არა, იქვე განუტევა სული!

რამდენადაც თავის ცხოვრებაში არას-

დროს უშოვია იმდენი ფული, რომ კუბო ან აკლდამა შეეძინა, იმ ვინრო სკივრში ჩაანვიწეს მოკრუნხული, ტერფები ლამის პირში ჰქონდა ჩაჩრილი და ისე დამარხეს. არა უშავდა, მთლად უფარვისი ოთხი ფიცარიც არ ხვდომია წილად.

და იქვე დარჩა, ყოველგვარი ქვისა თუ მანიშნებლის გარეშე, მსგავსად ყველა იმ განძისა, რომლის პოვნაც რთულია.

განძით სავსე სკივრი

მდევსაღმარაგა, ძალიან შორს ერთი მოგზაური განძს დაეძებდა. გააფთრებულმა, ოქროთი სავეს სკივრის ძიებაში, წერ-

არანჩა იტურბე (1964) თანამედროვე ბასკი ჟურნალისტი და მწერალია. მანამ, სანამ ცხოვრებაში საკუთარ თავს იპოვიდა, ერთი რამ უკვე დანამდვილებით იცოდა — წერა სურდა. მოგვიანებით რადიომ გაიტაცა. ასე გაატარა წლები რადიოგადაცემებში მრავალფეროვანი ისტორიების ზეპირ თხრობაში. ერთხელაც, ჩანერისას, მეგობარმა გამოცდილად ჰკითხა: „აბა, რაიმეს დაწერაზე რას იტყობ?“ რეალურად, არანჩა იტურბე ყოველდღე წერილობითი ფორმით წარმოადგენდა იმ ისტორიებს, რომელთა შესახებაც შემდეგ ზეპირად უნდა ესაუბრა, თუმცა ამ ჩანაწერებს მოთხრობის სახე არასდროს მიუღია. ამ დღიდან მოყოლებული კი, მან ნოველების წერა დაიწყო. „უმეტესად ნოველებს ვწერ, — აღნიშნავს ავტორი, — ალბათ, იმიტომ, რომ როცა ამბავს ვყვები, მინდა, სათქმელი ნათელი, სხარტი, უშუალო და ლაკონური იყოს“.

თავისი ნოველების დიდ ნაწილში იტურბე წყვილთა მარტოსულობის, უთანხმოებისა და ეჭვიანობის ბუნებაზე საუბრობს. მისი წერის სტილი ახლოსაა ხალხურ სიტყვიერ ხელოვნებასთან და კვალდაკვალ მიჰყვება მარტივი და უშუალო ხასიათის მქონე პროზაულ ფორმებს. მწერლის ნოველებში ასევე მნიშვნელოვანი ადგილი ეთმობა უკიდურესობამდე მისულ ურთიერთობებს, უსიამოვნო შემთხვევებსა და ბედისწერისა თუ უიღბლობის შედეგებს.

არანჩა იტურბე

ნითელი თავშალი

რადგან თავის საფოსტო ყუთში საგადასახადო ქვითრებისა და სარეკლამო ბროშურების გარდა არასდროს არაფერი დახვედრია, ამ ვარდისფერმა კონვერტმა მეტადვე განაცვიფრა. კონვერტის ორივე მხარის საგულდაგულოდ გასინჯვის შემდეგ (რამდენჯერ გამოუცოცხლებია მიღებულ წერილს, თუმცა მალევე მიმხვდარა — ადრესატი ერთ-ერთი მეზობელი გახლდათ) შენიშნა, რომ ზედ არაფერი ეწერა. ვერც სახელს მიაგნებდით სადმე, ვერც — მისამართს, რამაც კიდევ უფრო გააკვირვა. ჯერ ლიფტამდეც არ მიეღწია (ცნობის-მოყვარეობა შინ მისვლამდე უნდა დაეკმაყოფილებინა), კონვერტი რომ გახსნა და წერილის კითხვას შეუდგა, გაოცებისგან კი მეტყველებს უნარი წაერთვა.

მხოლოდ სამი სიტყვა. დახვეწილი კალიგრაფიით შესრულებული, სათანადოდ აწონ-დაწონილი სიტყვები, პირდაპირ ფუ-

რცლის შუაგულში რომ მიეჩინათ ადგილი: „მე თქვენ მიყვარხართ“. არანაირი ხელმოწერა თუ ბეჭედი, აბსოლუტურად არაფერი. ეს სამი სიტყვა, ერთურთს რომ მისწებებოდა, არაერთხელ გადაიკითხა და თან გონებაში გაუელვრა, რა იშვიათად მოესმინა მსგავსი რამ. ამ ფიქრით გატაცებულმა, დაასკვნა, ვიღაცას უთუოდ საფოსტო ყუთები აერია და დასაძინებლად დაწვა.

მეორე დღეს გონებაში კვლავ ამოუტივტივდა ეს ამბავი, თუმცა მხოლოდ ის გაიფიქრა, რამდენად იღბლიანი იყო წერილის სავარაუდო მიმღები. აი, მომდევნო ჯერზე თავისსავე საფოსტო ყუთში მეორე წერილი დაუხვდა.

კიდევ ერთი ვარდისფერი კონვერტი. ისევე სახელისა და მისამართის გარეშე. მაგრამ, ამჯერად ოდნავ ვრცელი წერილი-თურთ: „დღითი დღე უფრო და უფრო მიყვარდებით“.

მეორე წერილი მაინც ვერ აღმოჩნდა დამაკმაყოფილებელი. ერთი ესპანური ანდაზისა არ იყოს, ადამიანი ერთადერთი



ცხოველია, რომელიც ერთსა და იმავე ქვას ორჯერ ნამოკრავს ხოლმე ფეხს. სახლისკენ მიმავალმა გაიფიქრა, ალბათ, იდუმალი თავყანისმცემელი კვლავაც ძველებურად ნაბორძიკდა. თუმცა, სანამ არ ჩათვლიდა, მასზე ფიქრი არ შეუწყვეტია. „რატომაც არა?“ ჩაეკითხა საკუთარ თავს. „ნუთუ, არ შეიძლება, ვინმეს შევუყვარდე?“ სახეზე მოფენილმა ღიმილმა ალაგ-ალაგ დანაოჭებული სახე სულ დაუჭმუჭნა, მაგრამ განთიადის პირველსავე სხივს მაინც ამაღლებული განწყობით შეეგება.

ორი დღის შემდეგ მესამე წერილი მიიღო: „ნუ აღელდებით. იცით, ვინც ვარ. თქვენგან ღიმილსაც კი ვიკმარებ“.

ვაითუ, ეს მართლაც მის თავს ხდებოდა?! ეგებ, სადღაც, ვიღაც მართლაც ეტრფოდა? პატარა მინიშნება მაინც დაეტოვებინა გონებაში მისთვის ნაცნობი ყველა კაცი აღნუსხა, მაგრამ ვერც ერთი ვერ წარმოედგინა ანონიმური წერილების გამომგზავნად. ყასაბი ხუაკინი დადებოდა იყო განწყობილი, ნეკნების საყიდლად შესულს ყოველთვის გულსხმიერად ეპყრობოდა ხოლმე, თუმცა ვერაფრით დაიჯერებდა — ხუაკინი და ვარდისფერი კონვერტები?!

მაშ, დონ რამონი? ამის გაფიქრებაც კი!.. ოცდაორი წელია, რაც მისი მდივანია და ამ ხნის მანძილზე ერთი ტკბილი სიტყვაც კი არასდროს დასცდენია — დაშვება იმისა, რომ ასე უწინადაგოდ დაინყო სისულელის როშვა?! ცხადია, ის არაა! საშინელება იქნებოდა! არა, რა სულელურად ფლერს!

კვირის ბოლომდე კიდევ ერთი წერილი მიიღო, ამჯერად ფრიალ უცნაური პირობითურთ: „თუ ჩემი ვინაობის გაგება გასურთ, მხრებზე ნითელი თავშალი მოისხით“. ნითელი თავშალი! საიდან უნდა მოეტანა ნითელი თავშალი? თავხედობაც ჰყოფნის ამის სათქმელად?! თუმცა, რამდენად ახირებულადაც არ უნდა მოგეჩვენოთ, გადაწყვიტა, მხოლოდ ამ ერთხელ — ყოველივე ხომ ისედაც უცნაურად წარმართულიყო

— თავშალი თავისი ახალი მეზობელი როზმარისთვის ეთხოვა.

— ბოდიშს გიხდით, ასე უცერემონიოდ რომ გეახელით, მაგრამ, შემთხვევით, ნითელი თავშალი ხომ არ გაქვთ, რომ მათხოვოთ?.. ხვალ ერთ შეხვედრაზე უნდა წავიდე.

როზმარიმ დიდი სიხარულით შესთავაზა დახმარება. რასაკვირველია, ათხოვებდა თავშალს, ამით სულ არ ნუხდებოდა. და იცით, რა? ათხოვებდა კი არა, აჩუქებდა კიდევ, ჯანდაბას! ისედაც მოჰპებრებოდა...

— და თუ რაიმე დაგჭირდეთ, ნუ მოგერიდებთ, თქვენ გვერდით მიგულეთ. აბა, მეგობრები რისთვის არსებობენ?

იმ ღამით ძილი არა და არ მიეკარა. წყვილიაღმის სიზმრების მორევემა ჩაითრია და რამდენჯერმე გულგახეთილს გამოეღვიძა. საკუთარი თავი ნითელ თავშალში ვერც კი წარმოედგინა, თუმცა თუ მხოლოდ ეს კმაროდა იდუმლების საბურველში გახვეული უსახელო ადრესანტთან შესახვედრად, მაშინ მზად გახლდათ, ამ დათმობაზე ნასულიყო.

ასეც მოიქცა. გულდასმით შეარჩია თავშლის შესაფერისი ტანისამოსი და შინიდან გავიდა. თავს მიმზიდველად გრძნობდა. აი, უკან დაბრუნებისას კი... მთელი დღის მანძილზე მის ძებნაში ყველა კუთხე-კუჩქული მოიარა. აულტეველად დატკეპნა სახლიდან სამსახურისკენ და სამსახურიდან სახლისკენ მიმავალი გზა, თუმცა ამ წინ და უკან ხეტიალში არავინ გამოჩენილა. იმედისმომცემად გათენებული დილა საღამო ჟამს მოძალებულმა უგუნებობამ ჩაანაცვლა.

მომდევნო დღეს მასში მოულოდნელმა მღელვარებამ იფეთქა, როცა შორიდან საფოსტო ყუთში კვლავ ვარდისფერი კონვერტი მოლანდა; მყისვე კითხვას შეუდგა: „რატომ ათხოვეთ თქვენი კოხტა ნითელი თავშალი იმ ბებრუხანას? ანუ კატეგორიულ უარს მეუბნებით?!“



მარია და ხოსე

მარიას პირველმა ქმარმა გული გაუტეხა, მეორემ კბილები ჩაუღუნა, მესამემ კი ახალთახალი მანქანა დაუმტვრია. ხოსეს პირველი ცოლი მის გულს დაეპატრონა, მეორე კი — ბანკში შენახულ მთელ ფულს. როცა მარია ხოსე გაიცნო, სულიერად დაბეჩავებულს, უკვე აღარაფერი ებადა. ხოსე რომ მარიას გადაეყარა, ჯიბეგაფხეკილი გახლდათ. ხოსემ მარიას თხოვნით მიმართა და მარიამაც ღამის გასათევი ადგილი შესთავა-

ზა. მხოლოდ ერთი ღამით. ერთი თვის შემდეგ უკვე ერთ სანოლში ეძინათ. ერთმანეთს არ ეუფროსებოდნენ. არც მომავალზე საუბრით აბეზრებდნენ თავს ერთმანეთს. არასდროს უხსენებიათ სიყვარული. ხოსემ მანქანის ხელოსნად დაიწყო მუშაობა. მარიას სახლში ზეთით მოთხვრილი ხელებით ბრუნდებოდა. მარია სპეციალური საპნით საგულდაგულოდ ჰბანდა ხოლმე — არ უნდოდა, ზეწრები დაეღაქავებინა.

ერთხელ ავარიამი დამტვრეული მანქანა ფარეხში შეიყვანეს. — თუკი შეაკეთებ, შენი იყოს, — უთხრა უფროსმა ხოსეს. და ხოსეც ყოველდღე დამატებით მუშაობდა, მანამ, სანამ არ შეაკეთა. მარიას არაფერი უეტიხავს. არც ხოსეს უთქვამს რამე, მიუხედავად იმისა, რომ შინ დაბრუნებულს ყოველ ჯერზე გაცივებული სადილი ხვდებოდა. — ნახე, მარია! — მანქანის დაქოქვისთანავე დასჭექა ხოსემ. მარია შეცბუნდა. ხოსე არასდროს ენახა ასეთი ბედნიერი.

— ზღვის სანახავად ნაგიყვან, თუ გინდა! — ქუჩიდან გამოსძახა მარიას. და მარიაც დაჰყავებულა. ზღვისკენ მიმავალ გზაზე მარიამ გაიფიქრა, რომ ცხოვრება ისეთ კაცთან, რომელიც არაფერს დაგიღწევს, ბედნიერების ტოლფასია. სანაპიროს მიუახლოვდნენ და ხოსეს თავში გაუღვია — პოვნა ისეთი ქალისა, რომელიც შენს რაღაცებს არ დაესაკუთრება, კმარა ბედნიერებისთვის. მანქანიდან არ გადმოსულან, კრინტის დაუძვრელად აკოცეს ერთმანეთს. პირველად.

იბან სალდუა

უსილაპი მეგობარი

პატარა რომ ვიყავი, უსილაპი მეგობარი მყავდა. ტომი ერქვა. ნაბლისფერი თმა ჰქონდა, დაბალი და ცოტა არ იყოს, პუტუნა იყო, გულწათხრობილი. ზამთარსა თუ ზაფხულში, მუდამ შორტები ეცვა. სულ ერთად ვთამაშობდით — სახლში, სკოლაში, პარკში, პლაჟზე, ყველგან. დედაჩემს ნოსტალგია რომ შემოაწვედა და ხმამაღლა მოიგონებს ჩემს ბავშვობას, აღნიშნავს, მარტოსული ბავშვი იყავიო. ჩვეულებრივ, ნაფუყრუებ ხოლმე, მაგრამ ხანდახან უქმყოფილების გრძნობა მეუფლება:

„დედა, რატომ მეუბნები, მარტოსული იყავიო?! ნუთუ არ გახსოვს, მე და ტომიმ სახლი ბაყაყებით რომ გავავსეთ?! ან ის ღამე გაიხსენე, სეირნობისას სკამზე მოსიყვარულე წყვილი რომ გამოვიჭირეთ? ტომის ფანრი თამოვიჭირეთ“.

მიუხედავად იმისა, რომ უარის ნიშნად დედა აულღებულად აქნევს თავს, ის ღამე უცილობლად უნდა ახსოვდეს, რამეთუ მამასთან ერთად კინოთეატრიდან დაბრუნებულს განრისხებული შეყვარებულებიდან ერთ-ერთის მიერ გამოძახებული ორი პოლიციელის მეთვალყურეობის ქვეშ დავეხვდი. მელაკუდა ტომმა, ვინ იცის, როგორ, მაგრამ გაქცევა მოახერხა.

თორმეტ წლამდე განუყრელი მეგობრები ვიყავით. შემდეგ ტომს ჩამოგორდინა. ჩემი საუკეთესო მეგობარი კი ალექსი გახდა.

ეს ბავშვობის ერთ-ერთი ამოუხსნელი საიდუმლოა: ერთ დღესაც ის, ვისაც აღმერთებდი, თანდათან უინტერესოდ გეჩვენება და ამის აღმოსაფხვრელად მას არაფრის გაკეთება აღარ ძალუძს. უარესიც, მეგობრობის შენარჩუნების ნებისმიერი მცდელობა სულ უფრო და უფრო საძულველს ხდის შენს თვალში. ტომსაც ასე დაემართა.

ტომი ფარ-ხმალს არ ყრიდა, თუმცა როდესაც მიხვდა, რომ მისმა მცდელობებმა შედეგი არ გამოიღო, გადაწყვიტა. შესვენებაზე, როცა არავინ გვიყურებდა, ხელს მკრავდა და შინ ყოველდღე დალურჯებული ვბრუნდებოდი. როგორც მასწავლებლებმა ჩემს მშობლებს მოახსენეს, თურმე ჩემით ვცემოდი. არავინ დამიჯერა, როცა ტომის დავაბრალე. დამლაშობით საძინებელში შემოიპარებოდა და ჩემს საშინაო დავებზე ნიეთი მელნით სისხლის ტბას დააყენებდა ხოლმე. კომპარებში მეცხადებოდა. ძილსაც კი გადავეჩვიე. მაგრამ ყველაზე საშინელი ის გახლდათ, რაც ალექსს დაემართა. ერთ დღეს ტომი პარკში დამხვდა:

— შენს პანანინა მეგობარს სიმსივნე აქვს, — მომიგო.

ექვსი თვის შემდეგ გავიგეთ, რომ ალექსს ლეკვემია ჰქონდა. სკოლაში აღარ დაბრუნებულა.

მომდევნო წლები ფსიქიატრიდან ფსიქიატრთან სიარულში გავლიე და ტომის დაუსრულებელმა სტუმრობამაც თანდათან იკლო, ბოლოს კი საერთოდ გაქრა. ექიმებს უხაროდათ; ვისწავლე, რომ ტომი „უსილაპი მეგობრის“ სახელით მომეხსენიებინა. აქედან მოყოლებული, როგორღაც დაემშვიდდი.

რამაც მხოლოდ დღევანდელ დღემდე გასტანა.

სკოლიდან დაბრუნებულ ჩემს ვაჟს ყოველთვის შინ ვხვდები ხოლმე.

— მან რას მალავ, ალექს? — ვკითხე. — მამა, ტომმა მომცა, — მიპასუხა და ფანარი მაჩვენა, — შემპირდა, ამით მგარ თამაშს გასწავლიო.

თანამედროვე ბასკი მწერლის იბან სალდუას (1966) კალამს ეკუთვნის რომანები, კრიტიკული წერილები; მან ძალები მოსინჯა საბავშვო და საყმაწვილო ლიტერატურაშიც, თუმცა, უნდა ითქვას, რომ მისმა ნიჭმა ფართო გამოვლინება ნოველისტიკაში პოვა.

იბან სალდუა თავს ნოველისტად მიიჩნევს. «ვერ ვიტყვოდი, რომ მოთხრობები და რომანები ერთმანეთს აბსოლუტურად ენიშნალებოდა, მაგრამ ცალსახაა, რომ ორი ერთმანეთისგან განსხვავებულ ჟანრთან გვაქვს შეხება», — შენიშნავს მწერალი, — «ჯონ ჩივერს დავესხვები და ვიტყვი, რომ სიკვდილის ჟამს საკუთარ თავს ნოველს, პატარა მოთხრობას თუ მოუყუებო; ამ დროს ხომ რომანისთვის არავის სცხელა. ვგონებ, ეს მშვენიერი არგუმენტია იმის ნათელსაყოფად, თუ რამხელა სიღრმის მატარებელია ნოველი. თუმცა, როგორც აუგუსტო მონტეროსოს უთქვამს, საბედნიეროდ, ნოველის მნიშვნელობას რაიმე საზღვრებს ვერ დაუდგენთ. მიჩნეულია, რომ ნოველის შექმნის ხელოვნება გარკვეულ წესებს ექვემდებარება, მაგრამ ერთადერთი ჭეშმარიტი პრინციპი გახლავთ შემდეგი: წესები იმისთვის არსებობს, რომ დაირღვეს».

ბიბლიოგრაფია

ტიმორიზმში ბრალდებული პირი, რომელიც გუშინინი დააკავეს, ოთახის შუაგულში ხელფეხშეკრული მოუხერხებლად ზის სკამზე. ცივი ოფლი ასხამს. უცებ თვალებს ზემოთ აზიდავს და მზერას მიაპყრობს პოლიციელს, რომელმაც ნახევარი საათის წინ საშინლად აწამა. ნილაპი ძლივს თუ გაარჩევთ პოლიციელის სახეს. წიგნს კითხულობს. როგორც ჩანს, პატიმრის გამოვლინება ვერ შენიშნა, წიგნი აქვს თავი ჩარგული. სავარაუდო დამნაშავეს წიგნის დანახვა აცბუნებს: ისეთივე პრიალა მოცისფრო-მონაცრისფრო ყდა, დიზაინი, იგივე სათაური და ავტორი. არც ისე დიდი ხნის წინ ეს წიგნი თავადაც წაიკითხა. ვერ წარმოედგინა, როგორ შეიძლებოდა, მისი მწვალბლის ხელში მოხვედრილიყო. ახსოვს, რომ თავადაც ისევე გატაცებული კითხულობდა, როგორც პოლიციელი — გარშემო ველარაფერს ამჩნევდა. კითხვის დასრულება აღარ უნდოდა.

ერთი კვირის წინ პოლიციელ 76635-Q-ს მეგობარმა მისცა წიგნი. კითხვა უყვარს, თუმცა საამისოდ საკმარისი დრო არასდროს აქვს. წიგნის სამსახურში დატოვება გადაწყვიტა, რათა ხანდახან დრო ეხელთა და რამდენიმე გვერდი მაინც წაეკითხა. ისეთი დაინტერესებულა! როგორც კი საშუალო მაგიდის უჯრიდან წიგნს ამოიღებს, თანამშრომლები სიცილს აყრიან ხოლმე. 76635-Q-ს საერთოდ არ ადარდებს. ეს წიგნი განსაკუთრებულია. დასასრულამდე მისვლა არ უნდა. მსგავსი რამ პირველად ხდებამის თავს.

76635-Q-სგან განსხვავებით, ა. ხ. კ. — პოლიციელის მეგობარი — ცოტა უფრო მეტს კითხულობს. მისი საშუალო გრაფიკი არც ისე გადატვირთულია (ციხეში მუშაობს) და თავისუფლების რამდენიმე საათი

მის განკარგულებაშია. უნდოდა, კითხვის ინტერესი 76635-Q-შიც გაეღვივებინა, რადგან თავად წიგნებზე უყვარს საუბარი (ფილმებზეც), მაგრამ ჯერჯერობით დიდ-ად ვერაფერს გახდა. ფაქტობრივად, არც იმაში გახლდათ დარწმუნებული, რომ ამ წიგნით მიზანს მიაღწევდა. არც ახლა და რწმუნებული. მას შემდეგ, რაც წიგნი მისცა, 76635-Q აღარ უნახავს. სიხარულის გრძნობა დაეუფლება, ხვალ ან ზეგ თუ გადაეყრება და პირველს, რასაც მისგან მოისმენს, წიგნის შესახებ გამოთქმული აზრი იქნება. ა. ხ. კ.-მ წიგნი მეოთხე საპყრობილის კორპუსის შემონახვისას იპოვა, იმ საკანში, რომელიც თავდაყირა დააყენეს. ამ საკანის ბინადარი პატიმრის არც სახელი ან სახე ახსოვს, არც ის, საბოლოოდ თუ მიაგნეს რამეს. უბრალოდ, თაროზე შემოდებულ წიგნს მოჰკრა თვალი და რადგან მწერლის სახელი ეცნო, წამოიღება გადამწყვიტა. არ ნანობს; ეჭვგარეშეა, ეს ხომ ამ მწერლის საუკეთესო ნამუშევარია.

საკანში მყოფი პატიმარი ციხის თანამშრომელ ა. ხ. კ.-ს არ ახსოვს, აი, პედროს (ასე ერქვა) მესხიერებაში კი ცხადადაა აღბეჭდილი როგორც მაშინდელი, ისე მანამდე ჩატარებული ათასობით საინსპექციო შემოვლა, რომლის ატანაც უნევდა. სიმართლე რომ ითქვას, წიგნი დიდად არ ანაღვლებს. კითხვის დასრულებას ისედაც ვერ მოაბა თავი, უბრალოდ, ფურცლებში თავისი მეგობარი გოგონას ფოტოებს ინახავდა და მათი დაკარგვა აცოფებდა — ისეთი მშვენიერი, ფერადი ფოტოები ჰქონდა, ბენიდორმსა და ალიკანტეში გადაღებული. იმ შემოვლის დროს პატარა პორტატული ტელევიზორიც დაუმტვრიეს.

პედროს ფოტოებში მოლიმარი გოგონა, ალბათ, არ მოისურვებდა, „შეყვარებულად“ მოეხსენიებინათ. დიდი-დიდი, ელიარებინა, ერთ დროს პედროს ყოფილი შეყ-



ვარებული რომ გახლდათ. სარა ფუენტესს ეჯავრება ის თვეები, პედროსთან ერთად რომ ცხოვრობდა. პედროც სძულს, თუ სძულდა, უკვე აღარაა დარწმუნებული, იმდენი დრო გავიდა. ახლა კვლავ მშობლების სახლში ცხოვრობს და ნახევარ განაკვეთზე ყვავილების მალაზიაში მუშაობს. პედროს აღარ მოიხმარს, და შესაბამისად, მის შესაძენად წერილმანი ქურდობაც აღარ უნევს. სარას თითქმის გადაავინყდა, რომ დაშორებისას ბევრ ნივთთან ერთად პედროს ბინაში წიგნიც დატოვა. წიგნი ქალაქის ბიბლიოთეკიდან მოიპარა; სხვათა შორის, 76635-Q ამას ახლავს მიხვდა, ფურცლის ქვედა მარჯვენა კუთხეში ბიბლიოთეკის ბეჭედი რომ შენიშნა (მოგვიანებით შეამჩნევს, რომ ანალოგიური ბეჭედი 211-ე და 311-ე გვერდებზეცაა დასმული). სარამ რამდენჯერმე სცადა, წიგნი ახალ მოედანზე გახსნოდა საკვირაო ბაზრობაზე გაეყიდა, მაგრამ ამოდა. აი, მიიკლ კრაიტონისა და ვასკეს ფიგეროას წიგნები, რომლებიც კორტე ინგლესიდან მოიპარა, ლამის ხელიდან გამოსტაცეს.

როცა წიგნი ბიბლიოთეკაში მიიტანეს, ალისია ფერნანდეს დე ლარეამ კატალოგში შეიტანა და 111-ე, 211-ე და 311-ე გვერდებზე ბეჭედი დაასვა; პირველ გვერდსაც ესვა ბეჭედი, მაგრამ სანამ გასაყიდად წაიღებდა, სარამ მთლიანად ამოხია ფურცელი. ბეჭდის დასმის პროცესში ალისიამ ამ წიგნის წაკითხვა გადაწყვიტა, რადგან დასაწყისს შეავლო თვალი და მოიხიბლა. თუმცა, დროის არქონის გამო ჩანაფიქრის ბოლომდე მიყვანა ვერ მოახერხა. ერთ ნაშუადღევს, შინ მანქანით დაბრუნებისას, სამოქალაქო გვარდიის რაზმს, რომელიც მის უკან მოდიოდა, ბოძი აუფეთქეს. სამოქალაქო გვარდია გადარჩა, ალისია კი მძიმედ დაშავდა და ხუთი საათის შემდეგ საავადმყოფოში გარდაიცვალა.

სხენებულ თავდასხმაში მონაწილეობა ერთ-ერთია იმ დანაშაულთაგან, რომლის აღიარებასაც ეჭვმიტანილისგან მოითხოვენ, ახლა რომ მოუხერხებელ სკამზე ზის ხელფეხშეკრული და ცივი ოფლი წურწურით ჩამოსდის. აი, ეჭვმიტანილ ტერორისტს კი სულ გადაავინყდა გაუთავებლად დასმული შეკითხვები და თავში მხოლოდ ის წიგნი უტკითხვებს, პოლიციელი რომ კითხულობს. მაშინ ძალიან მოეწონა ეს რომანი. ახლა ღიმილით იხსენებს, წიგნის შექმნა მხოლოდ იმიტომ გადაწყვიტა, რომ ავტორი მისი მოგვარე იყო. თანაც, მთელი დილა ხომ კაფეში ვენეციურ ფანჯარასთან მჯდომს უნდა გაეტარებინა. ნამდვილი ანტიდოქტა მოწყენილობის დასამარცხებლად.

ამ ფიქრებში გახლდათ გართული, პოლიციელმა 76635-Q-მ რომ წიგნი დახურა და უხალისოდ წამოიღა.





ვანო ჩხიკვაძე

პატარავ!

ტაძარში კი არ შემოხვალ, მტრედით შემოფრინდები, თვალბეჭმცემას სანთელი მოგაქვს პატარა თითებით.

ამაღლდა ჭერი ქაშვეთის, თითქოს ზეცისკენ აქანდა, ქართველი ქალი დაგყურებს — მჯდომი მაცხოვრის აკვანთან.

გაიგებ, როცა თავვანს სცემ მარიამს, პირმშვენიერსო, თუ რაზე გეტიტინება დედის კალთიდან, იესო!

სურათი

პირში კუნელის კუნულით ტოტზე დასკუპულ ბელურას საჩრდილობელი ქუდივით თავზე ფოთოლი ეხურა.

ჭიკჭიკით ფრთები გაშალა, უნდა დადგე და უყურო — ტოტს შეატოვა ფოთოლი, ჩიტი გაფრინდა უქულოდ.

ნათლობა

სამრეკლოზე ზარებს რეკენ, მზე მოიხდის ნისლის ფატას, მოვნათლეთ და მორწმუნე მრევლს ერთი ბიჭიც შეემატა.

ეფერება კელაპტრების მოთამაშე ალი ნიავს, ხატს პირველად ეამბორა — სამი თითი მუზლთან მიაქვს.

ბრწყინავს დედა-ღვთისმშობელის ცრემლი ნამწამების სიმზე: — გაეზარდე საქართველოს! — თოკო-ბიჭი პირფარას იწერს.

ზიცი

კვამლის ფიორივით „პოე“, ყალბით მოხატული „ანი“, „მრავალყამიერის“ „ბანი“ მოხატული მზის ანბანი.

თებრო ვიდრე დადის წყალზე, ბიჭი ბიჭობს, ორბი ორბობს, ჩვენი ვერცხლი მიჩვენებია სხვების დაყვედრებულ ოქროს!

აგარიდებ სუსხს და ავდარს, ოლონდაც შენ არ იდარდო — სამამულე ნერგი ვარ და კაცად უნდა გავიზარდო!

„ანი, ბანი, განი, დონი...“ ყველგან დამხვდნენ, სადაც წაველ — მერცხლის ფრთებით ათროლოებენ დედა-საქართველოს ჰაერს!

რა მოხდება?!

ფუტკარია თუ ხარია, ყველას რაღაც უხარია!

აბა, ნახეთ მოკრუტუნე ფისოს ყელის მოღერება მაშინ, როცა ახალშობილ თავის ცინდალს ეფერება.

მინდორ-მინდორ მოფარფატე გაზაფხულის პეპლებია, მზის ამოსვლა რომ ახარონ, ყვავილს თავზე ევლებიან.

ბუჩქის ძირას, როცა ია ლურჯად ამოიღერება, თქვი, სულს რატომ უხარია ან გულს რატომ ემღერება?

რა მოხდება, ჩვენს ახლობელს, მეგობარს თუ ნათელმირონს, „ბალახს“ თუკი ვერ მივანვდით, გული მანც არ ვატკინოთ?!

ხმაში

ლომი როცა ვახშობს, ქუხილის ხმას ახშობს!

თუ არ წაინუნუნა, თხილს მიირთმევს წრუნუნა?! ხენემა-ხენემის გარეშე ისადილებს ქუცუნა?

იცის უღრანეთმა და სოფელმა და ქალაქმა, თუ არ წაიღრუტუნა, არ მიირთმევს სალაფავს!

მსხვერპლს აფრთხილებს — აქა ვარ, ხე რომ ჩამოატყავა.

ვიდრე ჭიას მიაგნებს, ცქვიცი და თავკომბალა, კაკუნით გააყრუებს შემოგარენს კოდალა.

ვინ არ იცნობს — ცულლუტი, საქათმეთა მტერია, იმის გამოთხრილია, თუკი სადმე ხვრელია.

ბარკალს როცა მიირთმევს, ცივია თუ ცხელია, უყვარს ენის წკლაპუნის საზღაპრეთელ მელიას!

ყმუის, როცა კბილს გაჰკრავს ცხვარს და ფარას დაურბენს, მგელი წვნიანს ლეკვს აჭმევს, ნაჭერს თუ არ ჩაუფენს?!

სულ მუცელში ჩაუშვებს, რამე თუ მოაქურა — ბურტყუნებს და ბუზლუნებს თაფლის მტერი დათურა!

მინის გულში რა ხდება, იცის ამ ჩუმჩუმელამ, რას მიირთმევს, ვინ იტყვის, ან რა ხმაზე — თხუნელა.

ულრანეთში რა უჭირთ, ბიჭი, ეს ნაბოლარა, ლუკმასაც არ გაღეჭავს, ხვენით თუ არ მოღალა ბებია და ტირილით ცრემლი არ გადმოყარა!

ასე ნეტავ როდემდე უნდა ყველა გვანვალოს — უღრანეთში გავგზავნოთ, იქნებ ჭამა ასწავლონ!

გაზაფხულის დილა

მიხტუნავს, მიათამაშებს „ბალისკენ“ ჩანწულ კიკინებს, ეზოში გოგოს კისკისით თითქოს მინდორი ბიბინებს.

ვიდრე ფანჯრის წინ ჩაირბენს, გამილიმებს და იმედად გულში გოგონა კი არა, მზისთვალის შემოიხედავს.

იზარდე, ჩემო პატარავ, მიდი, გზა დამილოცნია, ალუბლის ფურცლის პეპლები შენს პატარა მხრებს კოცნიან.

მიკროზი

თუ არ გავანიავებთ, ვინ არ გამოიცინობს, „სახლში გამოვიზამთრებ!“ — უხარია მიკროზი.

სისუფთავე აშინებს მოძალადე ურდოს, თუ არ გამოიხეხავ, პირშიც კარგად ბუღობს!

წვერს იწინენის ჯაგრისი — მომიყვანეს აქ რისთვის?

საყვედურობს საპონიც — ბესო ხარ თუ მოსე, გაღვრიჭინდი — ხელეშში ამაქაფე დროზე!

მეც რომ არ მახსენებენ, ვერ გავიგე, რას ჰგავს — ჩხუბობს, ვეღარ აჩერებს კრემის ენას „პასტა“.

ბესო, რას ელოდები, მოსე, რაღას ფიქრობ, სათბური რომ მოუწყვეთ თავკომბალა მიკროზს?!

სივრთხილა

ყველს მიაგნო, თავი თომბა წრუნუნების იქცა გმირად, ხან მალაყზე გადავიდა, ხან გაჭიმა ყველზე ყირა.

მიადგა და ციციქნა, ციციქნა, ორი დღე და ერთი კვირა,

დღისით-მზისით ინებებრა მოგუგუნე ბუხრის პირას.

ყველას, თუკი არ იფრთხილებს, დაუჯდება ბოლოს ძვირად — თავგმაც ყველი ციციქნა, ვიდრე ხაფანგმა არ დაიჭირა.

ცალქი ბიჭი

წამითაც არ ისვენებს, დახტის, როგორც კალია, რაც არ ჩაუდენია, ისიც თოკოს ბრალია!

რიკიმ ლამის დაღენოს ხარისხა და გალია: „განგალი — განგალი, ალია და ბალია, ნეტავ, სეტყვა რომ მოდის ისიც ბიჭის ბრალია?!“

არ მთავრდება ამბავი, ეს რა სამართალია, უფროსების სამსჯავროს ნაეკიდო, შარია — დააშავა თუ არა, მაინც დამნაშავეა!

აინუნშიც არ აგდებს, სუყველა გადარია, სკამზე განსასჯელისა როგორ დასვან „კალია“?

ნაკლები რომ იცელქოს, როგორ შეაგნებინონ, როცა ენაწყლიანი თუთიყუში ვეცილობს?!

წყვილავი

ბალახს როგორ მოთბავს ბასრი ცელი უტაროდ. უნეტაროდ, თაფლუჭას დაამზადებ, ფუტკარო?!

საჭიროა, სიმინდის ტარო გამოიკვანწოს, ხრამუნა ბატიბუტმა ტაფაში რომ იბარტყოს.

თუ არ მიეხმარება თავის ძმა და ქომაგი, ხორბალს როგორ ჩამოფქვავს მარტოხელა დოლაბი!

დედამინა უზეცოდ, ფეხბურთელი უზურთოდ, ან წარმოგიდგენია ქამა-სოკო უქულოდ?!

რაღა სახლი იქნება უკარფანჯრო, უჭერო, სიყვარული იხარებს, სული რომ არ უბერო?!

დღე და ღამე გაძლებენ მზის და მთვარის გარეშე?! ქართლში არ მიდიოდეს წმინდა ნინოს „გზა ესე?!“

თქვენი მადლით მოსილმა, ქედი ვის მოვუხარო, უფალო და სამშობლოვ, სამშობლოვ და უფალო!



ლიტერატურული გაზეთი
საქართველოს კულტურისა და სპორტის სამინისტრო
საქართველოს მხარეთმცოდნეობის სასახლე
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ფურნალისტი თამარ ყურული
მობ. ტელ.: (577)742277; (599)269852; e-mail: litgazeti@yahoo.com
ISSN 2346-7940
9 1 7 7 2 3 4 6 1 7 9 4 0 0 4